

册府元龜

巡按福建監察御史臣李嗣京 訂正

知 閩 縣 事 臣 曹鼎臣 叅閱

知 建 陽 縣 事 臣 黃國琦 較釋

帝王部 十八

帝德

自古王者受命以有德而後昌也書稱皇天無親惟德是輔易曰日新之謂盛德若夫創業之后天下樂推守文之主人欣戴何哉蓋聖人以順動則悅隨暨蔽教則咸服者也昔三皇無爲而化五帝垂拱而

治巍巍蕩蕩無得而稱顛顛邛邛恭已而化三代而下百王以還雖教成之蹟不同而君民之德可舉莫不合天地之大齊日月之明表正萬邦輝映千古是知貴為萬乘富有四海在乎以百姓心為心萬物利為利無私之道不宰為功加之雖休勿休日慎一日者得以垂無疆之美也

黃帝軒轅氏生而神靈弱而能言幼而徇齊

年踰十五則聰

明心慮無不徇通矣長而敦敏成而聰明既為天子置左右太

監監於萬國萬國和而神鬼山川封禪以為多焉

顛頊高陽氏靜淵以有謀疏通而知事養財以任地

載時以象天依鬼神以制義治氣以教化潔誠以祭

祀北至于幽陵南至于交趾西至于流沙

流沙在張掖延居縣

東至于蟠木

東海中有山焉名曰度索上有大桃樹層巒三千里

動靜之物大

小之神日月所照莫不砥屬

砥平也四遠皆平而來服屬

帝嚳高辛氏生而神靈自言其名普施利物不私其

身聰以知遠明以察微順天之義知民之愆仁而威

惠而信脩身而天下服取地之財而節用之撫教萬

民而利誨之歷日月而迎送之明鬼神而敬事之其

色郁郁其德嶷嶷其動也時其服也士帝嚳漑執中

而徧天下

古既字作水傍徧字一作扁

日月所照風雨所至莫不

服從

帝堯陶唐氏其仁如天其知如神就之如日望之如

雲富而不驕貴而不舒將遜于位讓于虞舜日若稽

古帝堯日放勳欽明文思安安允恭克讓光被四表

格于上下克明俊德以親九族九族既睦平章百姓

百姓昭明協和萬邦黎民於變時雍舜日稽於衆舍

已從人不虐無告不廢困窮惟帝時克帝謂堯也舜

伏遂稱堯德以成其義考衆從人益曰都帝德廣運

乃聖乃神乃武乃文益因舜言又美堯也廣謂所覆

通神妙無方文經者大運謂所及者遠聖無所不

為天所命所以勉舜也禹曰帝光天之下至於海隅

蒼生光天之下至於海隅蒼蒼然生草木言所及廣遠孔子曰大哉堯之為

君也惟天為大惟堯則之蕩蕩乎民無能名焉巍巍

乎其有成功

帝舜虞氏年二十以孝聞三十而堯問可用者四嶽

咸薦虞舜堯日可於是堯乃以二女妻舜以觀其內

使九男與處以觀其外舜居媯汭內行彌謹堯二女

不敢以貴驕事舜親戚甚有婦道堯九男皆益篤舜

耕歷山歷山之人皆讓畔漁雷澤雷澤之人皆讓居

陶河濱器皆不苦窳病也一年而所居成聚二年成邑

三年成都堯將使嗣位歷試諸艱作舜典曰若稽古

帝舜亦言其順考曰重華協于帝華謂文德言其光大重合於堯俱聖

明濬哲文明温恭允塞濬深哲智也舜有文明温恭之德信允塞上下玄德

升聞乃命以位孔子曰無為而治者其舜也與又曰

舜其大知也與舜好問而好察邇言隱惡而揚善執

其兩端用其中於民其斯以為舜乎兩端過與不及也用其中於民

賢不肖皆能行之其德如此乃號為舜舜之言充也又曰後世雖有作者虞舜

弗可及也已矣君天下生無私死不厚其子子民如

父母有慘怛之愛有忠利之教親而尊安而敬威而

愛富而有禮惠而能散其君子尊仁畏義耻費輕實

忠而不犯義而順文而靜寬而有辨不厚其子言既

豐饒諸侯位也耻費不為辭費出空言甫刑曰德威

也實謂貨財也辨別也猶寬而栗也德所威則人

惟畏德明惟明非虞帝其孰能如是乎皆畏之言服

罪也德所明則人皆寵之言得人也

夏禹為人敏給克勤其德不遠其仁可親其言可信

殷為律身為度以身為法度稱以出出上疊疊穆穆為綱

為紀帝堯使禹為司空勞身焦思居外十二年過家

門不入薄衣食致孝於鬼神卑宮室致費於溝洫方

為井井間為溝十里為城城有溝洫溝廣深四尺洫八尺也作大禹謨曰若稽古

大禹曰文命敷于四海祗承于帝言其外布文德教命內則敬承堯舜

丹房元覽 帝王部 卷之十八 四

又禹立三年百姓以仁遂焉豈必盡仁言百姓効禹為仁非本能

仁也遂禹治水敷土其德能大中國作大夏之樂

殷湯出見野張網四面乃去其三面事其帝王仁慈門諸侯

聞之日湯德至矣及禽獸湯舉伊尹任以國政既踐

天子位伊尹作咸有一德湯即位奉天無私故詩曰

帝命不違至於湯齊湯降不遲聖敬日躋昭假遲遲

上帝是祗帝命式於九圖仲虺之誥曰惟王不邇

色不殖貨利邇近也不近設樂言清簡不近女色言貞固殖生也不生資財貨利言不貪也

既有聖德德懋懋官功懋懋賞用人惟已改過不吝

懋勉也勉於德者則勉之以官勉之於功者則勉之以賞用人之言若自已出有過則改無所吝惜所以

能成王業克寬克仁彰信兆民言寬仁之德佑賢輔德顯

忠遂良賢則助之德則輔之忠則顯之良則遂之明王之道又伊訓曰惟我商

王布昭聖武代虐以寬兆民允懷言布明武德以寬政代桀之虐政兆

民以此皆信懷又曰肇脩人紀從諫弗拂先民時若

居上克明為下克忠與人不求備檢身若不及以至

于有萬邦微子之命曰乃祖成湯克齊聖廣淵言汝祖成

湯能齊德聖達廣大深遠澤流後世皇天眷佑誕受厥命皇天眷顧湯佑助之大受

其命為撫民以寬除其邪虐撫民以寬政放桀邪雷湯之德功加于

天子其命為德澤垂及後世又曰湯以寬治民而除

時德垂後裔言立功於當時又曰湯以寬治民而除

其邪其德能護天下故作大護之樂

周文王在母不憂體不變在傳弗勤處師弗煩事父

不怒父謂王季既為西伯遵后稷公劉之業則古公王季

之法篤仁敬老慈少禮下賢者日中不暇食以待士

士以此多歸之虞芮之人有獄不能決乃如周入界

耕皆讓畔民俗皆讓長事具帝王創業門諸侯聞之曰西伯

蓋受命之君一云西伯蓋受命之年稱王

武王伐紂以除其害其德能成武功故作大武之樂

漢高祖寬仁愛人意豁如也嘗有大度不事家人生

產作業不脩文學而性明達好謀能聽既即位自監

門戍卒見之如舊

惠帝內脩親親外禮宰相優寵齊悼趙隱恩敬篤矣

聞叔孫通之諫則瞿然諫複道乘衣冠道也納曹相國之對而

心說對循高帝制度可謂寬仁之主

文帝即位二十三年官室苑囿車騎服御無所增益

吳王詐病不朝賜以几杖張武等受賂金錢覺更加

賞賜以媿其心專務以德化民是以海內殷富興於

禮義斷獄數百幾致刑措措置也幾近也言天下十死罪人不過數百也

三年詔曰祕祝之官移過於下朕甚弗取其除之

元帝寬弘盡下出於恭儉號令溫雅有古之風烈

成帝為太子時寬博謹慎初居桂宮桂宮在城中近北宮非太子宮

升守元龜

帝王部

元帝嘗惡召太子出龍樓門

門樓下有銅龍若白不

敢絕馳道

馳道天子所行道也今之中道絕橫度也

西至直城門

黃圖西出南頭

第二門也

得絕乃度還入作室門元帝遲之問其故以狀

對元帝大悅乃著令令太子得絕馳道及卽位修容

儀升車正立不內顧不疾言不親指

不內顧謂儼然端嚴不回頭視不

疾言者為輕肆也

臨朝淵嘿尊嚴若神可謂穆穆天

子之容者矣

後漢光武以天下既定思念欲完功臣爵土不令以

吏職為過故皆以列侯就第帝雖制御功臣而每能

回容宥其小失

回曲也曲法以容也

遠方貢珍其必先徧賜列

侯而大官無餘有功輒增邑賞不任以吏職故皆保

其福祿終無誅譴者帝明慎政體總攬權綱量時度

力舉無過事官房無私愛左右無偏恩建武中幸章

陵觀田廬置酒作樂賞賜時宗室諸母因酣悅相與

語曰文叔

帝之字也

少時謹信與人不款曲唯直柔耳今

乃能如此帝聞之大笑曰吾理天下亦欲以柔道行

之

明帝善刑理法令分明日晏坐朝幽枉必達內外無

倖曲之私在上無矜大之色斷獄得情號居前代十

二十斷其二言少刑也

故後之言治者莫不先建武永平之政

章帝平徭簡賦而人賴其慶又體之以忠恕文之以禮樂故乃藩輔克諧群后德讓謂之長者不亦宜乎

魏文帝稱章帝長者

魏明帝口吃少言而沉毅好斷初諸公受遺輔導帝皆以方任處之政自己出而優禮大臣開容善直雖犯言極諫無所摧戮其君人之量如此之偉也

晉武帝宇量弘厚造次於仁恕容納讜正未嘗失色於人明達善謀能斷大事故得撫寧萬國綏靜四方明帝爲太子性至孝有文武才略欽賢愛客雅好文辭當時名臣自王導庾亮溫嶠桓彝阮放等咸見親

待嘗論聖人真假之意導等不能屈又習武藝善撫將士于是東朝濟濟遠近屬心焉及卽位聰明有機斷尤精物理于時兵凶歲飢死疫過半虛弊旣甚事極艱虞屬王敦挾震主之威將移神器帝崎嶇遵養以弱制強潛謀獨斷廓清大稜改授荆湘等四州以分上流之勢撥亂反正強本弱枝雖享國日淺而規模宏遠矣

簡文帝幼而岐嶷爲元帝所愛郭璞見而謂人曰興晉祚者必此人也及長清虛寡欲尤善玄言

孝武帝幼稱聰悟卽位時年十歲至晡不臨左右進



諫答曰衰至則哭何嘗之有謝安嘗歎以爲精理不  
戒先帝旣威權已出雅有人主之量

恭帝爲瑯邪王輔政安帝旣不慧帝每侍左右消息  
溫涼寢食之節以恭謹聞時人稱焉

後魏道武幼遭艱難備嘗險阻具知民之情僞及在  
位躬行仁厚協和民庶旣定中原患前代刑網峻密  
乃命三公郎王德除其法之酷切於民者約定科令  
大崇簡易是時天下民久苦兵亂畏法樂安帝知其  
若此乃鎮之以玄默罰必從輕兆庶欣戴焉

元明道武長子明獻寬毅非禮不動道武甚奇之

太武聰明大度意豁如也

獻文聰獻機悟幼而有濟民神武之規

孝文惇睦九族禮敬俱深雖於大臣持法不縱然性

寬慈每垂矜捨聽覽政事莫不從善如流哀矜百姓

嘗思所以濟益天地五郊宗廟二分之禮嘗必躬親

不以寒暑爲倦每言凡爲人君患於不均不能推誠

遇物苟能推誠胡越之人亦可親如兄弟嘗從容謂

史官曰直書時事無諱國惡人君威福自己史復不

書將何所懼南北征巡有司奏請治道帝曰粗脩橋

梁通輿馬便止不須去草刻令平也凡所脩造不得

已而爲之不爲不爲不爲之事損民力也。巡幸淮南如在內地軍事須伐民樹者必留絹以酬其直。稻梁無所傷踐。太和十七年南伐太尉丕奏請以宮人從。詔曰：「臨戎不語內事宜。停來請帝愛奇好士情如飢渴待納朝賢。隨才輕重嘗寄以布素之意。儵然玄邁不以世務嬰心。曾幸華林園因觀故景陽山侍郎郭祚曰：『山以仁靜水以智流。願陛下脩之。』帝曰：『魏明以奢失於前朕何爲襲之。』於後祚曰：『高山仰止。』帝曰：『豈非景行之謂。』

後周太祖性好朴素不尚虛飾嘗以反風俗復古始爲心知人善任使從諫如流崇尚儒術明達政事思信被物

明帝寬明仁厚敦睦九族有君人之量

武帝初爲大司空甚爲明帝所親愛朝廷大事多共參議性沉深有遠識非因顧問終不輒言明帝每歎曰：「夫人不言言必有中。」及卽位勞謙接下自強不息征伐之虞躬在行陣性又果決能斷大事伐齊將戰有司請換馬帝曰：「朕獨乘良馬欲何所之。」故能得士卒死力。

隋高祖初入太學深沉嚴重雖至親昵不敢狎侮外

質木而內明敏有大畧初得政之始群情不附諸子  
幼弱內有六王之謀外致三方之亂握強兵居重鎮  
者皆周之舊臣帝推以赤心各展其用不踰朞月克  
定三邊未及十年平一四海

唐高祖七歲襲爵唐國公倜儻不羈豁達大度至性  
剛直無所矯飾志略宏遠寬仁容衆凡所與遊集無  
貴賤皆得其歡心及義兵起群盜大俠爭來歸附焉  
謁見必與同坐或延之卧內握手造膝恩如朋友賞  
賜金帛無所愛吝凡有委任推以赤心皆許便宜從  
事未嘗限以文法繇是銜命畢力向義者如流及卽

位見舊愛故人特執馮降有自遠至者皆爲之加禮  
貴臣嘗引升御榻辭意款昵言必稱名初軍國多務  
奏請填委臨朝處分割決如流每發其姦伏皆出人  
之意表然唯舉大綱不存苛細嘗從容謂侍臣曰隋  
煬帝時遣左右覘察得失朝臣戰懼咸不自安君臣  
一體豈當如是

太宗始自襁褓視瞻舉措有異於嘗尤爲高祖穆太  
后之所鍾愛每將隨從不離左右踐祚之始霜旱爲  
災粟價騰起突厥侵抄州縣騷然帝布德寰中申威  
遐外旬月之間九區寧謐至於進賢任能厲精爲政

求士若不及從諫如轉圜分遣旌旄撫臨戎狄未幾單于面縛葱西肉袒榜微儒學興復制度禮樂畢備風教興行下無滯才上無批政商旅野次無復盜賊外戶不閉囹圄嘗空制御王妃公主之家及大姓豪猾之伍歛手屏跡無敢侵犯亦古昔未之有也嘗謂待臣曰今天下無事四夷賓服唯須守此成功以養百姓又指殿而言曰安百姓者如造此舍經始斯畢安可改移若易一椽增一瓦人足競踐良工揮墨掃其梁棟所壞益多亦猶百姓旣安因而撫養若慕奇功變法制不嘗其德必致勞擾又嘗狩于驪山帝登山頂見園斷絕顧謂從官曰此山險絕馬路不通攀緣危澗人亦勞止若依軍令闕園有罪朕爲萬姓主不可登高就下察人之過乃迴馬避之又嘗謂侍臣曰傳云已所不欲勿施於人朕今每事繇已誠能自節豈獨百姓不欲而必順其情但四夷不欲亦能從其意耳又嘗征遼將發定州詔以宮女十人從司徒長孫無忌表請陛下躬自度遼天下無符及神璽悉從宮女減少將委官人天下觀之以爲陛下輕神器帝曰度遼者十餘萬人皆離家室朕將十人猶慙太多夫自厚其身必勞百姓十人以主璽符足可不任

官人朕心已在言前無煩公重請右衛將軍陳萬福  
違法取驛麩數石不欲加罪賜麩以媿其心帝威容  
甚肅百寮進見皆失其措帝知其若此每見人奏事  
必假借顏色使得盡言嘗謂公卿曰朕見煬帝多忌  
朝臣不語非謂待下者也朕欲上和下睦君臣一體  
遂語百寮日午事隙各歸第所有情好任其往來虛  
懷博納不欲見人之短又謂群臣曰朕比許上封事  
者欲知國家臧否政教得失而無識人因此兼言公  
等憊過朕皆棄而不覽想不以懷疑  
玄宗生而聰明睿哲及長寬仁孝友識度弘遠英武  
果斷不拘小節

肅宗始五歲聰明秀異及長英睿有謀畧仁愛孝友  
得之天性有檢制規矩臨事立斷應若雷霆  
代宗天縱聖德仁孝友悌至性過人聰明神武寬而  
能斷碩量洪深喜愠不形于色自幼好學樂善強記  
及長博通經籍尤精易象而溫恭簡敬動必繇禮及  
卽位取則二儀推誠萬方含弘光大寬而能斷聖德  
在人而不有神功格天而不言可謂中興之主  
德宗貞元中嘗謂宰臣曰先師有云居上不寬吾何  
以觀而今以後朕務行寬大之令百寮有才能而行

有不周者當棄瑕錄用無求備於一人

順宗爲太子時於父子間慈孝交結無嫌每以天下爲憂德宗在位稍久不假宰相權而左右得因緣用事外則裴延齡李齊運常渠牟等以姦佞相次進用延齡尤狡險判度支刻剝聚歛以自爲功天下皆怨怒帝每進見候顏色輒言其不可及陸贄張滂李充等以毀譴朝臣悚懼諫議大夫陽城等伏閣極論德宗怒甚將加城等罪外無敢救者帝獨開解之城等賴以免德宗卒不相延齡渠牟者帝之力也貞元中中官多詐稱官市肆奪人物百姓怨苦帝嘗以爲言德宗雖不能悉聽用而心益賢重太子未嘗假借內官顏色居東宮二十餘年天下陰受其賜

憲宗卽位初昇平公主進女口十五人帝曰太上皇不受獻朕何敢違其還郭氏京師士庶聞之者皆喜且相賀想望太平焉元和末光祿卿楊元卿奏曰淮西平甚有寶貨及犀帶臣知之往取必得帝曰朕本討賊爲人除害今賊平人安則我求得矣寶貨犀帶非所求也後勿此言

穆宗寬仁大度天資博厚喜愠不形於外元和末帝在東宮時侍讀諫議大夫常綬奏帝學書至依字

去其傍人字臣問之故答曰君父每以此字可天下之奏臣子豈合書之憲宗深嘉嘆焉

文宗初封江王在藩邸溫恭冲默好學不倦

宣宗每對臣寮蕭然拱揖鮮有輕易之言大臣或獻章疏卽燒香盥手受而覽之當時以大中之政有貞觀之風焉

昭宗攻書好文尤重儒術神氣雄俊有會昌之遺風以先朝威武不振國命寢微而尊禮大臣詳延道術意在恢張舊業號令天下卽位之始中外稱之

後唐莊宗便騎射膽畧絕人其心豁如也採錄善言

聽納容物爲晉王時躬親庶務每與賓寮參議以恤物爲心視民如傷孜孜不倦嘗有疑獄法司以狀具聞帝猶慮獄吏榜笞誣枉覆訊曰非獄吏榜笞乎非勢門排陷乎黠囚或誣譎帝以具獄按格令條其罪以示之囚旣俛首伏罪帝愍然謂之曰非吾殺爾爾當自殺每出於路遇飢寒無告者必駐馬臨問解衣衣之推食食之其山林群盜邑里酋豪皆革心從化各務生產屏出貪吏杜塞幸門登任循良振拔沉滯不逾朞月民俗丕變市無強賈路不拾遺閭里之間無復犬吠之警流備畢復頌穀聞於道路三農稔熟

上下翕然

明宗初爲太祖親騎雄武獨斷謙和下士每有戰功未嘗自伐居嘗唯治兵仗持廉處靜晏如也太祖嘗試之召於泉府命恣其所取帝唯持束帛數緡而出晉高祖性沉澹寡言笑讀兵法重李牧周亞夫之所行事初爲太原尹未嘗有絲竹滋味而輒自燕樂每公退必召幕客論民間稼穡及刑政得失幕客嘗俸皆曰但使人輦青白銅錢給之嘗俸之外優以品食但日在公宮不許遊適士人亦傾心自効無所倦焉周太祖性聰明凡軍志政經深窮肯繁人皆服其教無以過之

世宗幼而英悟以嚴重自處與賓客言必低聲柔氣商確古今及論攻戰之事則縱辯高譚詞理鋒起故時人多之及卽位與侍臣論及賞罰之道帝曰但依王道行之朕固不因怒加罪因喜賞人也

册府元龜



商人

商龜

册府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部 十九

功業

春秋述七德之武周官著九伐之法蓋夫有天下者未嘗不繇嚴師律廣行威罰以成乎善志而式隆大業者焉三代之後賢王踵武丕承基緒以御諸夏或乃曠俗弗率俶擾邊鄙敵國拒命毒痛齊民以至巨

猾猖狂連群而為盜兇黨跋扈逆理而自安繇是申  
 命將帥恭行討伐式遏亂畧震耀皇靈用能興衰撥  
 亂宣威昭德推亡兼弱闢壤地以益國綏懷荒服遠通  
 驛侯而置吏邊陲增保障之固文軌致混同之盛至  
 若躬聖哲之表參締構之謀履艱危之運著戡定之  
 績豈止謀成帷幄授律之允減益亦身先士衆大勲  
 之克集者也

周宣王能興衰撥亂命召穆公虎平淮夷其詩曰徐  
 方既同天子之功

漢武帝元鼎五年四月南越王相呂嘉反殺漢使者

及其王王太后遣伏波將軍路博德出桂陽下湟水

樓船將軍楊僕出豫章下潯水歸義越侯嚴為戈船

將軍出零陵下灘水

嚴故越人降為歸義侯越人于水中負人船又有蛟龍之害故

置戈于船下

甲為下瀨將軍下蒼梧

甲越人歸漢者伍子胥書有下

瀨船皆將罪人江淮呂南樓船十萬人越馳義侯遺亦

人別將巴蜀罪人發夜郎兵下牂牁江咸會番禺六

年十月平之

事具征討門

以其地為儋耳珠崖南海蒼梧

鬱林合浦交阯九真日南九郡初馳義侯因犍為發

南夷兵且蘭君恐遠行旁國虜其老弱

恐發兵與漢行後其國空

虛而旁國來寇鈔取其老弱也

乃與其衆反殺使者及犍為太守漢

乃發巴蜀罪人當擊南越者八校尉擊之會八校尉不下中郎將郭昌衛廣引兵還行誅隔滇道者且蘭言因軍行而便誅之斬首數萬遂平南夷爲牂牁郡夜郎侯始倚南越南越已滅還誅反者謂軍還而誅且蘭夜郎遂入朝邛笮冉駹皆震恐請臣置吏以邛都爲越雋郡笮都爲沈黎郡冉駹爲文山郡廣漢西白馬爲武都郡是年秋東越王餘善反攻殺漢將吏遣橫海將軍韓銳中尉王溫舒出會稽樓船將軍楊僕出豫章擊之明年冬東越殺王餘善降詔曰東越險阻反覆爲後世患遷其民於江淮間

晉武帝咸寧五年十一月大舉伐吳遣鎮軍將軍瑯琊王伷出涂中安東將軍王渾出江西建威將軍王戎出武昌平西將軍胡奮出夏口鎮南大將軍杜預出江陵龍驤將軍王濬廣武將軍唐彬率巴蜀之卒浮江而下東西二十餘萬以太尉賈充爲大都督行剋軍將軍楊濟爲副總統大軍太康元年三月孫皓降收其圖籍尅州四郡四十三縣三百一十三後魏太武始光四年五月討僞夏赫連昌于長安六月甲辰昌將麾下數百騎西南走奔上邽乙巳入城虜昌群弟及其諸母姊妹妻妾官人萬數府庫珍寶

車旗器物不可勝計神廟元年二月監軍侍御史安  
頡擒昌歸京師

後周武帝建德六年正月平北齊合州五十五郡一  
百六十二縣三百八十五戶三百三十萬二千五百  
二十八口二千萬六千八百八十六於河陽幽青南  
兗豫徐北朔定並置總管府相并二總管各置官及  
六府官

隋文帝開皇八年三月詔大舉伐陳十月命行臺尚  
書令晉王廣出六合秦王俊出襄陽清河公楊素出  
信州荊州刺史劉仁恩出江州宜陽公王世績出新

春新義公韓擒虎出廬江襄邑公賀若弼出吳州潘  
徽公燕榮出東海合總管卒兵五十一萬八千皆受  
晉王節度東按滄海西拒巴蜀旌旗舟楫橫亘數千  
里九年正月陳國平獲州三十郡一百縣四百

唐太宗初爲唐國公子隋末群盜蜂起陰有濟時之  
志遂降節下士推財養客無貴賤咸能得其歡心至  
于群盜大俠皆願效死及從高祖於太原與晉陽令  
劉文靜善文靜坐李密親繫獄帝乃就禁所與之言  
陰圖舉義于時百姓避賊多入郡城城中勝兵者殆  
將數萬人文靜爲令歲久知其豪傑又長孫順德劉

弘基等避遼東之役皆隱匿從帝遊客甚衆於是塞布腹心陰設籌策部置悉定卽舉兵恐驚高祖欲以情告又慮不聽沉吟者久之未能決後因屏人白狀高祖大驚曰何意敢發此言汝留勿出吾將執汝告官因命紙筆卽欲表太宗徐復言曰見天時人事如此所以敢言必欲執告不敢辭死高祖乃言曰吾鍾愛於汝汝亦自知豈能告汝慎勿出口且去明日可更來太宗旦日復見辭情懇至高祖不得已遂許以備王威等故猶豫未發會高祖被拘帝流涕言於高祖曰奉國事家惟忠與孝今國亂主昏盡忠何益破

家絕祀非孝所宜事惡矣便須早建大計功若有成當威加天下不成猶可山頭望廷尉豈宜大亂之時受執於單使而坐見夷滅乎高祖悅而從之兵臨發會事釋而止帝又說高祖曰晉陽者唐之舊國天之命我久矣今順天舉事誰謂不成且天與不取反受其咎臨機不斷禍必從之會劉武周作亂於是決策誅王威高君雅首舉義師奉高祖爲大將皆太宗之謀也尋率兵畧地進擊西河郡初至城下諭之不從因縱飛梯士卒爭上司法書佐朱智謹爲內應遂克之獲郡丞高德孺數之曰卿見野鳥謬稱是鸞以語

時王指鹿爲馬以致亡秦卿之類也義兵之舉正欲  
誅佞人耳於是斬之餘皆慰撫盡復其業百姓大悅  
更相賀曰所謂以義安天下此真吾君也自今之後  
其見太平乎師旋拜右領軍大都督三軍皆隸焉封  
燉煌郡公及義兵謀將西上隋將宋老生頓兵霍邑  
屈突通鎮河東議者憚之帝笑曰天實棄隋人孰能  
輔商周之不敵其來尚矣老生之輩當如我何億兆  
離心適足爲吾擒耳及師次賈胡堡會霖雨糧盡高  
祖僉謀於衆將返太原帝進諫曰本興大義以救蒼  
生奮不顧身以安百姓當須先據咸陽號令天下今  
遇小敵便卽班師將恐義從之徒一朝解體還守太  
原一城之地此爲賊耳何以自全高祖不納促令發  
引帝遽將復諫會暝高祖已寢帝不得入夜漸久遂  
於外號泣聲聞於內有命引入問其故對曰今者兵  
以義動進戰則尅退還則散兵散於前敵乘其後死  
亡須臾而至是以悲耳高祖乃悟曰兵馬已去如何  
帝曰初遣兵之使世民並執於外矣所領右軍嚴  
而未發左軍雖去猶應不遠今請自追之高祖笑曰  
吾成敗在汝知復何言任汝也帝親與公子建成分  
路追兵時方中夜帝馳入深谷遂失道下馬步上久

而得路及兵起高祖乃令帝自為武侯將輕騎夜發  
前行及次河東關中豪傑爭來附義帝請進師入關  
取禾豐倉以賑窮乏收群盜以圖京師高祖皆曰善  
帝以前軍濟河先定渭北畧地於三輔自同華函雍  
吏人及賊盜爭赴軍門請自效者相繼不絕扶携老  
幼滿於麾下千里之間軍糧日至收納英俊以備僚  
列遠近聞者咸自託焉師次於涇陽勝兵九萬胡賊  
劉鷓子擁兵而至未卽歸款太宗親率精騎襲擊破  
之遂并其衆因趣司竹李仲文何潘仁向善志等歸  
附之衆頓阿城獲兵十三萬長安父老齋牛酒詣蒞  
門者不可勝紀並勞而遣之一無所受軍令嚴肅秋  
毫無所犯先是避盜入南山者襁負皆出軍中有列  
肆如都邑焉初帝之趣司竹也留劉弘基殷開山屯  
長安故城隋人出爭利縱兵擊却自是之後京師留  
守衛文昇陰帥精兵十萬閉門城守不敢拒戰帝進  
屯金城坊及大軍圍京城自朱雀門及倉城並帝所  
部連營以圍之京師平隋恭帝義寧二年以帝為光  
祿大夫唐國內史封秦國公會薛舉以勁兵十餘萬  
至渭濱扶風危急太守竇璡請救帝率兵擊之大破  
其衆追斬萬餘級畧地于隄坻尋為右元帥總兵十

萬狗東都軍屯西苑營於三王陵自三月至於四月而旋時京師新定李密何強且事觀兵未遑決戰通於熊毅二州置重鎭而還平定王世充之基始於此矣武德元年九月薛舉寇涇州帝發兵以擊之屯於高塘城深溝高壘相持六十餘日會舉死其子仁果嗣立并羗胡之衆尚十餘萬兵鋒甚銳數求戰帝按甲以待之賊糧盡中頗携貳其將翟長孫梁胡郎率所部相繼來降帝知仁果心腹內離頌謂諸將曰可戰矣因令行軍總管梁實營於淺水原以誘之賊大將宗羅喉自恃驍悍求戰不得氣憤者久之及是

銳來攻梁實與逞其志實固險不出以挫其鋒營中無水人馬不飲數日羅喉攻之愈急帝度賊已疲復謂諸將曰彼氣將衰吾當取之必矣申令諸軍遲明合戰復令將軍龐玉陣於淺水原南出賊之右以先餌之羅喉併軍共戰玉軍幾敗旣而帝親御大軍奮自原北出其不意羅喉望見復回師相拒我師表裏齊奮呼聲動天羅喉氣奪於是大潰斬首數千級投澗谷而死者不可勝計帝因率左右二十餘騎追奔直趣折塘以乘之仁果列陣城下帝據涇水以臨賊賊徒氣沮無敢進戰其驍將渾幹等數人臨陣來降



請還取馬帝縱遣之於是各乘良馬須臾並至仁杲大懼嬰城自守帝具知賊中虛實將領大軍繼至四面合圍因縱辨士諭以禍福城中震駭計無所出詰朝仁杲率其將士開門請降師還拜太尉陝東道行臺尚書令鎮長春宮關東兵馬並受節度宋金剛之陷滄州也兵鋒甚銳高祖以王行本尚據蒲州呂崇茂反於夏縣晉滄二州相繼陷沒關中震駭乃遣中書侍郎唐儉馳下手勅曰賊勢如此難與爭鋒宜棄河東之地謹守關西而已帝表曰太原王業所基國之根本河東殷實京邑所資若舉而棄之臣竊憤恨願假精兵三萬必望風平殄武周克復汾晉高祖大悅於是悉發關中兵以益之三年十二月帝趨龍門關履水而渡進屯柏壁於時大亂之後未有倉儲自河以東人情騷擾各入城壁莫有固志軍資糧食徵稅無所帝乃出教示其禍福令之所及爭來歸款自近至遠投附日多然後漸收其糧以濟軍事諸將咸悅遂養兵秣馬與賊相持唯令偏裨乘間抄掠大軍堅守不戰由是賊徒日蹙於後賊將尋相尉遲敬德潛引精騎援王行本於蒲州帝親率步騎三千從間道夜趨安邑邀擊大破之追奔數十里尋相等僅以

身免悉虜其衆三年四月金剛糧絕而遁帝逐之於介州金剛列陣南北七里以抗官軍帝遣總管李勣程巖金秦叔寶當其北翟長孫秦武通當其南親御中軍以臨之諸軍戰小却爲賊所乘帝精騎三千直趣金剛賊衆大潰斬首三千餘級追奔數十里至張難堡有浩州行軍總管樊伯通張德政先據此堡望見帝輕騎而來初未識帝帝免胄曰我也堡人譁譟旣而涕泣曰不圖今日生謁大王死無恨矣時金剛脫身北遁尉遲敬德退保介州帝進軍逼之敬德與尋相王赤龍等率衆八千人來降武周大懼奔於突

厥大軍進至并州僞僕射楊休念以城降悉復舊地突厥遣步利設及骨咄祿勤來會於是大饗將士高祖遣蕭瑀就軍拜益州道行臺尚書令五月帝發并州仍以旋師平夏縣歸而獻捷高祖大悅卽奉詔以陝東道行臺總率諸將擊王世充於雒邑七月發京師自關東州府鎮兵馬咸受節度師次穀州王世充以精兵三萬來拒戰帝率輕騎挑之相遇於磁澗旣衆寡不敵加以溪谷路險被圍數重進退阻絕衆咸大懼帝引弓馳射皆應弦而倒獲其大將燕頤賊乃退帝徐還犯肩埃塵見者不能識軍中自相拒抗帝

免畱以示衆方得入營旦日陳兵穀水之上步騎五萬帝舉麾誓衆曰隋室無道毒被蒼生我國家受命於天寧濟億兆王世充敢抗大邦數行侵暴枉殺良善恣其淫酗國家爲百姓除害事不獲已各宜整爾軍容脩爾器械立勳立效躬行天討敢有犯命者斬無赦於是自穀州營於磁澗宓遣黃君漢夜從河中下舟師廻襲雒城克之因置兵爲守以斷河橋王世充遣僞太子玄應率諸驍將盡銳攻擊而拔尉張叉等七十餘人戮力拒之會帝發兵來援賊衆乃退世充北路旣斷自河以南城堡並相次歸降九月又移

營屯於孝水分命諸軍進屯北芒連營以逼之帝以五百騎先觀戰地卒遇世充將萬餘人帝進擊其騎破之又衝步卒出其陣後以大羽箭射之死者相繼賊皆披靡亦會衆軍繼進合擊遂破之斬首三千餘級獲其大將軍陳智略世充僅以身免僞營州總管楊慶遣其兵曹劉敏行間行乞降請兵應接帝遣總管李勣等率步騎數百自陽城迎之時僞太子玄應先將兵在滎汴之間聞勣兵至遽來邀戰勣擊却之乃夜令郭恪與僞滎州刺史魏陸書喻令歸國陸許諾陰從東都城內送其父母出赴大軍以自取信玄

應遣僞大將軍張志就陸徵兵陸詐病不出召志入  
遂擒之卽以城降陸仍遣志詐爲玄書停其東道兵  
馬令張慈寶且還汴州又密執刺史王要漢令圖慈  
寶傳首大軍玄應旣見諸州相率歸國繇是大懼奔  
還東都李勣乃得安慰東夏於是僞蔚州總管時德  
獻伏州刺史王孝矩袁州刺史楊承先封州刺史郭  
神會行軍總管武賁等并首尾來降世充東道糧運  
自是而絕於是分遣總管史萬寶據龍門劉德威自  
太行圍河內王君廓屯雒口將趣成臯僞驍將軍雄  
信裴孝達等與總管王君廓相持於雒口帝親率騎  
五千以援之次鞞鞞雄信聞而退走君廓追敗之世  
充以兵二萬攻我孝水堡帝率騎擊之斬首數百級  
于時出師日久士卒思歸總管李安遠劉弘基李壽  
等皆勸班師帝曰今者興兵正欲一勞永逸東道諸  
州望風歸附雒陽孤城何能久支功在垂成勢同沃  
雪何乃棄之而去非計之善者乃令諸軍曰世充未  
破師必不還更有請班師者斬衆心乃定帝與世充  
書諭以禍福不答羅志信取其千金堡帝令屈突通  
守之世充自來攻帝以兵赴援表裏奮擊世充大敗  
俘斬六千餘人幾獲世充僞鄭州司兵沈悅以武牢

請降將軍王君廓夜應之自水門入擒其僞荆王行  
本遂取而守之會竇建德以兵十萬來救帝破之於  
滎陽建德築壘于板渚帝屯虎牢堅壁不與戰相持  
三十餘日五月有自賊中來者云建德伺官軍芻盡  
必牧馬於河北因襲武牢帝聞之遂北濟河南臨廣  
武察敵形勢觀兵而還因留馬以誘之是日晚至武  
牢詰朝建德果悉衆而西陳兵于汜水世充將郭士  
衡陳于淇南周亘數里鼓譟建德遣兵涉汜水帝令  
總管王君廓以少兵擊之待河北馬渡方欲與戰建  
德列陣自辰至午兵士飢倦人皆坐列又爭飲水帝

乃令宇文士及將三百騎經賊陣之西馳而南上誠  
之曰賊若不動爾宜引歸如其覺動宜引東出土及  
纔過賊衆果動逡巡欲退帝曰可以擊也親率輕騎  
追而誘之衆軍繼至建德廻師而陣未及整列帝先  
登以擊之所向皆靡俄而衆軍合戰囂塵四起帝率  
史大柰程醜金秦叔寶宇文敵等纏幡而入出其陣  
後張我旗幟賊顧見之衆乃大潰追奔三十里斬首  
三千餘級虜其衆五萬餘人擒建德于陣介夫致之  
高祖聞而大悅手詔曰聞獲建德竟如汝所料畫策  
者雖吾平定者汝也吾聞黃河千年一清乃當今日

汝功一也隋氏分離嶠函隔絕兩雄合勢一朝清海  
汝功二也兵旣克捷更無死傷無媿爲臣不憂其父  
汝功三也吾今開懷抱養蒼生盡其天年心無外慮  
汝功四也旣而帝從河南路還大營經世充鞏縣及  
偃師故城爭來投于是將建德至東都城下以示世  
充充聽其言而泣於是素服率其屬二千餘人詣軍  
門請罪帝接之以禮世充俯伏流汗帝謂之曰卿嘗  
以童子見處今見童子何恭之過乎世充頓首謝罪  
於是部分諸軍先入東都布兵守捉軍令齊肅莫敢  
有犯明晨入據宮城令蕭瑀竇軌等封府庫一無所

取令記室房玄齡先入中書門下收隋圖籍詔誥已  
爲世充除削一無所獲其城中文武與世充原同謀  
惡者誅之枉見囚禁者釋之非罪誅戮者祭之葬之  
官人百姓皆荷再生之恩矣師還群臣以帝功絕嘗  
倫請加殊號高祖以帝爲天策上將位在王公上領  
司徒陝東道大行臺尚書令增邑二萬戶通前三萬  
戶賜金輅一乘袞冕之服玉璧一雙黃金六十斤前  
後二部鼓吹及九部之樂班劍四十人未幾竇建德  
舊將劉黑闥舉兵於湘州帝總戎東討五年正月進  
軍肥鄉相持兩月黑闥率步騎二萬南渡雒水結陣

而至帝遣輕騎當之賊皆殊死戰於是親率精騎擊賊馬軍破之因乘勝蹂其步卒自午及昏戰數合賊大潰斬首萬餘級溺水死者數千人黑闥與二百餘騎北走悉虜其衆時徐圓朗阻兵徐克帝進師圍之會奉詔馳傳入朝因令巢刺王元吉以師濟河太宗至京師論攻取之勢高祖大悅復令馳詣黎陽與大軍會遂趣濟陰平圓朗十城嚴震淮泗脅杜伏威令其入朝河濟江淮盡定遂班師六年突厥寇馬邑帝北伐至并州突厥以馬邑歸國遣使和親置屯田於并州而還七年幸仁智宮時寧州總管楊文幹舉兵

作亂寧州人杜鳳詣官告變帝率衆討之師未至而兇徒震懾文幹爲其麾下所殺于時突厥數爲邊寇人或說高祖曰突厥頻寇關中者徒以府藏子女之在京師故也若焚燒長安而不都則胡寇自止高祖惑之遣中書侍郎宇文士及踰南山以至樊御行可居之地將徙都焉隱太子巢刺王及裴寂並贊成此計帝諫曰獫狁孔熾作患中華自古有之非獨今也周漢並懼其難未聞遷徙都邑今陛下聖明總一天下思皇多士帶甲百萬霍去病漢廷之將帥耳猶且志滅匈奴臣忝備藩維尚使胡塵不息遂令陛下議

欲遷都此臣之責也幸乞聽臣一申微效取彼頡利以謝中州不數年間必係單于之頸何有遽遷都邑快犬羊一旦之情貽後人萬代之耻高祖大笑曰吾家千里信不虛也於是遂止是年秋突厥二可汗舉國入寇道自原州連營南上帝受詔北討巢刺王元吉隸焉初關中霖雨至是大水運糧阻絕士卒疲於征役甲仗不能堅利而突厥大逼舉朝危懼高祖獨恃帝委以捍禦旣而器械不足以當敵城池不足以據守帝頗患之諸將憂見於色及勒兵北上與虜遇於幽州帝部分兵馬候機當戰頡利突利率萬餘騎

奄至城西乘高而陣將士懾懼三軍大駭帝謂元吉曰吾旣出討固敵是求今胡騎憑陵須與一鬪豈宜安坐示之以怯書當自率精銳以張國威爾可同行也元吉大懼對曰突厥兵勢若此之強輕脫取敗決無出理太宗曰汝不敢去宜傍觀得失吾當往爲汝出奇乃親率百騎馳詣虜陣告之曰國家與可汗誓不相負何爲背約深入吾地我秦王也故來一決可汗若自來我當與可汗兩人獨戰若欲兵馬總來我唯百騎相禦耳頡利弗之測笑而不對帝又令前騎告突利曰往與我盟惡難相救爾今將兵來何無香



火之情也亦宜早出一決勝負突利不對太宗又將  
前渡溝水頡利見帝輕出及聞香火之言乃陰猜突  
利因遣使曰王不須渡我無惡意更欲共王自斷當  
耳於是歛軍稍自引却此後連雨更甚帝乃召諸將  
謂之曰虜控弦鳴鏑弓馬是憑今久雨彌時弧矢俱  
敝突厥人衆如鳥鍛翻我屋宿火食槍槊犀利料我  
之逸揣敵所勞此而不乘夫復何待今欲先令勁兵  
亂其陣乃率突騎驅其後虜俗進不相救自此以北  
澗谷深長時有一道魚貫以度因而迫之彼數十萬  
騎坑穽中物耳追至黃河縱不盡擒必當十獲八九

此曉兵者所解諸君勿疑於是師夜出冒雨而進颯  
徒震駭因縱反間於突利突利悅歸心焉遂不欲戰  
其叔姪內離頡利欲戰不可因而請和帝許之結盟  
而去九年高祖以帝立爲皇太子遂卽位貞觀一十  
三年二月辛酉太宗克平沙漠以爲州府其都督刺  
史候利發等競遣使來詣每元正朝賀則數百千人  
尋嘗馳使道路不絕老幼不憚遐遠悉手持方貢是  
月引見諸蕃使人太宗謂群臣曰漢武窮兵朔漠垂  
三十餘載中國空虛所獲無幾比於今時故無等級  
朕之功業大小竹帛豈能盡載中書侍郎崔仁師曰

古者書史所載多爲虛詞豈如今日事皆實錄聖道之大故無得而稱豈縑素所能盡太宗曰吾知勞逸不同者有二鐵勒解解歸國去危就安邊夷無事豈不逸樂而窮髮之地盡爲齊人古昔以來書史不載今日起居記朕功業亦謂勤勞

高宗乾封元年十一月命司空英國公李勣爲遼東道行軍大總管率裨將郭待封等以征高麗二年二月勣度遼遂引兵於新城西南據山築柵且守城中窘迫數有降者自此所向克捷高藏及男建遣太元兄男產將首領九十八人持白幡出降請便入朝勣

以禮延接男建猶閉門固守總章元年九月勣又移營於平壤城男建頻遣兵出戰皆大敗男建下捉兵總管僧信誠密遣人詣軍門許開城門爲內應經五日信誠果開門勣縱兵入登城鼓譟燒城門樓四面火起男建窘急自刺不死十一月拔平壤城虜高藏男建等十二月至京師獻俘於含元官詔以高藏政不繇已授司平太嘗伯男產先降授司宰少卿男建配流黔州男生以鄉導有功授右衛大將軍封下國公特進如故高麗國舊分爲五部有城百七十六戶六十九萬七千乃分其地置都督府九州四十二縣

一百又置安東都護府以統之擢其酋渠有功者授都督刺史及縣令與華人參理百姓仍遣左武衛將軍薛仁貴總兵鎮之

册府元龜

册府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 二十

功業第二

唐玄宗初封臨淄王出為潞州別駕中宗景龍四年來朝六月温王即位改為唐隆元年韋后臨朝稱制韋温宗楚客武延秀紀處訥趙履温韋播高嵩韋擢韋挺葉靜能韋涉韋建楊均王哲等潛謀作亂將害

相王及少帝持韋氏妖讖以革命爲意扇惑姦邪欲令勸進臺閣要司門闕中禁及左右屯兵皆布韋氏子弟帝謂所親曰諸呂之難復起今日宗社之危實若綴旒不早圖之必貽後悔因遇前同州朝邑縣尉劉幽求與語甚相得會兵部侍郎崔日用又寶昌寺僧普潤密詣潘邸廣申籌略其意遂決時京師有王崇曄者爲尚衣奉御僮任俠輕財縱酒長安少年皆從之游帝乃來求與相見遂遇利仁府折衝麻嗣宗押萬騎果毅葛福順總監鍾紹京言及家國深相款結時帝侍相王在潘邸韋溫宗楚客附會安樂公

主將圖剪覆設兵潛備內外阻絕幽求與嗣宗崇曄廣布腹心畫策于外令東明觀道士馮處澄微服詣潘邸通意是月庚子帝遂因處澄微行以出與幽求等皆會于鍾紹京私第紹京臨事而變欲閉關不出其妻許氏謂紹京曰事緣國家應有神理况同謀素定縱不行豈免禍乎宜備臣禮從王之命紹京乃出再拜趨謁帝執紹京手而坐遂與幽求紹京麻嗣宗太平公主第二子薛崇暉尚衣奉御王崇曄太平公主府典籤王師虔押萬騎果毅葛福順李仙臈道士馮處澄僧普潤前商州司馬崔諤之山人劉承祖等

建策誅之或曰先啓相王帝曰拯社稷之危赴君父之愆若事成福歸於宗社不成身死於忠孝安可先請憂怖大人乎遂以其日申時率幽求等先至苑中詣總監鍾紹京厠宇紹京率丁匠二百餘人以從候夜出苑南門時羽林將士等皆次於玄武門外乃遣葛福順李仙鳧領萬騎先攻玄武門福順拔劍前驅直入羽林營內斬將軍韋濬韋播及高嵩梟其首以徇羽林軍士相率來應無有拒者時軒轅星落于紫微中王師虔及僧普潤皆素曉玄象遂啓帝曰大王今日應天順人誅鋤兇慝上象如此亦何憂也遂令

福順領左萬騎攻玄德門仙鳧領右萬騎攻白獸門皆殺其守將斬關而入初帝號令諸將曰如斬關得入並會于凌煙閣前卽大噉寡人勒兵于玄武門候噉噉當入其夜三更福順仙鳧等俱會于凌煙閣前果大噉帝于是率總監兵及羽林兵等齊進於兩儀殿前時梓宮在太極殿殿前有諸衛飛騎萬騎宿衛聞噉噉皆被甲應之皇后韋氏惶惑走入飛騎營中有一飛騎知帝舉兵遂斬首以送時昭容上官氏聞帝至執蠟燭與官人等來迎安樂公主時於宮中方照鏡畫眉爲亂兵斬首以獻於是分兵討捕宮中素

與帝氏連結及用事親信者并諸帝在宮中諸門守衛者悉斬之比曉內外皆定乃馳謁相王謝不先啓請罪相王撫帝泣曰宗社禍難繇汝安之汝不從吾必及禍大功旣集深契吾心焉用謝也辛丑温主下制曰天未悔禍王室多難大行皇帝升遐之際事起倉卒朕以冲眇嗣守丕圖街恤問故遂窮兇黨逆賊馬奉客等潛通宮禁敢行鴆毒而宗楚客紀處前武延秀趙履温帝播高嵩帝挺葉靜能帝建揚均王哲等遂扇太后干朕家事凡有處分政繇帝氏楚客又妄說妖言務欲勸進連結中外將危宗社又頃者

王慶之李懷張嘉福前麟遊縣令杜無土越州長史宋之間潛行表狀請立武承嗣爲皇太子則天皇后斬慶之一人之間以附託三思獲免今之間李懷又託楚客晋卿與將作少將李守質日夜潛圖令延秀起事朕之微眇危若綴旒安國相王鎮國太平公主朕之親叔親姑同憂共戚楚客常温等又附會安樂公主妄欲剪除相王第三子臨淄郡王隆基家國情深君親義切乃與太平公主第二子薛崇暕及總監鍾紹京前同州朝邑縣尉劉幽求利仁府折衝麻嗣宗太平公主府典籤王師虔尚衣奉御王崇曄東明

觀道士馮處澄寶昌寺僧普潤前商州司馬崔諤之  
山人劉承祖等僉扶人望考以時宜叶契建謀重安  
李氏兵戈不動氛祲廓清瞬息之間還自屠滅朕以  
山陵未畢變故相仍情緒荒迷益深摧憤士庶等代  
承景化累荷國恩今得宗社乂安人祇交泰當同茲  
感悅各効忠貞如更朋黨比周輒生異議朕當加嚴  
憲必所不容卽宜宣示令知朕意遂拜帝爲殿中監  
進封平王兼知內外閑廐簡較隴右郡牧大使仍押  
左右廂萬騎賜物一千段是月溫王遜位于叔父相  
王是爲睿宗以帝爲太子先天元年八月遂卽位

肅宗初爲皇太子天寶十五載六月安祿山陷潼關  
玄宗幸蜀發馬嵬於是百姓緇黃耆耆號泣於路捧  
御馬而言曰逆胡亂嘗凌逼城闕遂令鑾輿遷幸臣  
祖父生于中華請率子弟從皇太子爲國討賊東收  
長安遂留帝在後撫慰百姓遣壽王瑁及高力士逃  
內人衣物等帝初不忍辭上皇涕泣不住帝第三子  
建寧王及飛龍騎李輔國攏帝馬請帝任乃勸帝曰  
逆寇入城天下潰亂若殿下從主上赴巴蜀而賊等  
追蹤燒絕棧路則二京宗廟拱手而付狂賊欲招天  
下義勇之士而收復長安豈可得乎不有居者誰守

社稷望殿下絕兒女之愛成天下之大計帝遂留令廣平王馳以奏玄宗遂依衆請兼言傳位帝讓而不受賊帥追至渭便橋以斷渭水初漲又無舟楫帝於水濱號令百姓願從者三千餘人因而涉渡南遇潼關散卒誤以爲賊與之戰士多傷敗乃收其餘復濟渭而北帝過渭之後左右唯廣平王及六軍將士二千人自奉天北上夕次永壽縣老幼悲喜遮道獻牛酒至新平郡通夜奔馳三百餘里從者器械亡失過半所存之衆不過一旅遂止於郡是月帝至平涼郡遂大閱監牧得馬數千萬牛羊十萬餘頭又召募得

五百餘人數日間未知所適朔方留後度支副使杜鴻漸奉牒具陳兵馬招集之勢并錄軍資器械倉儲庫物之數令判官李拯至平涼謁見帝帝大悅又會河西行軍司馬新授御史大夫裴冕詔赴朝廷自河西亦具陳事勢勸帝之朔方帝然之七月辛酉至靈武於是裴冕杜鴻漸等勸進者五甲子帝卽皇帝位於靈州郡城南樓改元至德元年以廣平王爲天下兵馬元帥二年九月廣平王收西京十月帝還長安代宗初封廣平王天寶末玄宗幸蜀帝侍肅宗北巡時賊陷京城所在多虞帝蒙犯荆榛晝夜不離肅宗



左右及玄宗遜位稱太上皇肅宗即皇帝位遂以帝  
為天下兵馬元帥帝以國步未康不敢更辭乃建幕  
府以吏部侍郎蘇震諫議大夫暢瓘七罪等為副使

判官諸道節度郭子儀李光弼王思禮等咸受節制  
時朝廷草創兵無一旅肅宗布恩信收集師徒自靈  
州建大號移幸涇寧及岐數月間兵號十萬至德二  
年九月丁亥帝受命東討統朔方安西迴紇南蠻大  
食之衆二十萬鼓行而前將行百寮拜送于朝堂帝  
答拜既出當闕不乘馬步出木馬門而後登車觀者  
美之帝既撫軍志清寇難見迴紇王子葉護約為兄

弟遇之甚厚葉護大喜壬寅大會于京城之西南香  
積寺之北連亘三十里營伍嚴整啣枚無聲以安西  
北庭行營節度使李嗣業為前軍朔方河西隴右行  
營節度使郭子儀為中軍關內行營節度使王思禮  
為後軍戈鋌輦鼓震山耀野賊將安守忠李歸仁悉  
以前軍來逼我師殆亂前軍節度使李嗣業謂子儀  
曰今日之事若不以身啖寇讎決戰取勝三軍之士  
無孑遺矣言訖乃仗長刀立陣前解衣袒而大呼手  
殺數十人陣容方駐繇是前軍之士皆執長刀如墻  
而進所向摧靡先是賊伏一軍於營東候動則發偵

者知之以告帝親率迴紇銳卒剪其伏軍遂躡大營背與嗣業合勢表裏夾攻自辰及酉斬首六萬餘級賊軍大潰填溝澗而死者十七八長安城中賊黨震慄喧囂之聲終夜不止賊黨張通儒爲賊居守聞忠等大敗遂與麾下并賊僞官萬餘人宵遁西京平遲明帝乃整軍容入城城內百姓僧道老幼遮道歡呼咸曰不圖今日復見國家舊儀帝所至宣恩慰撫城內纖毫無犯乃命後軍王思禮屯兵于苑以清宮禁親率大軍而東時逆賊安慶緒盡出精銳十餘萬使其黨嚴莊張通儒合軍保陝州帝與副元帥郭子儀大將李嗣業王思禮等率迴紇南蠻大食等會戰于陝西賊軍大敗生擒斬馘十餘萬通儒等遁走慶緒聞之竊與其黨自苑北門夜遁奔于河朔東京平帝入東京陳兵于天津橋宣恩勞徠士庶歡躍穀震四遠河南河東諸州爲賊所陷者皆歸順十月肅宗還京師發使奉迎玄宗至自蜀郡居興慶宮百司文物三宮容衛悉復舊儀皆帝之功也

德宗初封奉節郡王代宗寶應元年五月以胡寇更朝義尚據東都議出師東征帝爲天下兵馬元帥十月領河南朔方諸節度迴紇兵馬赴陝僕固懷恩與

迴紇左殺爲先鋒魚朝恩郭英父爲後殿自澠池入  
李抱玉自河陽入副元帥李光弼自陳留入帝留陝  
州與朝義戰于邙山之下逆賊敗績走渡河斬首萬  
六千生擒四千六百降三萬二千人器械不可勝數  
朝義走投汴州僞將張獻誠拒之乃渡河北投幽州  
二年正月賊爲范陽節度使李懷仙於莫州生擒之  
送款來降梟首至闕下代宗以帝大勲特拜尚書令  
元帥如故郭子儀李光弼等二十四人並賜鐵券圖  
形凌煙閣

憲宗元和中諸軍進討淄青李師道擒之斬其首送  
于魏博軍國家自天寶末安祿山首亂兩河至寶應  
元年王師平史朝義其將薛嵩李懷仙田承嗣李寶  
臣等先受僞命分領州郡凡數十時朝廷厭兵遂各  
因其舊任真授焉及侯希逸爲軍人逐出正已又據  
有齊魯之地旣而遞相膠固聯結姻好職貢不入法  
令不加率以爲嘗仍皆置其子爲副大使身死繼立  
則以三軍之請聞亦有爲其大將所殺而自立者自  
艱難以後迄于貞元朝廷多務優容每聞其擅襲因  
卽而授之以故六十餘年兩河號爲反側之俗元和  
初始則誅楊惠琳劉闢李錡三年來于頔五年擒盧

從史張茂昭獻所管易定二州舉族歸闕七年田弘  
正定魏博相衛澶貝六州十二年斬吳元濟平蔡申  
光三州是年斬李師道平鄆曹濮淄青齊登萊兗海  
沂密凡十二州程權歸朝得滄景王承宗求削地總  
德棣弘鎮汴宋亳穎四州二十餘年是歲入朝乞留  
京師以贖前過於是河南河北合三十一州復爲王  
土焉

宣宗大中三年正月丙辰涇原節度使康季榮奏吐  
蕃宰相論恐熱以秦原安樂三州及石門等七關之  
兵民歸國六月康季榮又奏收復原州城及石門驛  
藏木峽制勝六磐石峽等六關頒寧張君緒奏今月  
十三日收復蕭關勅於蕭關置武州改安樂州爲威  
州七月三州七關軍人百姓皆河隴遺黎數千人見  
于闕下帝御延喜門撫慰令其解鞵賜之冠帶于時  
康衢觀者傾都咸稱萬歲共賜絹一十五萬疋八月  
鳳翔節度使李玘奏復秦州八月制曰昔皇王之有  
國也何嘗不文以守成武以集事參諸二柄歸乎大  
寧朕猥荷丕圖思弘景業憂勤戒惕四載于茲每念  
河湟土疆綿亘遐澗天寶末犬戎乘我多難無力禦  
姦遂縱腥膻不遠京邑事更十葉時近百年進士試

能每不竭其長策朝廷下議皆亦聽其署詞盡以不生邊事爲永圖且守舊地爲明理荏苒于是收復無繇今者天地儲祥祖宗垂祐左衽輸款邊壘連降刷耻建功所謀必尅實賴樞衡妙筭將帥雄威副玄宗不爭之文絕漢武遠征之悔甌脫頓空于內地斥獲全據於新封莫大之休指期而就嗚呼七關要害三州膏腴候館之殘址可尋唐人之遺風盡在追懷往事良使興嗟夫取不在廣貴保其金湯得必有時詎計于遲速今則便務脩築不進干戈必使足食足兵有備無患載洽亭育之道永致生靈之安可改蕭關

爲武州安樂州爲威州仍令殖三州七關之地以廣鹽鹵之利贍濟邊人三鎮將士共賜帛一十五萬匹委度支別據等第指揮五年七月土蕃沙州刺史張義潮遣兄義潭以瓜沙伊蕭等十一州戶口來獻自河隴陷蕃百餘年至是悉復隴右故地十二月沙州置歸義軍以張義潮爲瓜沙伊等州節度使後唐莊宗同光元年四月卽位于魏州閏月平梁鄆州梁末帝聞鄆陷大恐七月丁未帝御軍汾河而南戊午遣騎將李紹貽直抵梁壘梁軍益恐八月遷都十月壬申帝御大軍自揚劉濟河甲戌攻中都擒梁

將王彥章等將吏二百餘人斬馘二萬奪馬千匹丁丑次曹州郡將出降巳卯遲明前軍至汴城明宗令左右捉生攻封丘門梁開封尹王瓚請以城降俄而帝與大將繼至瓚迎帝自梁門入梁末帝巳爲其將皇甫麟所弑函首以獻二年九月大舉伐蜀以衛王繼岌爲西川四面行營都統以樞密使郭崇韜爲招討使十月丙辰蜀主王衍降自興師出洛至定蜀城計七十五日走丸之勢前代所無檢蜀之府藏得步騎兵一十三萬兵仗七百萬糧二百五十三萬錢一百九十三萬貫金銀共二十二萬珠玉犀象二萬錦

綾羅五十萬得節度軍額十州六十四縣二百四十九  
明宗初在太祖左右大順中吐渾黠戛斯侵代北陷遮虜軍執我軍使劉胡子時遣大將李存信拒戰不利太祖讓存信曰非蕃部難敵乃公之異懦也吾樽帳下豪俊副公戰必捷矣遂命帝副存信軍再戰果捷存信時爲河東蕃漢步騎大將四征討伐畧無虛歲嘗命帝左右其軍

唐昭宗乾寧三年四月魏府節度使羅弘信背盟襲破李存信於華縣帝奮命殿戰信宿至洛州諸軍稍

集太祖怒存信奪其兵符賞帝殿戰之功乃以帝所屬五百騎號曰橫衝都侍於帳下天復中梁太祖遣氏叔琮將兵五萬營於同澗是時諸道之師畢萃於太原郡縣多陷於梁晉陽城外營壘相望太祖命帝與李嗣昭分兵四出突入諸營梁軍繇是引退率偏師追襲復諸郡邑都府復完天祐五年五月莊宗將兵救潞州之圍帝入夾城大破梁軍即日解圍其功居最七年十二月鎮冀節度使王鎔爲梁軍所擊營於栢鄉遣使來求援帝時掌內衙親軍從莊宗赴援東出贊皇次於趙州命帝與史建瑋徑趨栢鄉嘗寇

獲賊士詰兵數曰精兵七萬堅取鎮州周德威以賊勢雄盛憂之與監軍使張承業謀退舍莊宗從其謀退保鄆邑八年正月二日命帝與周德威將三千騎致師於栢鄉設伏於村塢間帝率百騎直壓賊營韓効怒悉其軍結陣而來帝與之轉戰所向靡不克捷以功授代州刺史十年莊宗遣周德威伐幽州帝分兵略定山後八軍與劉守光愛將元行欽戰於廣邊軍凡八陣帝控弦發矢七中行欽遂降之十三年二月莊宗與梁將劉鄩大戰於故元城北帝以三千騎環之鼓譟奮擊內外合勢鄩軍殆盡帝徇地磁洛四

月梁相州守將張筠遁走乃以帝爲相州刺史尋除邢州節度使十四年四月契丹阿保機率衆三十萬攻幽州周德威間使告悉莊宗命帝與李存審關保率軍赴援帝爲前鋒距幽州兩舍虜騎當谷口而陣帝與末帝舞撾奮擊萬衆披靡挾其酋帥而還虜衆大敗勢如席卷委棄鎧仗羊馬殆不勝紀是日解圍十八年十月從莊宗大破梁將戴思遠於戚城斬首二萬級加同平章事充蕃漢馬步副總管二十年代李存審爲滄州節度使同光元年四月莊宗卽位加侍中閏月命帝率步騎五千人星馳襲梁鄆州下之

授天平軍節度使九月梁將王彥章以步騎萬人追鄆州自中都進渡汝河帝出騎逆賊至遮坊鎮遇彥章都較任釗等數千騎因與之戰生獲任釗出章二百餘人十月癸酉莊宗親御六師至鄆州是夜命帝以騎軍爲前鋒大將繼進詰朝遇賊軍一戰敗之追至中都俄而大圍合城無所備賊潰圍而出擊之大破生擒大將王彥章及監軍張漢傑趙廷隱等時梁將段凝率大軍屯於澶淵帝言於莊宗曰奇兵貴速今破是賊段凝輩必未傳聞縱走人告彼信否之間更須三日假使察吾所向便發救軍直路且阻決河



須繇滑州濟渡數萬之衆舟楫亦難卒辦此去汴程途咫尺前無山險方陣橫行晝夜兼程信宿卽至段凝未起河壩友貞爲吾俘矣徑取汴州上計也請陛下御軍徐進臣願以千騎前驅莊宗嘉之帝卽時騎軍前進乙亥莊宗發中都巳卯遲明帝先至汴州令左右捉生都攻封丘門城中震駭倒戈請罪開封尹王瓚開門迎降汴州平

周世宗顯德二年四月詔鳳翔節度使王景攻收秦鳳二州六月以曹州節度使韓通充西南面行營都虞候九月僞秦州觀察判官趙玘以城降十月成州

歸順十一月收復鳳州初晉末契丹犯關秦州節度使何建以秦城階三州入蜀蜀人又收鳳州至是秦鳳人戶怨蜀苛政相次詣闕乞舉兵收復舊地因而平之四年二月幸淮南督諸軍收壽州三月乙丑大陳師旅繇浮橋濟淮抵壽州之北庚寅帝躬擐甲胄擁兵攻破紫金山砦擒獲甚衆壽州劉仁瞻奉表請降壽州平四月還京十月復幸淮南十二月泗州濠州並以城歸順是月江南李景遣兵驅虜揚州士庶渡江焚其州郭而去五年正月命將攻海州楚州並拔之天長軍使以城歸順三月丙申李景遣其臣僞

兵部侍郎陳覺奉表來上且乞畫江為界江北平足  
得州十四縣六十戶二十二萬六千五百七十四以  
江南內附頒詔於天下六年三月帝幸乾寧軍大治  
舟師以備北伐四月丁酉帝御龍舟率內六軍鳴鼓  
棹順流而北自關之西河路漸溢水不能勝舟帝捨  
舟入于瓦橋關偽莫州刺史劉信上表歸順五月乙  
巳朔侍衛軍使李重進已下諸將相帥師而至是日  
偽瀛州刺史高彥輝上表歸順關南平凡得州五縣  
十七戶一萬八千三百六十一是行也王師數萬不  
發一矢而虜界城邑皆迎刃而下

冊府元龜

册府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事 臣黃國琦較釋

帝王部 二十一

徵應

自古受命而王者莫不有徵應焉歲起攝提肇生天  
皇書契而下益章章矣故曰黃河清而聖人生里社  
鳴而聖人出羣龍見而聖人用生既異稟則文王之  
在母不憂出既殊感則漢高以斬蛇自負用既響合

則光武應白水之讖而中興矣傳曰天降時雨山川  
出雲嗜欲將至有開必先易曰雲從龍風從虎聖人  
作而萬物覩上自日月星辰下及昆蟲草木以時耕  
社者何可勝道哉是知天人合契靈祇幽贊運之斯  
啓感而遂通乘時建事大勲以集蓋帝者之興未有  
不休徵先兆以表春命之符者也

帝堯初爲唐侯嘗夢攀天而上之

帝舜耕於歷山夢眉長與鬚等

夏禹初爲司空觀於河有長人白面魚身出曰吾河  
精也呼禹曰文命治滌授禹河圖言治水之事乃退  
入于淵

周文王父季歷之十年飛龍盈於殷之牧野此蓋聖  
人在下位將起之符也及爲西伯作邑于豐文王之  
妃曰太姒夢商庭生棘太子發植梓樹於闕間化爲  
松栢作棧以告文王文王幣告羣臣與發並拜吉夢  
季秋之甲子赤雀啣書及豐止于昌戶昌拜稽首授  
之其文要曰姬昌蒼帝子亡殷者紂

武王伐紂度孟津中流白魚躍入王舟王俯取魚長  
三尺目下有赤文成字言紂可伐王寫以吉字魚文  
消燔魚以告天有火自天止于王屋流爲赤鳥鳥啣

穀焉穀者紀后稷之德火者燔魚以告天天火流下  
應以吉也遂東伐紂勝於牧野兵不血刃而天下歸  
之

漢高祖初從王媼武負貫酒時飲醉臥武負王媼見  
其上嘗有惟高祖每酤留飲雒數倍及見惟歲竟此  
兩家嘗折券棄責後高祖以亭長爲縣送徒驪山徒  
多道亡自度比至皆亡之到豐西澤中亭止飲夜皆  
解縱所送徒曰公等皆去吾亦從此逝矣徒中壯士  
願從者十餘人高祖被酒夜逕澤中令一人行前行  
前者還報曰前有大蛇當徑願還高祖醉曰壯士行

何畏乃前拔劍斬蛇蛇分爲兩道開行數里醉因臥  
後人來至蛇所有一老嫗夜哭人問嫗何哭嫗曰人  
殺吾子人曰嫗子何爲見殺嫗曰吾子白帝子也化  
爲蛇當道今者赤帝子斬之故哭人乃以嫗爲不誠  
欲苦之嫗因忽不見後人至高祖覺告高祖高祖乃  
心獨喜自負諸從者日益畏之高祖隱於芒碭山澤  
間吕后與人俱求嘗得之高祖恠問吕后后曰季所  
居上嘗有雲氣故從往嘗得季高祖又喜沛中子弟  
或聞之多欲附者高祖旣入咸陽范增令人望其氣  
皆爲龍成五色此天子氣故勸項籍急擊之勿失沛

公用項伯張良謀來謝得免高祖既為漢王二年項籍擊漢睢水上大破漢軍多殺士卒睢水為之不流

圍漢王三市大風從西北起折木發屋揚沙石晝晦楚軍大亂而漢王得與數十騎遁去陳餘襲破嘗山

王耳耳敗走曰漢王與我有故而項王彊立我我欲之楚耳公曰善說星者耳氏也齊人漢王之入關五星聚東井

東井者秦分也先至必王楚雖彊後必屬漢耳遂走漢又漢書載漢元年十月五星聚晉東井以歷推之從歲星也此高皇帝受命之符故客謂張耳曰東

井秦地漢王入秦五星從歲星聚當以義取天下秦王子嬰降漢王於軹道漢王以屬吏寶器婦女亡所取并封公門還軍次于霸上以候諸侯與秦民約法三章民亡不歸心者可謂能行義矣天之所予也五

年遂定天下即帝位此明歲星之聚東井為秦地明效也

文帝初為代王會丞相大尉共誅諸呂使行迎代王代王報太后計猶豫未定卜之兆得大橫龜曰兆筮曰卦卜以

荆灼龜文正橫也占曰大橫庚庚余為天王夏啟以光庚庚橫貌

其繇文也占謂其謠也先是五帝官天下老則禮賢至夏啓始傳嗣能光先君之業文帝亦襲父迹言似啟也繇音文勅切本代王曰寡人故已為王又何王作籀書也謂讀卜辭

乎卜人曰所謂天王者乃天子也昭帝武帝少子也毋曰趙婕妤本以有奇異得幸謂氣者言有奇女子氣及召見及生帝亦奇異十四月

手指拳上自披之即時伸宣帝武帝曾孫在襁褓坐戾太子繫郡邸獄望氣者

言長安獄中有天子氣帝遣使者分條中都官獄繫者輕重皆殺之內謁者令郭穰夜至郡邸獄丙吉拒閉使者不得入曾孫賴吉得以全幼時居數有光耀每買餅所從家輒大饑與售同亦以是惟初昭帝元鳳三年正月泰山萊蕪山南匈匈有數千人聲民視之有大石自立高丈五尺大四十八圍入地深八尺三石為足石立後有白鳥數千下集其旁昌邑有枯社木卧復生又上林苑中大柳樹斷枯臥地亦自立生有蟲食樹葉成文字曰公孫病已立時睦孟推春秋之意以為石柳皆陰類下民之象泰山者岱宗之嶽

王者易姓告代之處今大石自立僵柳復起非人力所為此當有從匹夫為天子者枯社木復生故廢之家復生明公孫氏當復興者也孟意亦不知所在師說曰先師董仲舒有言雖有繼體守文之君不害聖人之受命漢家堯後有傳國之運漢帝宜誰差天下求索賢人誰問差擇也問擇天下賢人禮以帝位禮古禪字而退自封

百里如殷周二王後以承順天命孟使友人內官長賜上此書內官署各百官表云內官長丞初屬少府中屬主爵後屬宗正賜者其長之名也

時昭帝幼大將軍霍光秉政惡之下其書廷尉奏睦孟妄設妖言惑眾大逆不道皆伏誅後五年孝宣帝

興於民間即位徵孟子為郎宣帝初各病已

後漢光武皇考南頓君欽初為濟陽令以建平元年

十二月甲子夜生光武於縣舍有赤光照室中欽異

焉使卜者王長占之長辟左右曰此兆吉不可言是

歲縣界有嘉禾生一莖九穗因名光武曰秀明年方

士有夏賀良者上言哀帝云漢家歷運中衰當再受

命於是改號為泰初元年稱陳聖劉太平皇帝以厭

勝之及王莽篡位忌惡劉氏以錢文有金刀故改為

貨泉或以貨泉字文為白水真人後望氣者蘇伯阿

為王莽使至南陽遙望見舂陵郭喆曰氣佳哉鬱鬱

匆匆然及始起兵還舂陵遠望舍南火光赫然屬天

有頃不見道士西門君惠李守等亦云劉秀當為天

子更始立光武為大司馬狗河北以王郎新盛乃北

狗薊晨夜兼行蒙犯霜雪天時寒面皆破裂至滹沱

河無船適遇冰合得過未畢數車而陷又王霸傳曰

郎起兵光武即南馳至下曲陽傳聞王郎兵在後從

者恐及至滹沱河候吏還白河水流漸無船不可濟

官屬大懼光武令王霸往視之霸恐驚眾欲且前阻

水還即詭曰水堅可渡官屬皆喜光武笑曰侯吏果

妄語也遂前北至河河水亦合乃令霸護渡未畢數

騎而冰解光武謂霸曰安吾眾得濟免者卿之力也

霸謝曰此明公至德神靈之祐雖武王白魚之應無

以加此光武謂官屬曰王霸權以濟事殆天瑞也

惶惑不知所之有白衣老父在道旁指曰努力信都



郡為長安守此去八十里光武即馳赴之信都太守任光開門出迎光武安帝自在邸第數有神光昭室又有赤蛻盤於床第之間

獻帝母王美人妊娠畏何后服藥欲除之胎安不動又數夢負日而行

魏太祖之為魏王也先是熹平五年黃龍見譙光祿大夫橋玄問太史令單颺此何祥也颺曰其國後當有王者興不及五十年亦當復見天事嘗象此其應也內黃殷登默而記之至四十五年太祖為魏王登尚在文帝初為魏王延康元年三月黃龍見譙登開

之曰單颺之言其驗茲乎

魏書曰王召見登謂之曰昔成封聞楚丘之繇而敬

事季友鄧晨信少公之言而自納光武登以篤老服膺占術記識天道豈有是乎賜登穀一百斛遣歸家

四月饒安縣言白雉見

賜饒安田租勃海郡百戶牛酒大酺三日太嘗以太牢祠

宗廟八月石邑縣言鳳凰集又郡國十三言鳳凰見二十七言白虎見是年麒麟十見郡國

晉武帝初為中撫軍魏咸熙元年六月鎮西將軍衛瓘至於成都得璧玉印各一枚文似成信字魏人宣示百官藏于相國府賈充聞之曰吾聞譙周之言先帝諱備其訓具也後主諱禪其訓授也如言劉已具矣當授與人也今中撫軍名炎而漢年極於炎與瑞

出成都而藏之于相國府此殆天意矣是歲拜充為梓潼太守明年八月嗣相國晉王位是月長人見於襄武長三丈告縣人王始曰今當太平初張掖郡刪丹縣金山玄川溢涌寶石負圖狀象靈龜廣一丈六尺長一丈七尺一寸圍五丈八寸立于川西有石馬七其一仙人騎之其一羈絆其五有形而不善成有玉匣關蓋於其前上有玉字玉玦二璜一麒麟在東鳳鳥在南白虎在西犧牛在北馬自中布列四面色皆蒼白其南有五字曰上上三天王又曰述大金大討曹金但取之金立中大金馬一匹在中大吉開壽

此馬甲寅述水凡中字六金字十又有若八卦及列宿字彗之象焉

搜神記曰初漢元成之世先識之士有言曰魏年有和當有開石於西三千餘里擊五馬文曰大討曹及魏之初興也張掖之柳谷有開石馬始見於建安形成於黃初文備於太和周圍七尋中高一仞蒼質素章龍馬麟鹿鳳凰仙人之象燦然咸著此一事者魏晉大興之符也至晉太始三年張掖太守焦勝上言以留郡本國圖較今石文文字多少不同謹具圖上按其文有五馬象其一有人平上憤執戟而乘之其一有若馬形而不成其字有金有合有中大有大司馬有王有大吉有正又有開壽其一成行曰金當取之漢晉春秋曰氐池縣大柳谷日夜激波湧溢其聲如雷曉而有蒼石立水中長一丈六尺高八尺白石畫文為十三馬一牛一鳥八卦玉珎之象皆隆起其文曰大討曹適水中甲寅帝惡其討也使鑿去為計以蒼石室之宿昔而白石滿焉至晉初其文愈明象皆煥徹如玉焉

懷帝初誕有嘉禾生於豫章之南昌先是望氣者云豫章有天子氣其後竟以豫章王爲皇太弟

元帝以晉王卽位始秦時望氣者云五百年後金陵有天子故始皇東遊以厭之改其地曰秣陵壑北山以絕其勢及孫權之稱號自謂當之孫盛以爲始皇建於孫氏四百三十七載考其歷數猶爲未及帝之渡江也乃五百二十六年真人之應在於此矣初有玄石圖有牛繼馬故宣帝初忌牛氏遂爲二楹共一口以貯酒焉帝先飲者佳而以毒酒鴆其將牛金而恭王妃夏侯氏竟通小吏牛氏而生元帝咸寧初風

吹大社樹折社中有青氣占者以爲東莞有帝者之祥繇是徙封東莞王於瑯琊卽帝祖武王也及吳之亡王濬實先至建鄴而皓之降款遠歸璽於瑯琊天意人事又符中興之兆帝初鎮建業郭璞爲王導參軍導令璞筮之遇咸之井璞曰東北郡縣有武名者當出鐸以著受命之符西南郡縣有陽名者井當沸其後晉陵武進縣人於田中得銅鐸五枚柄口皆有龍虎形又有將雛諸雀集其前皆驅去復還至於再三又有鵝三四頭高飛且鳴周迴東西晝夜不下如此者六七日豫章有大樟樹大三十五圍枯死積久

宋嘉中忽更榮茂又歷陽縣中井沸經日乃止及帝  
爲晉王又使璞筮遇豫之睽璞曰會稽當出鐘以告  
成功上有勒銘應在人家井泥中得之錄辭所謂先  
王以作樂崇德殷薦之上帝者也及帝卽位大興初  
會稽郟縣人果於井中得一棧鐘長七寸二分口徑  
四寸半上有古文奇書十八字云會稽徵命餘字時  
人莫識之樸曰蓋王者之作必有靈符塞天人之心  
與神物合契然後可以言受命矣觀五鐸啟號於晉  
陵棧鐘告成於會稽瑞不失類出皆有方豈不備哉  
若夫鐸發其響應徵其象器以覈臻事以實應天人

之際不可不察初武帝伐吳琅琊武王仲率衆出塗  
中而王渾逼歷陽王濬已次近路孫皓欲降送天子  
璽授近越二將而遠送詣仲識者咸恠之吳之未亡  
也吳郡臨平湖一旦自開湖邊得石函中有小青石  
刻作皇帝字舊言臨平湖塞天下亂開則天下太平  
吳人以爲美祥俄而吳滅後帝興於江左

康帝初爲吳王成帝咸和六年五月曲阿有柳樹倒  
地六載是月忽復起生九年五月甲戌吳雄家有死  
榆樹是日因風雨起生與漢上林斷柳起生同象時  
雖改封琅邪而猶食吳郡爲邑是帝起體饗國之象

也曲阿先亦吳地象見吳皆天意也

孝武帝始四歲時哀帝興寧三年五月廬陵西昌縣

修明家有死栗樹是日忽起生及得位垂統識者竊

曰西昌修明之祥帝諱實應之矣孝武諱曜是與漢

宣帝頗同象也

後魏道武初生于參合陂明年有榆生于埋胞之坎

後遂成林帝既為代王登國六年十二月出獵親獲

鹿一角召問群臣皆曰鹿當二角今是諸國將并之

應也

天興元年遂即皇帝位初聖武帝諱詰汾嘗率數萬

騎田於山澤歛見輜輶自天而下既至見美婦人侍

衛甚盛帝異而問之對曰我天女也受命相遇遂同

寢宿旦請還曰明年同時復會此處言終而別去如

風雨及期帝至先所田處果復相見天女以所生男

授帝曰此君之子也善養待之子孫相承當世為帝

王語訖而去子即始祖神元帝諱力微也故時人謗

曰詰汾皇帝無婦家力微皇帝無舅家天興四年新

興太守上言晉昌民賈相昔年二十二為雁門郡吏

入句注西涇見一老父謂相曰自今以後四十二年

當有聖人出於北方時當太平子孫永長吾不及見

之言終而過相顧視之父老化爲石人相今七十下  
檢石人見存至帝破慕容寶之歲四十二年  
後周太祖其先普廻因狩得玉璽三紐有文曰皇帝  
璽普廻異之以爲天授後太祖爲夏州刺史嘗從數  
騎於野忽聞蕭鼓之音以問從人莫之聞也賀拔岳  
爲侯莫陳悅所殺太祖遂奄有其衆初岳營於河曲  
有軍吏獨行忽見一老翁鬚眉皓素謂之曰賀拔岳  
復據有此衆然無所成當有一字文家從東北來後  
必大盛言訖不見此吏嘗與所親言之至是方驗  
隋高祖初生有左來自河東謂皇妣曰此兒所從來

甚異不可俗間處之將高祖舍於別館躬自撫養皇  
妣嘗抱高祖忽見頭上角出徧體鱗起皇妣大駭墜  
高祖於地左自外入見曰已驚我兒致令晚得天下  
至周武帝時定州城西門久閉不開齊文宣帝時或  
謂開之以便行路帝不許曰當有聖人來啓之及隋  
高祖至而開焉莫不驚異

唐高祖初仕隋爲譙隴刺史善相者史良言於高祖  
曰公骨法非嘗必爲人主至於命也非所敢知久之  
史良復遇高祖乃大驚曰骨法如舊年壽之相頓異  
昔時勿忘鄙言願深自愛高祖心益自負及爲殿內

少監時尚食奉御郭弘道善相高祖善之弘道因言曰公天中伏犀下接於脊此非人臣之相宜深自愛高祖取弘道銀盆置之於地引弓射之謂弘道曰何言有驗當一發中之既發應弦而中弘道曰願公事驗之日賜賞金盆高祖大悅後爲太原留守鎮并州時武士護爲司鎧參軍事詰朝嘗於街內獨行聞空中有人言曰唐公是天子士護尋聲不見有人乃以此白高祖并進兵書高祖悅之曰幸勿多言兵書禁物尚能將來深識好心當同富貴耳其夜士護夢高祖乘馬上天旦以狀聞高祖大悅於是出入卧內委以心腹大業十三年起義兵於太原五月甲子慶雲見甲戌有白鳥飛入高祖之懷七年丙辰師次霍邑隋武牙郎將宋老生陳兵拒險義師不得進屯軍於賈胡堡會霖雨積旬餽運不給高祖患之忽有白衣老父詣軍門請見曰予霍山神遣語大唐皇帝若何霍邑當東南傍山取路八月雨止我當助爾破之高祖初哂之遣人東南視地果有微道高祖笑曰此神不欺趙襄子豈當負吾耶時有訛言云突厥將襲太原又軍糧且盡高祖命旋師太宗切諫乃止八月己卯雨果霽高祖大悅以太牢祭霍山庚寅次古堆去

絳郡二十餘里有紫雲如華蓋樓閣之形正臨高祖之上癸巳次龍門縣河水變清白狐見十一月丙辰入京師尊代王為天子改元義寧元年高祖為唐王義寧二年二月辛卯安邑白鹿見甲午河池言慶雲見三月丙辰高祖汎舟於後池有魚二躍入舟乙丑趙郡公孝恭獻神龜背上有文曰萬國付某代代樂武德六年七月車騎將軍劉山濤上書高祖龍潛時數往來雜交之莊舍踐二石靴迹見於石中至今猶在高祖令鑿之深寸餘其迹愈明乃止

初隋大業中  
有謠云桃李

子洪水繞揚山場帝疑李氏有受命之符故誅李金故李密據雜口倉欲其應讖隋文時自長安故城東南移於唐興村置新都令西內承天門正當唐興村門今有大槐樹柯葉森鬱即村門樹也有司以行列不正將去之帝曰高穎嘗坐其下不可去也

太宗文皇帝以隋開皇十八年歲次戊午生於武功之別館初太宗在孕而語聲達於外后心異之將誕育后不之覺而太宗已生時有慶雲見瀰漫數里上屬於天二龍戲於門外水中經三日乃冲天而去見者驚焉大業十三年望氣者云龍門有天子氣連太原甚盛故煬帝置離宮數遊汾陽宮以厭之至是太宗稱述此事以白高祖既舉義師旦日太宗所居處有紫雲當其上俄變為五色狀如飛龍武德八年拜



中書令嘗夜於嘉猷門側見一神人長數丈素衣冠呼太宗進而言曰我當令汝作天子太宗再拜忽因不見所居弘義宮中有一大池嘗作佳氣鬱然高數百尺太宗心獨異之至九年其氣轉盛上屬於天六月癸未克定內難立爲皇太子萬機巨細皆令取決初太宗爲秦王高祖制詩云聖德合天地五宿連珠見和風拂世民上下同歡宴帝於宮西造宅初成高祖送玉璽以至帝所縉紳先生相謂曰詩及玉璽蓋奉國之祥瑞者歟又有方士喬伏仁善言符命見建武成元吉俱有爭心因謂所親曰秦王應天上錄當爲元君此二人乃驅除耳果如其言卽隱海陵之未幾也太史奏云太白入南斗秦王得天下其鋒不可當自非皇天眷顧何以臻此

高宗初爲晉王貞觀十七年太子承乾得罪廢爲庶人次當立者濮王太宗以晉王仁孝又以太原瑞石文云李治萬吉乃與長孫無忌房玄齡李勣褚遂良等定計立爲皇太子

睿宗初生於含涼殿則天乃於殿內造佛事有玉象焉及長遊觀其側玉象忽言爾後當爲天子  
玄宗初爲臨淄郡王景龍二年出爲潞州別駕境有

黃龍白日上升天又視事之際吏咸見赤龍據案嘗  
出畋有紫雲在其上從者望而奇之四年來朝京師  
將行使術士韓禮筮有一著孑然獨立禮驚曰策立  
其瑞非嘗之事也貴不可言旣行所過之處大人迹  
見州人皆異之先是帝所居宅外有池水浸溢頃餘  
望氣者以爲龍氣是年四月中宗幸其第因遊其池  
結絲爲樓船令巨象踏之及平內難日寅時潞州聞  
空中語曰臨淄王誅韋庶人相王得天下吏驚走遽  
白于刺史以椽吏狂妄留繫旬日會制到乃捨之帝  
自至潞州日抱戴月重輪嘉禾合穗李樹連理等凡  
十有九瑞

開元二年六月左拾遺蔡孚獻龍池集王公卿士以  
下凡百二十篇請付太嘗寺其辭合音律者爲龍池  
樂章以歌聖德從之初帝在藩與宋王等居于興慶  
里時人謂爲五王子宅及景龍末宅內成池湧出苑  
澆清瑩流之不竭中有龜龍遊焉故羣臣歌之八年  
鄭州人元承徵上封事曰謹按魏典及北齊至後魏  
太平真君年中內學者奏言上黨有天子氣在壺關  
大王山于時太武南巡親幸上黨掘山封石將以厭  
之亦猶秦始皇東遊望氣者云五百年後金陵有天

子氣始皇乃改金陵爲秣陵塹北山以絕其勢孫權  
僭號吳人以爲當之孫盛晉陽秋云從始皇東遊之  
歲至孫權僭號之時中間四百三十七年數權未嘗  
應及晉元帝南渡始有五百二十六年以彼金行奄  
居四海金陵之瑞其在茲乎又按太武之後百有餘  
年高歡以內學之言復欲妄干符命因勒兵馬來在  
晉陽舍於壺關六旬而去更有上黨百姓從在晉陽  
因名上黨之坊實曰晉陽之地歡又居此僞以應之  
論其僭應則高歡不異於孫權語以虛攘則太武有  
同於嬴政暗于時運豈不惜哉臣等恭尋符命壺關  
天子之氣正是陛下當焉玄穹上瞻符命下鍾故使  
歷試潞州所以用當其應此天意也豈人事乎然而  
一幸潞州三移灰琯壺關之地歲時爲蒐狩之場大  
王之山朝夕卽豫遊之所始能龍潛上黨尋乃鳳舉  
咸寧內學之言果合符契又按內學所奏符應年月  
太平真君太平則叶今辰真君則更明陛下自唐至  
魏三百餘年觸類而推無不驗應伏願陛下上承天  
意下諭人心昭告寰瀛編列國史從之

肅宗初爲皇太子天寶十三載觀安祿山有悖逆之  
狀恐危宗廟遂精誠祈夢其夜夢故內侍普寂等二

人舁一紫案覆以黃帕自天而下直至帝前素版丹書文字甚多既寤所記者維四句曰朕不云乎其惟其時上天所保福祿不虧十五載六月玄宗幸蜀帝幸靈武次永壽縣雲氣見西北長數丈成橋閣之狀識者以爲天子氣自是紫雲擁御所乘馬聚散不時至平涼都路傍遇一伏兔命左右索弓箭因謂左右曰吾若破賊射則中之不然則否一發而斃左右咸稱萬歲帝初發平原有雲彩見空白鶴前引出軍之後有黃龍自帝所憇屋騰空而去後於彭原郡受册太上皇下誥曰間者日抱帶赤雀白狼之瑞接武薦臻此皆皇帝聖敬之符孝友之感也

憲宗自廣陵郡王册爲皇太子時順宗卽位已久而臣下未有親奏對者內外咸言王伾王叔文專行斷決日有異說又屬頻陰雨皆以爲羣小用事之應及將行册禮之夕雨乃止至行事之時天景晴朗有慶雲見識者以爲天意有所歸

宣宗初封光王十餘歲時遇重疾沈痾忽有光曜身蹶然而興正身拱揖如對臣僚乳媪以疾聞穆宗往視之撫其手曰此吾家英物非心憊也賜以玉如意御馬金帶嘗夢乘龍升天言之於鄭太后乃曰此

不宜入知幸勿復言

懿宗初封鄆王嘗經重疾郭淑妃侍醫藥見黃龍出入臥內既間妃以異告帝曰慎勿復言又嘗大雪數尺而帝寢室之上獨無人皆異之大中末年京城小兒摺布蘸水向日張之謂之捩暈又宣宗曾製奏邊陲曲撰詞云海岳宴咸通至是帝以鄆王卽位改元咸通書皆驗

昭宗卽位前一日於宅所居之邸東垣有紫氣二條若成文字俄於氣生之處發其垣獲金龍子一枚諸王及左右咸共觀見及聽政頒示百官

後唐武皇初爲太原節度使以昭宗景福二年十二月狩於近郊獲白兔有角長三寸

莊宗初嗣晉王時長柳巷田家有桃樹伐已經年舊坎仍在其仆木一朝屹然而起行數十步復於舊坎其家驚駭蒼黃散走議者以漢昭帝時上林仆木起立生枝蟲蠹成文而宣帝興今木理成文仆而重起亦李氏中興之符也又天祐十七年幽州人於田中得金印文曰關中龜印李紹宏使人送於行臺議者曰關中列聖所都龜者卜年之物符璽傳授之器連落在田乃今復見蓋王者受命之符也十八年正月

魏州開元寺僧傳真獲傳國寶一送於行臺傳真之師於廣明中遇京師喪亂得之緘秘已四十年篆文古體人不識之唯以珍物秘藏非以爲國璽也興建初法物司收市寶玉傳真將鬻之玉人識而嘆曰國寶之一也何至於斯傳真且喜送於行臺帝出之以示諸將驗其文卽受命八字也光彩瑩曜希世罕工羣僚諸將奉觴稱賀帝曰天祚有德錫之神器願于眇末何敢當之止於緘藏俟其真人耳二十年正月丙子朔五臺山僧獻銅鼎二枚每容二斗言於山中石崖隙裂得之形器古異識者以爲中興之瑞按西漢哀平之間扶風王延年獲銅鼎二枚赤色有光後光武誅新莽中興漢室鼎者帝王重器以異爲瑞不必貢金九牧質重萬鈞以爲異也

明宗初在太宗左右嘗巡邊宿於鴈門逆旅逆旅媼方娠帝至媼慟不時具食腹中兒謂母曰大家至速宜具食聲聞於外媼異之遽起親奉爨敬事尤謹帝曰媼前倨後恭詰之曰公貴不可言也問其故具道娠子腹語事帝曰慢姬遜言懼于辱耳同光末自鄴迴趨白臯渡將濟以度船甚少帝方憂之忽有木筏數隻沿流而至卽用以濟師故無留滯焉

末帝初在太原嘗與晉高祖因擊毬同入趙襄子之廟見其塑像屹然起立帝私心自負及爲護國軍節度使一日夢明宗召至寢門與宋王各剃頭而退及寤以問賓吏皆無對者時雨池擢塩推官李專美在坐屏人謂帝曰將來嗣主必明公也帝心喜之又帝在岐陽日有前爲判獄吏何叟者失其名年踰七十暴卒於家見一人爲何曰陰府召君何隨之至一公宇甚宏敞有吏憑几戒何曰召汝無他事爲吾言於路王來年三月當爲天子善自愛也及蘇密告帝親要慮其妄誕不敢言月餘復卒陰官見而叱曰汝安得

違吾旨不達其事何具陳爲左右所阻陰官曰且汝還可速言之何退見廊廡下有簿書狼籍以問主者曰此朝代將改升降人爵之籍也及再蘇謁劉延朗密道其事帝屏人召何入問謂曰爾雖有憑吾無以信何曰某衰老若此唯有一子請大王質之如無驗可殺之又張濛岐州之瞽者自言知術數不龜不著言是太白山神其神祠元魏時崔浩廟時事否秦人之休咎濛告於神卽傳吉凶之言房髡泥於事神酷信之帝在岐陽髡引濛謁見聞帝語聲駭然曰非人臣也令髡詢其事卽傳神語曰三珠併一珠驢馬

没人驅歲月甲庚午中興戊巳土嵩請曰神言予不知也長興四年五月府廨諸門無故自動人頗駭異遣嵩問濛濛見嵩來未交言先問嵩衙署小異勿惟不出三日有恩命其夜報至封路王及帝被疑除鎮甚恐再三質濛初濛曰且爲備王保無患及王恩同兵將至又召濛謂之曰爾言無患今天下兵來萃我城下內無兵食外無援助得無患乎濛曰王有天下不能獨立朝廷兵來迎王也王若疑臣臣惟一子未及冠請王致之麾下以質臣心及帝入雒受太后册曰御明堂宰相讀册文維應順元年歲次甲午四月

庚午朔帝廻視房嵩曰張濛神言甲庚事不亦異乎帝令嵩共術士解三珠一珠事言三珠三帝也驢馬無人驅失主也又帝在岐時有人已死復生言帝必登大位二十三年好事者附其意言帝小字二十三又云潞字一足入雒時石壕人胡呆通會天文帝亦召問之曰王至貴不可言若有舉動宜以乙未年及舉兵又問曰今歲曆法名陰部首王者不宜建功立事王且挾今主俟來歲入朝則福祚永遠帝姓王氏真定房山人也邑南三里里墅名曰王子則所生之地地稱王子亦有符焉既卽位以族兄爲令



先舊廬植松楨以爲境園其側有古佛刹刹有石像  
忽搖動不已人駭而告令令趨之復爾時甚異焉  
晉高祖初爲河東節度後唐末帝出師重圍晉陽帝  
遣心腹何福單騎求援北蕃蕃王自將諸部趨之不  
以繒帛不以珠金若響應聲謂福曰吾已北於夢寐  
上帝命我非我意也時援兵未至唐將張敬達引軍  
逼城設柵柵將成忽有大風雨暴起柵無以立後築  
長連城城欲就又爲水潦所壞城竟不能合晉陽有  
北宮宮城之上有祠曰毗沙門天王帝嘗焚修黜而  
禱之經數日城西北圍正受敵處軍候報稱夜來有  
一人長丈餘介金執戈行於城久方不見帝心異之  
又牙城有僧坊曰崇福坊之廡下西北隅有泥神神  
之首忽一日有煙生其騰郁如曲突之狀坊僧奔走  
以爲人火所延及俯而視之無所有焉事尋達帝帝  
召僧之騰高者問焉僧曰貧道見莊宗將得天下曾  
有此煙觀其噴湧甚於當時可知矣自此日傍多有  
五色雲氣如蓮芰之狀帝召占者視之謂曰此驗應  
誰占者曰見處爲瑞更應何人又帝每詰旦使人懸  
撫守陴者率以爲常忽一夕已曠城上有號令之聲  
聲不絕者三帝使人問之將吏云從上傳來人皆知

其神助時城中忽有數處井泉暴溢不止及蕃軍大至合執破唐師之衆如拉朽焉斯天運使然非人力也先是朱梁改元之始卽天祐之四年也潞州行營使李思安奏壺關縣庶穰鄉鄉人伐樹樹倒自分兩片內有六字如左書云天十四載石進梁主藏於武庫時遣詞臣李琪答詔嘉其瑞焉然莫詳其義至帝卽位人以爲雖有國姓計其甲子則二十年有奇矣議者曰天字取四字中兩畫加之於旁則丙字也四字去中之兩畫加十字則申字也帝卽位之年乃丙申也又易云晉者進也國號大晉皆符契焉又卽位之前一年年在乙未鄴西有柵曰李固清淇合流在其側柵有橋橋下大鼠與蛇鬪鬪及日之中蛇不勝而死行人觀者數百識者志之後唐末帝果滅於申少帝初爲金吾上將軍天福三年從高祖幸大名其年天旱高祖遣祈雨白龍潭焚請未罷有白龍見於潭心是日澍雨尺餘人甚異之

漢高祖初仕爲河東兵馬使嘗因事至代北遶虜軍路側有唐衛公李靖祠遇戍卒乘酒以索戲繫其神之頸卒尋致殞時戍長邑老玄陳祈禱以解之而了無應驗帝乃爲祝曰公本朝名將精爽在天雖庸輩

襲瀆誠當其責而人既有請良可恕焉因焚香致拜  
卒者俄蘇傳其神語曰此非大貴人救不可免也聞  
者神其事後為河東節度使天福十一年天下水太  
原葭蘆茂盛最上一葉如旗狀皆南指焉明年遂即  
帝位

隱帝始高祖鎮太原周太祖握蕃漢兵要嘗侍帳中  
參決戎政時令少帝監符璽頗相戲狎暨從征鄴城  
旦夕同侍一日詰旦語太祖曰我夜來夢爾為驢負  
我昇天既捨爾乘俄變為龍捨我南去何祥也笑而  
言曰公為驢作少意智勿空見玩撫掌而罷為左衛

大將軍高祖欲改年號中書進擬乾和二字高祖改

為乾祐與帝名相符乾祐帝名帝微有風痰每連唾不止

目多閃掣即位之始遽無恙

周太祖微時嘗晝寢有如小虺五色出入顴鼻之間  
柴后遽見愕然始奇特之傾資無惜后恐人騰口貽  
患每寢戒左右俾於屏蔽之所在太原時有神尼同  
姓見太祖謂李瓊曰我宗天上大仙當為世界主瓊  
詰其故曰頂上有肉角也

後唐清泰末時所居官舍之鄰吳氏有青衣佳娘者  
為山魃所魅鬼能人言而投瓦石隣伍恐悚無敢過

吳氏之舍而性剛者強請必瓦石交下太祖聞而過之言笑侮戲移時寂然如是者再太祖去鬼言如故或謂鬼曰爾既神聖何者客來又何寂然鬼曰向來者大人也繇是軍中大異之及爲樞密使北征率師如澶淵旭旦日邊有紫氣來當太祖馬首之上高不及百尺從官視而異之至鄴都一夕在山亭院齋忽有黃氣起于前繚繞而上遽際于天太祖於黃氣中仰見星文紫微文昌燦然在目駭曰予在室中而見天象不其異乎密告知星者乃拜賀曰坐見天衢物不能隔至貴之祥也異日又於衙署中紫氣起於幃竿龍頭之上凡二日觀者異之及討李守貞於河中帝嘗於東砦大陳師旅鉦鼓錚鞞旗幟光耀守貞登陴下瞰氣色不懌獨言曰是何妖變後城中人言見太祖軍上有紫氣如樓閣華蓋之狀故也

册府元龜

册府元龜

巡按福建監察御史臣李嗣京到京訂正

知長樂縣事 臣夏允彛參閱

知建陽縣事 臣黃國琦較釋

帝王部 二十二

符瑞

傳曰麟鳳五靈王者之嘉瑞也夫德之休明天降茂  
祉則必百神幽贊庶物效靈故有非人力之所能致  
而自至焉者先民有言曰人主和德於上百姓和合  
於下則天下之和應矣故嘉禾興朱草生記曰天不

愛其道地不愛其寶蓋珍符之應以應有德故王者  
重之是以書載歸禾詩咏鳴鳳芝房寶鼎升於樂府  
神雀甘露標為年紀皆所以發揚景貺光昭丕烈者  
也然而洪覆在上其道玄遠坤厚載物其德沉潛人  
靈歆乎至和昆蟲蒙乎利澤非布於偉兆震乎珍物  
又安能發輝眷祐而覺悟黎蒸者哉

太昊伏羲氏受龍圖畫八卦有景龍之瑞

炎帝神農氏致大火之瑞嘉禾生醴泉出

黃帝軒轅氏有土德之瑞故號黃帝天下既定聖德

光被羣瑞畢臻有屈軼之草生於庭佞人入朝則草

指之是以佞人不敢進有景雲之瑞有赤方氣與青

方氣相連赤方中有兩星青方中一星凡三星皆黃

色以天晴明時見於攝提名曰景星

一云景星見形如半月可以夜

作黃帝黃服齊于中宮坐于玄扈雒水之上有鳳凰

集於東園或巢於阿閣或鳴於庭其雄自歌其雌自

舞麒麟在囿神鳥來儀有大螻如羊大蟪如虹黃帝

以土氣勝遂以土德王五十年七月庚申天霧三日

三夜晝昏黃帝問天老力牧容成曰於公何如天老

曰臣聞之國安其主好文則鳳凰居之國亂其主好

武則鳳凰去之今鳳凰翔於東郊而樂之其鳴音中

夷則與天相副以是觀之天有嚴教以賜帝帝勿犯也乃召史卜之龜焦史曰臣不能占也其問之聖人帝曰已問天老力牧容成矣史北面再拜曰龜不違聖智故焦霧除游于雒水之上見大魚殺五牲以醮之天乃甚雨七日十夜魚流於海得圖書焉龍圖出河龜書出雒赤文篆字以授軒轅軒轅接萬神於明庭今寒門谷口是也又獲寶鼎帝南巡狩至於東濱澤獸出能言達萬物之情

少昊金天氏登帝位有鳳凰之瑞

帝嚳高辛氏代高陽氏王天下使鼓人拊鞀擊鐘鳳凰鼓翼而舞

帝堯在位七十年景星出翼鳳凰在庭朱草生嘉禾秀甘露潤醴泉出日月如合璧五星如連珠厨中自生肉其薄如筴搖動則風生食物寒而不臭名曰筴脯又有草夾階而生月朔始生一莢月半而生十五莢十六日已後日落一莢及晦而盡月小則一莢焦而不落名曰蓂莢一曰歷莢

帝舜卽位蓂莢生於階鳳凰巢於庭擊石拊石百獸率舞景星出房地出乘黃之馬西王母獻白環玉珎舜命禹平水土四海之內咸戴帝舜之功於是禹乃

興九韶之樂致異物鳳凰來翔天下明德自虞帝始  
夏禹卽天子之位雒出龜書六十五字是爲洪範此  
謂雒出書者也禹南巡狩濟江中流有二黃龍負舟  
舟人皆懼禹笑曰吾受命於天屈力以養人生寄也  
死命也奚懼龍哉龍於是曳尾而逃禹卑宮室盡力  
溝洫百谷用成龍女降

湯有神率白狼啣鈎而入商朝金德將盛銀山自溢  
周武王卽位天下歸之周德旣隆草木茂盛蒿堪爲  
室因居蒿宮

成王時周公旦攝政七年制禮作樂祥鳥鳳凰見葵  
莢生乃與成王觀於河雒沈璧禮畢王退俟至于日  
昧榮光並出黃河清慶雲至青龍臨壇啣玄甲之圖  
坐之而去禮于雒亦如之玄龜青龍蒼兕至于壇背  
甲刻書赤文成字周公援筆以世文寫之書成文消  
龜墮甲而去其言自周訖于秦漢盛衰之符麒麟遊  
苑鳳凰翔庭成王援琴而歌曰鳳凰翔兮於紫庭余  
何德兮以感靈賴先王兮恩澤深于胥樂兮民以寧  
周公東征諸侯咸服宗周天降祉福唐叔得禾異畝  
同穎一作穗穎  
卽穗也獻之成王成王命唐叔以餽周公於

東土作餽禾周公旣受命禾嘉天子之命作嘉禾



書靈徵志曰成王時治政太平黑狐見

穆王征西戎得四白狼白鹿

漢文帝十五年春黃龍見於成紀又日中有王字

景帝時會稽人朱仲獻三寸四寸珠明月珠王者不殺鱗介之物則

出

武帝元狩元年十月郊雍獲一角獸若鹿然鹿鹿屬也形似

麋牛尾一角有司曰陛下肅祗郊祀上帝報享錫一角獸

蓋麟云於是以薦五時時加一牛以燎賜諸侯白金

以符應合于天也

元鼎元年汾陰巫錦錦巫名為民祠魏睢后土營旁

魏國也汾睢本魏地之境故見地如鉤狀拈視得鼎

拈謂手把土也鼎大異於眾鼎文縷無款識款刻也識記也惟之言

吏吏告河東太守勝勝以聞天子使驗問巫得鼎無

姦詐廼以禮祠迎鼎至甘泉從上行薦之以鼎從行甘泉將薦

之至中山宴温有黃雲焉三輔謂日晴霽為宴宴而温乃有黃雲故為異也中

讀日仲郎今雲陽之中山也下雲合茲中山亦同也有鹿過帝自射之因之以

祭云至長安公卿大夫皆議尊寶鼎天子日間者河

溢歲數不登故巡祭后土祈為百姓育穀今年豐林

未報鼎曷為出哉林美也稼穡美也未報者獲年豐而未賽也一日雖祈穀而未獲年

豐之報也張敞引此詔文云穀嗾失報嗾者少也有司皆言聞昔泰帝興神

鼎一秦帝者即太昊伏羲氏也一者一統天地萬物所繫象也

帝作寶鼎三象天地人禹收九牧之金九牧九州之牧也

九鼎象九州皆嘗觴享上帝鬼神以享祀上帝也觴享者一也觴享者以

而祀也韓詩采蘋曰其空足曰鬲足中空不實者以

象三德三德一曰正直二曰剛克三曰柔克事見周書洪範饗承天祐祐福也

德衰鼎遷于殷殷德衰鼎遷于周周德衰鼎遷於秦

秦德衰宋之社亡鼎廼淪胥而不見周頌曰自堂徂

基自羊徂牛萬鼎及萬不吳不敖胡考之休周無衣之詩基

門墜之基易絕大者謂之屏圍鼻上謂之龕吳驩詳

也考壽也休美也言報祭祀者或升堂室或升門墜

祝牛羊之牲及舉大小之鼎告其致絜神降之今鼎

福故獲壽考之美曰何壽之美者嘆之言也

至其泉以光潤龍變承休無疆合茲中山有黃白

降言鼎至其泉之後光潤變見若龍之神能幽明能

小大乘此休福無窮竟也有黃白雲降與初至中

山黃雲之蓋若獸之為符言其泉之雲又若路弓乘

瑞相合也獸形以為符瑞也矢集獲壇下路大也四矢曰乘又報祀大享惟受命

而帝者心知其意而合德焉高祖受命知之宜見其

於其廟也合德謂與天德合鼎宜視宗廟臧於帝庭以合明應視讀曰示

可尊者也福父廟也制曰可時又有芝草生其露

帝庭其泉天子之庭房中天子為塞河與通天臺若有光云為塞河及造

神光之應欲通天臺而有廼下詔其泉房中生芝九莖赦天下毋

令復作神光之應欲廼下詔其泉房中生芝九莖赦天下毋

元封二年六月詔曰甘泉宮內中產芝九莖連葉上  
帝博臨不異下房言天廣臨不以下房為幽賜朕弘

休其赦天下賜雲陽都百戶牛酒作芝房之歌

四年三月祠后土詔曰朕躬祭后土地祗見光集于

靈臺一夜三燭燭謂幸中都宮殿上見光其赦汾陰

夏陽中都死罪以下

六年三月詔曰朕禮首山昆田出珍物化或為黃金

祭后土神光三燭其赦汾陰殊死以下

太初三年二月行幸東海獲赤鴈

後元元年二月詔曰朕郊見上帝巡守北邊見羣鳥

留止以不羅罔靡所獲獻時春也非用罔羅薦于泰

時光景並見其赦天下

昭帝始元元年二月黃鵠下建章宮太液池中黃鵠

舉千公卿上壽

三年十月鳳凰集東海遣使者祠其處三年中鳳凰

西樂卿北下東海海

宣帝本始元年五月鳳凰集膠東千乘

二年六月尊孝武廟為世宗告祠世宗廟日有白鶴

集後庭以立世宗廟告祠孝昭寢有雁五色集殿前

西阿築世宗廟神光興於殿旁有鳥如白鶴前赤後

青神光又興於房中如燭狀廣川國世宗廟殿上有  
鐘音房戶大開夜有光殿上盡明

四年五月鳳凰集北海安丘淳子

二縣皆屬北海

地節二年四月鳳凰集魯羣鳥從之

元康元年三月以鳳凰集泰山陳留甘露降未央宮

赦天下徒

四年三月神爵五彩以萬數集長樂未央北宮高寢

甘露泰畤殿中及上林苑

神爵元年三月幸河東祠后土有神爵集詔曰迺元

康四年嘉谷玄稷降于郡國

玄稷黑粟也

神爵仍集金芝

九莖產于函德殿銅池中

函德殿名也銅池承露也以銅為之九真

奇獸

駒形鱗色牛角仁而愛仁

南郡獲白虎威鳳為寶朕之不明

震于珍物飭躬齋精祈為百姓東濟太河天氣清淨

神魚舞河幸萬歲宮神爵翔集

汾陰有萬歲宮其以五年為

神爵元年

二年正月乙丑鳳凰神爵甘露降集京師羣鳥從以

萬數

四年二月詔曰迺者鳳凰甘露降集京師嘉瑞並見

修典泰山五帝后土之祠祈為百姓蒙祉福鸞鳳萬

舉飛覽翱翔集止於旁齋戒之暮神光顯著為電之

夕神光交錯或見于天或登于地或從四方來集于壇上帝嘉嚮海內承福其赦天下十月鳳凰十一集杜陵十二月鳳凰集上林

五鳳三年三月行幸河東祠后土詔曰朕飭躬齊戒郊上帝祠后土神光並見或興于谷燭耀齋宮十有餘刻甘露降神爵集鸞鳳又集長樂宮東闕中樹上門外闕樹行馬之裏樹也飛下止地文章五色留十餘刻吏民並觀其赦殊死以下

甘露元年四月黃龍見新豐

二年正月詔曰乃者鳳凰甘露降集黃龍登輿醴泉滂流枯槁榮茂神光並見咸受禎祥其赦天下

三年二月鳳凰集新蔡羣鳥四面行列皆向鳳凰立以萬數

黃龍元年二月黃龍見廣漢郡

成帝鴻嘉元年冬黃龍見真定

永始二年二月龍見於東萊

四年正月行幸甘泉郊泰畤神光降集紫殿

元延四年三月甘露降京師

平帝元始元年正月越裳重譯獻白雉一黑雉二  
後漢光武建武二年野谷旅生麻菽尤盛野蠶成

於山阜人收其利焉

先是王莽末天下旱蝗黃金一斤易米一斛

十二年夏甘露降南行唐

縣名屬常山郡

六月黃龍見東阿

今濟州縣

十三年九月南越獻白兔

十七年十月有五鳳凰見於潁川之邾縣

邾今邾城縣也東魏

記曰鳳高八尺五彩羣鳥並從行列蓋地數頃停一十七日

申元元年五月東師醴泉湧出飲之者痼疾皆愈惟

耿蹇者不瘳又有赤草生於水崖

赤草朱草也朱草日生一葉至十五

日以後日落一葉周而復始

郡國頻上甘露羣臣奏言地祇靈應

而朱草萌生孝宣帝每有嘉瑞輒以改元神爵五鳳

甘露黃龍列為年紀蓋以感致神祇表彰德信是以

化致昇平稱為中興今天下清寧靈物仍降陛下情

存損挹推而不居豈可使祥符顯慶沒而無聞宜令

太史撰集以傳來世帝不納嘗自謙無德每郡國所

上輒抑而不宣故史官罕得記焉

明帝永平六年二月王雒山出寶鼎

雒或作雄

廬江太守

獻之四月甲子詔曰昔禹收九牧之金鑄鼎以象物

使人知神姦不逢惡氣

夏禹之詩令遠方圖畫山川奇異之物使九州之牧貢金

鑄鼎以象之令人知鬼神百物之形狀而備之故人入山林川澤魍魎魍魎莫能逢之惡氣謂魍魎之類

事見左傳 遭德則興遷於商周周德既衰鼎乃淪亡

史記

鼎於泗水使千人沒水求之不得  
有德方今政化多僻何以致茲易曰鼎象三公易曰

足覆豈公卿奉職得其理邪太嘗其以祔祭之日

曰夏祭周以祔薄也陳鼎於廟以備器用

十一年灑湖出黃金廬江太守以獻灑湖湖名今在廬州合肥縣東

南時麒麟白雉醴泉嘉禾所在出焉

十七年正月甘露降於甘陵是歲甘露仍降樹枝內

附芝草生殿前神雀五色翔集京師

章帝建初四年甘露降泉臨洮陽二縣二縣屬零陵郡

五年零陵獻芝草有八黃龍見於泉陵見零陵泉陵湘水中相與

戲其二大如馬有角六枚大如駒無角

七年十月幸槐里岐山得銅器形似酒罇獻之又獲

白鹿於臨平觀

元和二年二月丙辰東巡狩已未鳳凰集肥城縣今屬太

山郡辛未幸太山柴告岱宗有黃鵠三十從西南來經

祠壇上東北過於宮屋翺翔升降五月詔曰乃者鳳

凰黃龍鸞鳥比集兩郡或一郡再見及白鳥神雀其

露屢臻祖宗舊事或班恩施其賜天下吏爵人三

九月詔曰鳳凰黃龍所見亭部無出二年租賦鳳皇見肥

城句窳亭槐樹上古今注曰黃龍見雒陽元延亭部

帝王部

三年正月車駕北巡以太牢祠北嶽山見黃白象  
神魚躍出十數

章和元年七月詔曰乃者鳳凰仍集麒麟並臻其  
宵降嘉穀滋生芝草之類歲月不絕今改元和四年  
為章和元年自元和二年以來至章和元年凡三年  
麒麟五十一鳳凰百三十九黃龍四十四青龍白  
神鳥神馬白虎二十九白燕白兔赤鳥三足鳥白  
九尾狐木連理嘉禾華平朱草芝英白雉並見郡  
帝在位十三年郡國所上符瑞合於圖書者數百  
所

和帝時前後符瑞八十一所自稱德薄皆抑而不

安帝元初三年正月東平陸兗州縣名上言木連理三

東平陸有瓜異處共生八瓜同蒂

延光元年八月九真言黃龍見無功無功縣屬九真郡

二年六月九真言嘉禾生百五十六本七百六十八穗

三年二月濟南上言鳳凰集臺縣丞霍收舍樹臺屬

南郡故城在濟州平陵縣北四月沛國言甘露降豐縣六月扶

言白鹿見雍七月馮翊言白鹿見甘露降穎陽衙

川上言木連理白鹿麒麟見陽翟八月潁川上言

麟一白虎二見陽翟九月濟南上言黃龍見濟南



城十月新豐上言鳳集西界亭十二月瑯琊言黃龍

見瑯琊諸縣諸縣名

四年正月東郡言黃龍二麒麟一見濮陽

桓帝建和元年二月黃龍見沛國譙五月芝草生中

黃藏府中黃藏府中藏幣帛金銀諸貨物也

二年四月嘉禾生大司農帑藏七月河東言木連理

又有嘉瓜兩體共蒂

元嘉元年四月白鳥見商國十一月鳳凰見濟陰

二年八月濟陰言黃龍見句陽金城言黃龍見允衡

永興元年二月張掖言白鹿見

二年四月光祿府吏舍夜壁下有青氣得玉鉤玦各

一鉤長七寸三分玦周五寸四分身中皆雕鏤

永壽元年四月白鳥見齊國

延熹三年四月上郡言甘露降

九年四月濟陰東郡濟北平原河水清

永康元年八月魏郡言嘉禾生甘露降巴郡言黃龍

見十一月西河言白兔見一云白雉

靈帝熹平五年沛國言黃龍見譙

光和四年二月郡國獻芝英草七月河南言鳳凰見

新城羣鳥隨之

魏文帝黃初元年十一月受漢禪柴於繁陽有黃鳥  
啣丹書集於尚書臺於是改元為黃初是月九尾狐  
見甄城又見譙郡國十九言白鹿及白麋見郡國三  
十七言其露降郡國三言嘉禾生郡國十九言白雀  
見郡國十九言白鳩見郡國二言木連理朱草生文  
昌殿側郡國二言醴泉出神龜出於靈池鑊中生未  
魚四月冬其露降芳林園

明帝太和元年四月雒邑初營文昭甄后廟握地得  
玉璽方一寸九分其文曰天子羨思慈親明帝為之  
改容以太牢告廟

景初元年正月荏縣言黃龍見  
高貴鄉公甘露元年五月鄴及上谷並言甘露降於  
是改元

陳留王咸熙元年安彌福祿縣各言嘉禾生  
二年二月胸懸縣獲靈龜以獻四月南深澤縣言其  
露降

晉武帝太和元年十二月鳳凰六青龍二麒麟各一  
見于郡國黃龍見雒濱白龍二見太原郡木連理生  
遼東方域白虎見河南陽翟又見弘農陸渾  
二年正月白虎見遼東樂浪又見天水西六月嘉禾

二帶十實生酒泉八月木連理生河南成皋是年鳳凰六青龍十黃龍九麒麟各一見于郡國  
三年正月白龍二見于弘農四月張掖太守焦勝上言氏池縣大柳谷口見有玄石一所白晝成文實大晉之休祥圖之以獻詔以制幣告于太廟藏之天府  
五年正月青龍二見滎陽二月白龍見於趙國五月鳳凰見於趙國七月白兔見北海卽墨長獲以獻  
六年四月白龍二見于東莞

七年六月東宮玄圃池芙蓉二花共蒂皇太子以獻  
八年正月木連理生東平范陽五月白鳩二集太廟  
白鸞見義陽  
六年八月白龍見于京兆陰槃  
七年三月木連理生河南新安四月甘露降京兆杜陵五月白鸞見汲郡是月甘露降魏郡鄴六月木連理生南鄉范陽七月白雀見豫章

八年閏三月嘉禾生東夷校尉國四月木連理生廬陵東昌八月白雀見河南維陽九月嘉禾生東萊掖是月木連理生東萊盧鄉十二月白兔見陳留酸棗關內侯成公忠獲以獻

九年九月木連理生陳留浚儀十二月青龍黃龍各

一見于魯國

十年五月白兔見京兆長安是月白雀見宣光北門  
華林園令孫邵獲以獻六月嘉麥生扶風郡一莖四  
穗是歲收三倍十月白虎見犍爲十一月木連理生  
都陽鄠鄉是年白鳩見河南城  
太熙元年二月木連理生河南梁

惠帝元康元年四月白鳥見河南城臯縣令劉機獲  
以獻五月白鳥見梁國睢陽是月木連理三生成都  
臨邛七月白燕二見酒泉福祿太守索靖以聞是月  
白鳥見陳留獲以獻是月梁國內史任式上言武平

南門議郎董胄獲以獻是月木連理生東平壽張十  
月木連理生建寧白鹿見扶風雍州刺史嚴詢獲以  
獻是月瀘水胡王彭護獻嘉禾

十年四月甘露降西河離石

咸寧元年正月木連理生汝陰南頓四月白鹿見瑯  
琊趙王倫獲以獻是月甘露降張掖白雉見安豐松  
陽五月甘露降清河繹幕九月甘露降太原晉陽十  
二月白雉白雀見梁國睢陽梁王彤獲以獻

二年四月木連理生清河五月甘露降玄菟郡治六  
月木連理生燕國十月黃龍二見於漢嘉靈關白兔

二見河南陽翟陽翟令華行獲以獻十一月白龍二見於梁國

三年二月白虎見沛國七月白麀見魏郡是月木連理生始平鄠十一月白雉見渤海饒安相阮溫獲以獻

四年六月白兔見天水八月木連理生陳留長垣五年二月白麟見於平原鬲縣六月甘露降巴郡南充國七月白鳥見於南陽太守獲以獻九月麒麟見河南陽城十一月青龍見京兆霸城是年木連理生義陽又生樂安臨濟

太康元年正月木連理生涪陵永平三月白鹿見零陵泉陵四月木連理生頓丘是月白麟見於頓丘五月白鹿見天水西縣太守劉辛獲以獻又白鳥見襄城木連理二生濟陰乘氏沛國七月白鹿見零陵零陵令蔣微獲以獻是月木連理生馮翊粟邑八月白鹿見永昌南平又白龍三見于永昌九月白雉見中山

二年正月木連理生滎陽密六月白雀二見河內太守阮佃獲以獻是月白雀二見河南河南尹向雉獲以獻七月白雉見太僕寺八月白兔見彭城十月白

兔見趙國平鄉趙王倫獲以獻是月木連理十三生  
南安源道

三年四月木連理生瑯琊閏四月白龍二見于濟南  
歷城六月嘉瓜異體同蒂生河南雒陽輔國大將軍  
王濬園是月木連里生廣陵海西八月白麀見梁國  
梁相解隆獲以獻

四年正月木連理生馮翊臨晉蜀郡成都七月白虎  
見建平十一月白兔見北地富平十二月嘉禾生扶  
風雍是月白鳩見安定臨涇是月木連理生扶風  
五年三月甘露降東宮七月嘉禾生豫章南昌九月

界有柞櫟二樹合爲一體連九月白鹿見交趾武寧  
四年五月甘露降樂陵郡十月白兔見鄴陽  
七年三月成臯縣獄有龍升天

愍帝建興元年六月甘露降西平縣八月嘉禾生襄  
平縣一莖十穗

二年三月木連理生朱提是月木連理生益州雋  
六月木連理生襄平是月嘉禾生平州治三寶同  
九月麒麟見襄平刺史崔毖以聞十月大將軍劉琨  
掘地得玉璽使叅軍郎碩奉之歸于京師

三年四月赤雀見平州府倉七月嘉禾生襄平異體

同帝八月甘露降新昌縣十一月白雉見襄平  
 元帝建武元年三月丹陽江寧民虞由懇土得白麟  
 麟重一紐文曰長壽萬年四月尚書僕射丞楊賜白  
 雀五月白鹿見高山縣六月甘露降壽春閏六月木  
 連理生高山縣八月木連理生汝陰十一月木連理  
 生武昌是月木連理生汝陰太守以聞  
 大興元年正月麒麟見豫章七月木連理生武昌  
 三年正月白鹿二見豫章四月甘露降瑯琊費是月  
 白鹿見晉陵延陵十一月木連理生零陵  
 永昌元年九月白鹿見江乘縣

二年正月赤鳥見暨陽

明帝太寧二年正月巴郡言甘露降十一月白鳥見  
 京都

三年三月白鳥見吳郡海虞獲以獻群官畢賀

成帝咸和元年十月辛卯宣城春穀縣山岸摧獲石  
 鼎重二斤受斛餘

四年四月甘露降武昌郡閣前柳樹太守以聞五月  
 白鹿見零陵洮陽獲以獻七月長沙郡選吏黃光於  
 南郡道遇白鹿驅之不去直來就光追尋光三百餘  
 步光遠抱取遣吏李堅奉獻

六年三月甘露降寧州城內北園桃棗樹刺史以聞  
是年鎮西將軍庾亮獻嘉橘一蒂十二實

七年四月甘露降京邑揚州刺史王導以聞  
八年四月甘露降廬江襄安縣蔣胃家又降宣城宛

陵縣之須里五月麒麟騶虞見遼東白虎見新昌縣  
是月木連理生昌黎

九年四月甘露降吳國錢塘縣石鄉康巷之柳樹五  
月白鹿見吳國吳縣白鳶見吳國錢塘內史虞潭以

獻八月白鹿見長沙臨湘十二月甘露降建平陵又  
降武平陵

咸康元年四月甘露降西堂桃樹

二年三月甘露降鬱林城內四月甘露降西堂又降  
尚書都堂桃樹又降會稽永興山陰及吳興武昌七

月白鹿見豫章望蔡太守桓景獲以獻

三年三月木連理生平州世子府治故園中四月甘  
露降殿後桃李樹五月甘露降義興縣陽羨里柞樹

東西十四步南北十五步

五年豫章南昌民掘地得銅鐘四枚太守褚裒以獻

七年四月甘露降彭城上絃第內眾官畢賀十二月  
吳國內史王恬上言木連理生吳縣沙里



八年九月廬江春穀縣留珪夜見門內有光取得玉  
鼎一枚外圍四寸豫州刺史以獻

穆帝永和元年二月春穀民得金券一枚長五寸狀  
如鐵券明年桓溫平蜀三月廬江太守永上言於春  
穀城北見水岸邊有紫赤光取得金狀如印遣主簿  
李邁表送是月甘露降廬江郡內桃李樹太守永和  
以聞八月有白麀見吳國吳縣西界包山獲以獻

五年二月臨江太守藍田侯述言郡界木連理十一  
月太嘗劉邵上崇平陵令王昂即日奉行陵內甘露  
降于玄宮前殿十二月甘露降丹陽湖熟縣西界劉  
敖墓松樹縣令王恬以聞衆官畢賀

八年十二月白麀見丹陽永世永世令徐該獲以獻  
十二年九月白鹿見鄱陽太守王耆之獲以獻十一  
月白麀見梁郡梁郡太守劉遂獲以獻

升平三年十二月北中郎將郗曇獻白兔  
四年二月鳳凰將九雛見于豐城十一月鳳凰復見  
豐城衆鳥隨之

五年二月南掖門有馬足陷地得銅鐘一枚四月鳳  
凰見於沔北

海西公太和元年四月陽谷獻白兔

簡文帝咸安二年正月甘露降隨郡聶陽縣界桑木  
沾凝十餘里中三月騶虞見豫章

孝武帝康寧三年六月江寧縣建興里僑民李康家  
有樹異本連理

太元三年七月乙酉老人星見南方

十年七月丁巳老人星見

十一年四月瑯琊費有榆木異根連理相去四尺九  
寸八月白鳥集江州寺庭羣鳥翔衛

十二年八月甘露降寧州界內刺史費統以聞

十四年六月寧州刺史費統上言所統晉寧之滇池

縣舊有河水週迴二百餘里有神馬二疋一白一黑

出於河中去岸百步縣民董聰見之十一月白虎見  
豫章郡

十五年三月白兔見淮南壽陽閏月甘露降永平陵

十六年三月白鹿見豫章望蔡獲以獻十一月甘露

降句陽縣是月白雀見南海增城縣民吳北屋

十七年二月甘露降南海番禺縣陽

十八年五月白鹿見江乘江乘令田熙之獲以獻十

月臨川東興令惠欣之言縣東南溪旁有白銀樹芳

靈樹李樹並連理

十九年正月華林園延賢堂西北李樹連理二月行  
鞏令劉啓期行温令趙邳並言白虎頻見

二十年九月白鹿見巴陵清水山荊州刺史殷仲堪  
以獻

二十一年正月木連理生南康寧都縣社後五月白  
鳥見吳國獲以獻

安帝隆安二年十月新野言騶虞見

二年武陵臨沅獻安石榴一蒂六實十一月木連理  
生汝陽太守垣苗以聞

五年十一月襄陽言騶虞見于新野白雀見宜都是  
月白鹿見長沙白麋見荊州刺史桓玄以聞

元興元年正月木連理生泰山武陽

二年十月甘露降武昌王成基家竹

三年三月甘露降丹徒四月甘露降蘭臺六月白雀  
見豫章新塗獲以獻

義熙元年南康雩都高山有金雞青黃色飛集巖間  
二年四月無錫壽陽並獻白兔

七年五月白雉見豫章南昌

十二年六月左衛兵陳陽於東府前淮水中得玉璽  
一枚

册府元龜

册府元龜

巡按福建監察御史臣李嗣京 訂正

知閩縣事 臣曹鼎臣 參閱

知建甌縣事 臣黃國琦 較釋

帝王部 二十三

符瑞第二

後魏道武登國六年十二月帝獵親獲鹿一角召問羣臣皆曰鹿當二角今一角是諸國將并之應也

皇始元年十一月黃星又見

先是有大黃星出於昴畢之間

天興二年七月并州獻白兔是月并州獻白雉是月

獲嘉禾於平城縣異莖同穎八月廣寧送嘉禾一莖  
十一穗平城南十里郊嘉禾一莖九穗告于宗廟  
三年四月有木連理生于代郡天門關之路左五月  
東巡狩廣寧有白兔見于乘輿前獲之八月渤海  
縣東光縣木連理各一十二月豫州上言木連理生  
於河內之郡縣

四年正月并州獻白兔是月上黨郡獻白雉

三年正月渤海上言東光縣木連理是月渤海郡高  
城縣獻白雉三月渤海郡南皮縣獻白雉二六月頓  
丘郡獲白兔八月嘉禾生於渤海郡東光縣是月廣

寧郡上言木連理十一月中山行唐縣獻白雉

四年正月新興郡獻白雉十二月又獻白雉二

五年白雉見於河內郡

七年九月溫泉出于涿鹿人有風寒之疾入者多愈  
八年五月鴈門獻白雀

太武始光三年五月雒州獻黑兔

四年六月甘露降于太學

神麋元年二月定州獲白麋鹿白麋鹿又見于樂陵  
因以改元是月相州獻白雉是月甘露降于范陽郡  
九月章武郡獻白兔是月滄水郡獻白雀十月魏郡

獻白兔

三年二月上黨郡獻白雉四月甘露降于鄴六月甘露降於平城宮七月嘉禾生於魏郡安陽縣三本同類

三年二月白鹿見於代郡倒刺山三月甘露降于鄴七月冀州獻白龜

四年二月渤海郡獻白兔九月滎陽郡上言木連理五月甘露降於河西

延和二年三月樓煩南山木連理三年三月樂安王範獲玉璽一文曰皇帝璽以獻九

月上谷郡上言木連理

太延元年二月魏郡上言木連理

四年十二月相州獻白鹿

五年二月遼西上言木連理

太平真君元年四月甘露降于平原郡

二年七月天有黃光洞炤議者僉謂榮光也

七年二月青州獻白兔四月戊子毀鄴城五層佛圖

於泥像中得玉璽二其文皆曰受命於天既壽永昌

其一刻其旁曰魏所受漢傳國璽

八年五月鴈門郡獻白雀是月雒州送白鹿

文成興安二年六月營州送大龜

興光元年二月有雲五色所謂景雲太平之應也

太安二年七月甘露降於常山郡十月白鹿見于京

師西苑

三年三月有白狼一見於太平郡

議者古今瑞應多然白狼見於成湯

之世故殷道用興太平嘉名也又先帝本封之國而白狼見焉無窮之徵也

和平二年七月甘露降于京師

三年四月河內人張超於懷樓新城北故佛圖處獲

玉印以獻印方二寸其文曰富樂日昌永保無疆福

祿日臻長壽萬年玉色光潤模制精巧百僚咸曰神

明所授非人為也詔天下大酺三日十月雲中獲白

兔

四年閏月鄴縣獲白兔三月冀州獻白雉

孝文延興元年十一月秘書令楊崇奏鍾律郎李生

於京師見長生連理樹是月泗州秀容民獲麟以獻

十二月徐州竹邑戍士邢德於彭城南一百二十里

得著一株四十九枝下掘得大龜獻之詔曰龜者與

文相合所謂靈物也德可賜爵五等

四年正月青州獻白雉二月白雉見於扶風郡四月

幽州獻白鵠

三年五月白雀見於代郡六月京師獲大龜

四年正月青州獻白雀九月白雀見中山

五年正月白雉見於上谷郡四月白兔見於代郡

承明元年六月秦州獻白鹿八月白鹿見於雲中是

月齊州獻嘉禾是月上谷郡民獻玉印上有蛟龍文

是月定冀二州俱獻白鵲九月京兆民獻青玉璧一

雙文色炳煥是月并州上言木連理相去一丈二尺

中有五枝相連十一月定州獻白鵲是月冀州獻白

鳩

太和元年正月白鹿見於秦州青州二月秦州獻白

雉三月白雉見于秦州是月白鹿見於秦州是月

川鎮玉印青質素文其文曰太昌是月冀州上言木

連理六月雍州周城縣獻白兔是月雍州獻玉印文

長安鎮獻玉印一上有龜紐下有文字色甚鮮白有

殊嘗玉十一月白雉見於安定郡

二年三月白鷺見於并州七月白鳥見於涼州九月

有鼎出於雒州渚雒水送於京師是月白鳥見於京

師十一月徐州獻白雉是月雒州獻白鵲是月徐州

獻黑狐是月秦州獻五色狗十二月懷州獻白鹿

三年正月統萬鎮獻白雉三月齊州獻五色狗其色



如畫是月吐京鎮獻黃兔是月泗州獻一角鹿是月  
白鳥見於豫州五月獲白狐五月白鹿見於豫州是  
月白雀見於豫州六月撫冥鎮獲白狐以獻七月定  
州鉅鹿民獻玉印二方七分上有文字九月齊州獻  
嘉禾是月白鳥見於秦州十月徐州獻嘉穀一莖兩  
實

四年正月南豫州獻白雉是月南豫州獻白鹿  
五年六月上邽鎮將上言於鎮城西二百五十里射  
獵於營南千水中遂得玉車釧三枚一青一赤制狀  
甚精八月嘗山獻嘉禾

六年三月豫州獻白雉

七年六月青州獻三足鳥是月定州獻嘉禾

八年正月上谷郡惠化寺醴泉涌四月白鷺集于京

師是月代郡獻白鷺六月徐州獻白兔是月徐州

黑鳥以獻是月齊州清河郡獻白雉

十年三月冀州獲九尾狐以獻

十一年十一月冀州獲九尾狐以獻

十三年正月司州河州各獻白狐狸是月清河武城

縣獻白雀十一月滎陽獻三足鳥

十四年六月懷州獻三足鳥

十七年正月幽州獻白雉四月瀛州獻白雉五月冀州獻三足鳥六月京師木連理是月兖州獻白鳥  
十八年十月河南上言鞏縣木連理是月瀛州獻白鹿麋以獻

十九年六月司州平陽郡獲白鳥以獻七月司州獲白鹿麋以獻

二十年二月兖州獻白雉六月司州獻白鹿是月豫州獻三足鳥

二十一年七月汲郡獻黑兔是月京師獲白兔

二十三年正月華州獻白麇二月京州獻赤鳥六月冀州獻三足鳥七月瀛州獻白鳩八月滎陽郡獻白鳩

九月荆州獻白鷺閏月正平郡獻白鷺十月并州上言百節連理生懸壺山濟州上言木連理十一月瀛州上言木連理是月司州獻白鳥是月獲黑兔

宣武景明元年四月荆州獻白鹿五月徐州獻白鹿是月齊州獻嘉禾十月河州獻白兔

二年正月瀛州上言平野縣木連理六月有雲五色見於申酉之間十二月南青州獻蒼鳥

三年正月潁州郡上言木連理是月徐州獻白雉

月冀州獻白雉是月豫州獻三足鳥是月平陽郡

言襄陵縣木連理是月河州獻白狐三月濟州獻白  
雀四月荊州上言南陽縣木連理是月潁州郡獻白  
兔六月滎陽郡獻白雀是月涇州獻白鸞是月徐州  
上言東海木連理七月濟州獻嘉禾是月魯陽獻烏  
芝是月涇州獻白鳩八月甘露降於青州新城縣是  
月河內郡獻白兔十月秦州上言南稻新興二縣木  
連理各一是月薄骨律鎮獻白雀

四年二月趙平郡上言鶉觚縣木連理三月濟郡上  
言臨淄縣木連理是月燉煌獻白雀四月汾州上言  
五城郡木連理五月京師獲白雀是月青州上言

縣木連理是月獲赤雀於京師六月幽州獻四足鴻  
是月嘗農盧氏縣木連理是月徐州上言梁郡下邑  
縣木連理是月嘗農郡獻白雀是月河內郡獻白兔  
七月京師獻白雀是月夏州獻黑兔八月嘉州獻嘉  
禾九月秦州上言當亭四縣界木連理各一  
正始元年二月冀州獻三足烏三月河內郡獻黑兔  
四月魯陽郡獻白兔五月司州上言滎陽京縣木連  
理是月幽州獻三足烏是月相州獻三足烏六月京  
師西苑木連理是月定州獻三足烏七月河東郡上  
言聞嘉縣木連理八月濟州獻嘉禾是月河南郡上

言慈水濱木連理十月嘗農郡嶠縣木連理是月京師獲白鳩又建興郡獻白鳩十二月涼州上言石城縣木連理

二年正月汾州上言平昌縣木連理二月司州上言嶠縣木連理四月并州獻白鳩五月司州獻白鳥是月泗州獻三足鳥是月雍州獻蒼鳥六月濟州獻嘉禾是月雍州獻蒼鳥七月冀州獻白鳩二是月魯郡獻嘉禾是月薄骨律鎮獻白雀八月司州獻嘉禾是月東郡獻白兔九月後軍將軍爾朱新興獻一角獸是月司州上言潁川陽翟縣木連理是月河內郡

獻黑兔是月泗州獻白兔東郡獻白兔

三年三月濟州獻白雉是月豫州獻三足鳥豫州又獻三足鳥四月獲白雀於京師六月汾州上言衣安縣木連理是月京師木連理七月潁川陽翟縣上言木連理是月建德郡上言石城縣木連理是月薄骨律鎮獻白兔是月冀州獻嘉禾是月夏州獻白鳩九月泗州獻白兔是月潁州獻白鳥十月河州獻白雀是月青州獻白雉十二月雍州獻白雀  
四年二月豫州獻白雀四月河內郡獻白兔七月潁州獻白鳥十一月秦州獻白雉

永平元年四月瀛州民獲玉卮各以獻四月京師獲赤雀是月豫州獻三足鳥是月潁川獻白鳥是月濟州獻白兔是月有司上言潁川郡木連理五月河內獻黑兔六月雒州獻白鳩十月甘露降於青州益都縣是月樂安郡獲白兔

二年二月相州獻白兔四月河內郡獻白雉是月河內郡獻蒼鳥是月司州上言嘗農北陝縣木連理六月河南獻白雉十二月豫州獻白雉

三年七月京師獲白雀八月滎陽獻嘉禾十月白狐見於汲郡十一月夏州上言橫風山木連理

四年八月平州獻白鹿

延昌二年正月徐州上言建陵城木連理五月齊州獻白鹿八月平陽郡獻白鳥

三年正月司州上言軹縣木連理六月冀州獻白鳥七月豫州獻白兔是月河內郡獻白雀十一月秦州獻白雀

孝明以延昌四年正月卽位二月冀州獻白雉三月豫州獻三足鳥是月京師獲白雉三月冀州上言信都縣木連理是月河南獻白兔四月兗州獻白雀五月滎陽獻白雀六月司州獻白鹿是月京師木連理

八月河南獻白兔是月秦州獻白雀是月青州獻  
雀九月雍州上言鄠縣木連理是月河南獻白兔是  
月嘗州獻白雀是月雒陽獲白雀是月相州獻白狐  
十一月荆州獻白雀十二月幽州獻白雉閩并汾州  
獻白狐二是月岐州獻白雉

熙平元年正月光州上言曲城縣木連理是月定州  
獻白雀二月赤鳥見泗州秀容郡是月相州獻白雉  
三月泗州獻白雉四月汲郡獻三足鳥是月京師再  
獲白雀五月濟州獻白鹿六月冀州獻蒼鳥七月宮  
中獲白雀是月京師獲白鷲十一月泗州獻一角獸

二年正月金出岐州橫水縣赤粟谷三月徐州獻白  
麋是月徐州獻白雉四月東郡獻三足鳥是月豫州  
獻三足鳥兖州又獻三足鳥是月豫州獻白兔是月  
華州獻白雀五月司州獻白鹿是月東郡獻白兔六  
月相州獻白雀是月薄骨律鎮獻白雀是月京師獲  
白兔七月京師獲白雀八月薄骨律鎮獻白雀又京  
師獲白雀是月幽州獻嘉禾三本同穗九月汲郡獻  
白鳩十一月京師獲白雀是月鄯善鎮獻白兔是月  
京師木連理八月正平郡獻白兔九月正平郡又獻  
白兔是月徐州獻一角獸十月京師獲黑兔

三年二月涼州上言榆中縣木連理三月青州上言  
平昌郡木連理七月京師獲白雀六月五平陽郡  
四年二月揚州上言汝陰縣木連理八月涼州上言  
顯美縣木連理

正光元年正月徐州獻白兔四月濟州獻三足鳥是  
月濟州又獻三足鳥五月冀州獻白兔是月并州  
言上黨東山谷中木連理六月京師獲白雀十月  
州獻白鳥十一月濟州上言濟南郡靈壽山木連理  
二年三月南青州獻白狐二月東郡獻三足鳥六  
月光州獻白雀是月濟州上言魏郡逢陵縣木連理

七月朔州獻嘉禾

三年二月夏州獻白雉是月涼州上言榆中縣木連  
理三月青州上言平昌郡木連理

四月京師獲白雀五月徐州獻白兔二又冀州獻白  
兔一是月東郡獻三足鳥潁州郡許昌縣獻三足鳥  
泗州獻三足鳥六月冀州獻三足鳥是月滎陽郡獻  
白雀是月平陽郡獻白狐是月并州靜林寺僧在陽  
邑城西椽谷掘藥得玉璧五珪十玉卮一玉柱一玉  
蓋一並以獻八月光州獻九尾狐是月泗州獻嘉禾  
一根生六穗是月濟州獻白雀是月光州獻白雀是

月徐州上言龍亢戍東木連理九月白雀見舍人省  
十月甘露降華林園栢樹

四年正月京師獲白鵲二月揚州上言汝陰縣木連  
理三月光州獻白雉五月平郡獻白狐六月瀛州獻  
三足鳥是月京師獲白雀七月京師獲白雀八月涼  
州上言顯美縣木連理是月甘露降顯美縣

孝昌元年十月魏郡元城縣木連理

三年四月河南獲赤雀以獻

前廢帝普泰元年五月河內獻蒼鳥

出帝太昌元年四月京師獲白雀六月初出有大

黃氣成抱

後周閔帝元年正月辛丑卽天王位是日槐里獻赤  
雀二月秦州涇州各獻木連理五月槐里獻白鷺二  
明帝元年三月長安獻白雀六月長安獻白鳥七月  
順陽獻三足鳥羣臣上表稱慶詔曰夫天不愛瑤地  
稱表瑞莫不威鳳巢閣圖龍躍沼豈直日月珠連風  
雨玉燭是以鈞命決曰王者至孝則出元命苞曰人  
君至治所有虞舜蒸蒸降茲異祉周文翼翼翔此靈  
禽文考至德下覃遺仁爰被遠符千載降斯三足將  
使三方歸本九州翕定惟此大禮景福在民予安敢



攘宗廟之善弗宣大惠可大赦天下文武官並進二級

二年十月長安獻白兔

武成元年四月戊午武當郡獻赤鳥秦州獻白馬朱鬣

武帝保定元年二月弘農上言九尾狐見五月晉公護獲玉斗以獻

二年四月南陽獻三足鳥湖州上言見二白鹿從三角獸而行十二月益州獻赤鳥

三年二月涇州獻三足鳥三月益州獻三足鳥九月蒲州獻嘉禾異畝同穎

五年郢州獲綠毛龜九月益州獻三足鳥十一月岐州上言一角獸見

天和元年四月益州獻三足鳥

二年三月巳卯皇太子於岐州獲二白鹿以獻六月襄州上言慶雲見七月辛丑梁州上言鳳凰集於楓樹群鳥列侍以萬數

五年七月益州獻白兔

建德元年九月扶風掘地得玉杯以獻

三年五月荊州獻白鳥十月雍州獻蒼鳥十二月利

州上言騶虞見

六年六月應州獻芝草八月甲子定州獻九尾狐皮肉消盡骨體猶具九月甲申絳州獻白雀

隋高祖開皇元年二月甲子卽位是月京師慶雲見

三月高平獲赤雀太原獲蒼鳥長安獲白雀各六宣仁門槐樹連理衆枝內附又蓋屋縣連理樹植之宮庭

三年二月涇陽獲毛龜京師醴泉出

四年正月渝州獲獸似麋一角同蹄

十五年七月晉王廣獻毛龜

煬帝大業四年五月蜀郡獲三足鳥張掖獲玄狐各

一

冊府元龜

冊府元龜

帝王部

卷之二十三

十五

册府元龜

巡按福建監察御史臣李嗣京 訂正

知甌寧縣事 臣 孫以敬 參閱

知建陽縣事 臣 黃國琦 較釋

帝王部 二十四

符瑞第三

唐高祖武德元年五月隴州獻嘉麥六月虞州獻嘉  
麥一莖六穗七月京師慶雲見八月永州獻嘉禾異  
畝同穎九月益州上言景雲見十一月藍田玉山南  
嶺有樹連理十二月麟州獻芝草一株紫莖黃蓋是

年新豐鸚鵡谷水清代傳云此水清天下平開黃之  
初暫清尋濁至是復清

二年正月寧州獻白雉壬子麟州獻白鹿二月洛州  
上言李樹連理閏二月沁州上言慶雲見又渝州言

其 降三月安昌縣言太行山聖人崖響云唐國典  
治萬年四月有獻李樹連理盤屈如龍六月澤州言

騶虞見七月益州獻嘉禾一莖六穗九月合州言慶  
雲見又梓州言景雲見十月河州言慶雲見

三年二月鄴州言一角獸見鹿身五色牛尾馬蹄三  
月甘露降於華陰又甘露降於御史臺五月郟州獻

瑞石有文曰天下萬年七月靈州言白龍見商州言  
白狼見鄴州言麟見

四年二月白狐見玄武門絳州言甘露降肅州獻嘉  
禾一莖五穎四月慶州言慶雲見六月方州言慶雲

見益州獻芝草如人狀亳州上言老子廟枯樹生枝  
葉

五年正月代州言慶雲見豐州言騶虞見梁州言野  
蠶成繭百姓得而用之

六年西沙州言甘露降彌漫一十五里益州言慶雲  
見管州言麟見

七年陝州獲白石璽一紐章與傳國璽同仁州言騶  
虞見長安古城監渠水生藍色紅白而味甘狀如方  
印遼州獲玄兔萬年縣言甘露降九月丹州言河水  
清

八年四月赤雀巢於殿門宴五品以上上頌者十餘  
人極歡而罷連州言甘露降徧於城廓

九年正月西韓州獻芝草異莖同蓋二月蒲州言河  
水清四月甘露降於中華殿之桐樹凝法如冰霰以  
示羣臣六月於納義門獲白雀一已卯雅州涇陽縣  
生嘉禾異畝同穎是月益州獻白鹿陝州言白狼見  
七月幽州慶雲見海州言鳳凰見於城上羣鳥數百  
隨之東北飛向蒼梧山徐州言慶雲見

太宗以武德九年八月卽位是月丙午宋州言慶雲  
見辛未秦州景雲見嵩州言鳳凰見九月雒州赤雀  
見秦州言慶雲見乙未定州言景雲見莒州言鳳凰  
二見羣鳥隨之其聲若八音之奏辛酉利州言慶雲  
見壬戌林州獻禎石隱起成文曰聖主某大吉子孫  
五千歲素質玄字篆隸相參西麟州言麟見十月沂  
州言騶虞見十二月鄭州言玄狐見

貞觀元年閏三月甘露降於長安縣五月豫州言白

狼見十月和州言鸞見

二年三月宜州言白狼見六月長安縣獻嘉禾戊戌

郭州言白狼見九月甘肅州獻白馬朱鬣十月安州言

騶虞見

三年四月甘露降於雍州五月癸亥龍見玉女泉乙

丑幽州言麟見七月宣州言甘露降壬子申州言木

連理十二月潞州獻嘉禾

四年三月赤雀見於萬年縣

五年二月雋州慶雲見四月甘露降於萬年縣

六年四月楚州言騶虞見癸卯醴泉出丹霄殿之西

命公卿以上示之因置酒於側賜帛各有差

七年二月醴泉湧出於縣州之香溪痼疾者飲之愈

八年四月沂州言白鹿見

九年閏四月衡州言騶虞見五月萬年縣獲白雀戊

申和州言棠樹連理十月黎州言鳳凰見十一月瀋

州獻白狼十二月京師蒼鳥見楊州獻白雀是月襄

麟於德州

十年二月白鹿見於九成宮之冷泉谷三月襄州言

騶虞見八月雒州言鳳凰見

丹符元龜 帝王部 卷之二十四

凡不元氣符瑞三  
十一年五月麟見京師之後苑九月醴泉出痾疾者服之皆愈

十二年六月滁州言野蠶成繭於山阜九月楚州野蠶成繭徧於山谷濠州廬州獻野繭十月隰州言青龍見管州獻玄狐

十三年正月濟州獻白鹿三月吉辰廐產白馬朱駿八月幽州獻嘉禾一莖九穗

十四年二月陝州言河水變清司空無忌等詣闕上表曰臣聞崑崙載極道玄液以周天積石流源委蒼波而括地俯作神州之紀仰膺上帝之官水德靈長

斯其謂矣故能道符千載位長百川瑞馬開圖發榮光於遠代應龍闢壤致宅土於遐年自此不追寂寥難俟天之祚聖復在於茲伏惟皇帝陛下則哲承基窮神闡化功緜寓外德耀瀛表文教蔚乎三五至道格乎地天是以禎凝藪澤慶溢風煙丹井輝奇青丘表異嘉苗合穎入豐膳以鳴鐘天駟攝雲播頌聲於綴兆西鷄南雉之貴日至月書連珠湧醴之徵雲飛霧集宜其展事羸里仰告成功出豫介丘方騰茂實猶且宵衣旰食若有追而不逮對越嘉祉乃固辭而弗居遂使萬土韜華三神缺望西皇作詔申以德水

之祥東岳希封勗以清河之貺伏見陝州刺史房仁裕狀稱所管界內二百餘里正月元日黃河載清流案易乾鑿度曰聖人受命河水清京房飛候曰河水清天下太平絲是納渭含涇混流同潔凌門泐澤別派俱清馬頰馳波詳觀若鏡龍門激箭回眺飛空拍天之典煥然馮夷之都可見千尋朗徹俯映玄珠一曲澄鮮遙觀紫貝盡河宗之奧秘洞水府之仙靈豈非天鑑詳明不愛其道神心昭著在感斯通何幽顯合符人祗交際理均形見若斯之效歟臣等沐道心觀洋駭目披圖迭聽曠古無聞寔慶生涯親承且暮詔答曰嘉瑞爰降必資至德大河効祉寔爲希世顧惟寡昧但增慙惕乃天地表祥宗祿垂祐欲使四海隆平八荒禔福王公卿士內外庶僚宜勉修正道以副靈貺焉三月秦州言河清七月白龍見於富平九月杭州言青龍見

十五年二月開州言白龍見三月肅州言所部川原遍生芝草四月慶州言騶虞見冀州獻白狼五月癸亥廬山府獻白鹿乙酉安禮門御榻產芝草五莖六月滁州言青龍見庚子商州言慶雲見七月洪州獻玄珪滄州言青龍見丁亥靈州言景雲見八月嘉州



撫州各言慶雲見衡州言白鹿見九月滄州言龍見十一月幽州言五色雲見

十六年正月宣州言慶雲見七月朔鄜州言白龍見溫州各言景雲見八月申州獻白雉九月金州言青龍見十月滑州獻白狼十一月箕州言景雲見湖州言慶雲見十二月宋州言青龍見

十七年三月杭州言木連理二十四株有植黎二木合爲一體有雄雉飛集東宮顯德殿前太宗問羣臣曰頃來頻有雉集是何祥也諫議大夫褚遂良曰昔秦文時有童子化爲雉雌者鳴於陳倉雄者鳴於南

陽童子言曰得雄者王得雌者霸文公遂以爲寶雞祠漢光武得雄遂起南陽而有四海陛下舊封秦王故雄雌見於秦地旣古來將爲祥貺所以彰表明德太宗曰立身之道不可無學遂良所對深爲可重五月雍州獻三足鳥己未湖州言甘露降潤州言慶雲見華平出於玄武門之池懷州獻白狼湖州言慶雲見閏六月柳州言慶雲見丹州獻白鹿七月鄜州言景雲見辛卯嘗州言青龍見八月涼州言昌松縣鴻池谷有石青質白章爲文曰高皇海出多子李九王八千太平天子李世民王千年太子李治書燕山人

士樂大國主尚汪諤樊文仁道千古天王五王六王  
七王十王鳳毛才子七佛八菩薩及上果佛佛田天  
子文武貞觀昌大聖延四方上下萬里忠者仙戈八  
爲善

九月魏州言慶雲見皇太子寢室產紫芝二十四莖  
竝爲龍興鳳翥之形十一月并永滁州景雲見鄭州  
河水清懷州河水清永州言慶雲見鄜州獻白狐

十八年正月嘉州言青龍見台州言甘露降雋州言  
慶雲見四月豫州言白龍見五月鄆州獻白狼六月  
辛亥鄭王府獻白狐瀛州言慶雲見七月會州言青

龍見朗州言青龍見壬午滁州言景雲見八月商宋  
蘭鄆雒丑州言景雲見曹雒二州言景雲見趙州獻  
白鹿九月汝州言青龍見十月潞州言慶雲見山南  
獻木連理交錯玲瓏有同羅目一丈之餘并枝者三  
十餘所十一月湖州言慶雲見

十九年二月岳州獻毛龜二滁州言騶虞見十月卷  
人星見十一月費州言慶雲見渠州言青龍見

二十年正月汝州言甘露降二月潮州言慶雲見戊  
午許州獲白狼二月德州言景雲見鄆州言一角獸  
見景戌冀州景雲見四月房州言赤雀見五月襄州

言慶雲見景申澤州言甘露降七月安州言白龍及慶雲見穀州言景雲見八月老人星見九月澤州言白鹿見十月亳州言甘露降十一月雍州言甘露一  
株有十八處連理李樹生芝英赤紫莖光色鮮麗陝  
州言青石理成文曰李君王三字汾州言青龍白龍  
見白龍吐物初在空中有光如火至地陷入二尺掘  
之則玄金之形團斜廣高六七寸豐州言五色雲見  
兖州言青龍見

二十一年四月兖州鸞見易州言慶雲見六月始州  
言景雲見淄州言鳳凰見壬申亳宋二州各言慶雲  
見白龍見於鄆州懷荆二州言景雲見辛酉趙州言  
慶雲見七月懷襄同鳳瀘宋亳連綏等州言慶雲見  
鄆州言白龍見八月綏州言慶雲見九月崖州言白  
龍見岷州言慶雲見老人星見開州言景雲見十月  
南代州騶虞見戊戌綏州言景雲見

二十二年正月玉華宮李樹連理隔澗合枝二月懷  
州河水清原州言景雲見六月洮州言白龍見循州  
言景雲見七月襄州言慶雲屢見定襄都督府言慶  
雲見八月昭州洪州言慶雲見九月晉州言慶雲見  
巴州沂州皆言慶雲見遂州涪水中獲古鼎受五石

三斗旁有銘刻取初風雨晦冥響若洪鐘十二月絳  
綿代潞五州並言慶雲見閏十二月朗州言慶雲見  
二十二年三月代州言慶雲見四月壬申靈州言河  
水清

高宗永徽五年六月濟州言黃河清一十六里皎然  
澄徹是歲大稔雒州米斛至兩錢半粳米斗至十一  
文

顯慶元年二月岐州獻一角獸五月岐州五龍見於  
皇后泉

龍朔元年二月益縣等五州皆言龍見 於是六月充  
改元

州青龍三十九見

三年十二月詔以絳州麟見于介山含元殿前琅臺  
閣內竝觀麟跡改來年正月為麟德元年在京及雍  
州諸縣見繫囚徒各降一等杖罪以下竝免之

上元三年十一月陳州上言鳳凰見宛丘縣

睿宗唐隆元年六月甲辰即位大赦天下是日慶雲  
見于東方丙午楊州上言慶雲白雉見七月巳巳册  
玄宗為皇太子是日有景雲之慶改元為景雲元年

景雲二年六月雒州上言兩岐麥八月以高祖舊宅  
有柿樹天授中已經枯死至是重生因而大赦天下

十月寧州嘉禾異畝同穎江州上言神泉湧十二月

光州上言李樹連理

三年正月有事於南郊是日佳氣四塞

太極元年五月戊寅睿宗有事於北郊是日東南有

紫氣扶日上

延和元年六月涼州上言赤雀見

玄宗先天二年八月江州獻靈龜六眸腹下有玄文

象卦文懷州上言有嘉禾四穗十月有事於太廟是

日慶雲見

開元元年十二月有麟見於峽州遠安縣之鬼谷仙

洞

二年正月丙寅涼州獻朱驥尾白馬庚午原州獻肉

角羊八月太子賓客薛謙光獻東都九鼎銘其豫州

鼎銘武后所製文曰義農首出軒昊膺期唐虞繼踵

湯禹乘時天下光宅域內雍熙上玄降祉方建隆基

宰相姚崇盧懷慎等奏曰聖人啓運休兆必彰故化

馬爲龍預流謚頌秀爲天子早著冥符臣等今見薛

謙光所獻東都鼎銘大聖天后所製其文云上玄降

祉方建隆基豫州處天地之中所以遠包四海銘文

獨聖后所製固必先感二儀靈慶昭彰曠絕今古臣

等忝陪近侍喜萬嘗情請宣付史官并頒示內外許之

七年閏七月虢州奏閩鄉縣桃林鄉醴泉湧出揚州奏楊子縣一角獸見八月老人星見其色黃明而大八年正月甘露降五月德州奏平原縣麥一莖兩岐分秀八月老人星見十二月隰州慶雲見壁州甘露降齊州嘉禾生鄂州芝草生徐州獲白野鷄岐州獲白鷺進之

九年三月汝州奏魯山縣之堯山有白鵲見于許昌縣之唐祠掘地得古銅罇上又隱起雙鯉篆書文曰宜子孫竝請宣付史官從之五月絳州奏正平太守兩縣瑞麥七莖兩穗一莖四穗十月洪州慶雲見十一月蘄州奏蘭溪縣芝草生

十一年正月行幸北都紀功於太原府之南街有連理李樹連理其棠生于太原縣二月祠后土于汾陽之睢土太史奏榮光出河休氣四塞徘徊遶壇日揚其光有司奏脩壇掘地獲古銅鼎二其大者容一斗色皆青又獲古甗長九寸上有篆書千秋萬歲及長樂未央字又有赤兔見于壇側十一月癸酉日長至太史奏曰平明陰雲祁寒及其日出有雲迎日又有

祥風至涇東日出有黃白冠及日南有珥臣謹按黃帝占云冬至之日陰雲祁寒來歲大稔人安五穀豐熟又曰風不及地和緩而來謂之祥風王者德至於天則祥風起日冠旦珥人主有嘉並太平之嘉應臣請宣付所司許之

十二年五月溱州慶雲見太原獻異馬駒其耳如筒左右各一十六肋肉尾無毛六月景申光州五色雲見乙巳河南府之告成縣王利文家瑞麥生穗分岐一莖三秀利文上表曰陛下往在藩邸扈從三陽在臣宅上休憇臣宅北坂之下陛下以爲毬場自夏徂秋往來遊賞其地因感聖氣今有瑞麥生苗或去穗分榮或一莖數秀方圓縱橫不離場邊自非至德潛通豈有瑞應若此詔賜利文絹三十疋遣之十月令州慶雲見閏十一月豫州言白麋見

十三年五月甲申瑞麥生于河南府之壽安縣勸農使宇文融上表稱賀甲午潞州白鹿見戊戌以親製西嶽碑示百寮有五色雲見於前巳亥代州甘露降九月兖州奏白雀見十月丁卯太史奏白雀見壬申萬年人王慶築垣掘地獲寶鼎五獻之四鼎皆有銘銘曰垂作尊鼎萬福無疆子孫永寶丁丑白鵲見於

行宮十一月丙戌封禪至泰山之下戊子有雄野雞  
 飛入齋宮馴而不去久之飛入仗衛忽不見邠王守  
 禮等賀曰臣謹按舊典雌來者霸雄來者王又聖誕  
 酉年雞主於酉斯蓋王道遐祚天命休禎請宣付史  
 官以彰靈貺從之己丑日南至上備法駕登山至齋  
 室其夕陰霧慘烈勁風四起裂幕折柱寒氣切骨上  
 露立祈請仰天自誓曰某身有過請即降罰萬人無  
 福亦請某為當罪應時風雨止天地清晏日氣和煦  
 及升壇休氣四塞登歌奏樂有祥風自南而至絲竹  
 之聲飄若天外及禪社首五色雲見日重輪及還山

下之齋宮有慶雲隨馬祥風遶路

時中書令張說等  
蹈舞拜賀帝曰朕

以薄德恭膺大寶雲物休洽皆是輔弼之力君臣相  
 保勉副天心長如今日不敢矜息說等又奏曰聖心  
 誠懇昨夜齋居則息風及雨今朝封祀則天清日暖  
 復有祥風助樂卿雲引燎靈迹盛事自古未聞陛下  
 又思慎終如初長  
 福萬姓天下幸甚

十四年八月梓州言慶雲見通州言芝草生

九年晉州神山縣玄元皇帝廟根子樹兩枝連理合  
 成一枝十月己巳帝至自汝州之温湯時有五色鸚  
 鵡能言育于宮中帝令左右試牽御衣鳥輒瞋目叱  
 咤岐王文學能延景因獻鸚鵡篇以贊其事帝以鳥  
 及延景詩示百寮尚書左丞相張說上表賀曰伏見



天恩以靈異鸚鵡及能延景所述篇出示朝列臣按南海異物志有時樂鳥鳴皆曰天下太平有道則見臣驗其圖丹首紅臆朱冠綠翼與此鸚鵡無異而心聰性辨護主報恩故非嘗品凡禽實瑞經所謂樂鳥也延景雖識其事未正其名望編國史以彰聖瑞許之十二月丙午越州言李樹連理癸丑邢州申州各言慶雲見

十五年四月彭州言白兔見八月壬寅海州白麀見丁丑資州言慶雲見閏九月億歲殿生芝草一莖十月汝州言嘉禾生簡州言慶雲見

十六年三月京兆府三原縣浪井出七月慶雲見于仙州葉縣十一月日南至帝御含元殿受朝賀太史奏黃雲扶日請付有司從之

十七年五月庚寅有靈芝草產于太廟第九室殿柱甲寅有赤雀見于冀州一雄一雌六月有浪井出梓州十月睦州獻竹實

十八年四月辛酉壽州獻白雀甲午嘉州奏楠木生連理枝廣州獻紅鸚鵡五月辛丑徐州奏慶雲見甲辰陝州奏靈芝產六月甲申沁州奏月抱瑞彩揚光五色乙酉鄂州奏景雲見

十九年二月癸未皇太子鴻等奏日昨正月二十七日伏見陛下於典慶宮親耕三百餘步既而青光紫氣覆地四月巳卯楊州奏櫓生稻二百一十頃再熟稻一千八百頃其粒與嘗稻無異壬辰河南府登封縣唐村李嗣谷當陽山南面石文舊有帝字新生上字識者以爲聖明之應河南尹孟溫禮奏賀六月癸未未有浪井出於邛州之龍興觀之平地泛溢五色相輝浮彩彪炳壬申芝草生於京城之勝業寺一本七莖心黃外紫八月辛巳上降誕之日有黃雲三道於西方九月乙未冀州任丘縣孝悌鄉嘉禾生庚申婺州永康縣嘉禾生一莖五穗神羊產于京兆之興平縣

二十年三月有一角獸肉角當頂白毛上捧識者以爲獬豸

二十一年二月衢州獲魚有銘獻之侍中裴光庭等奉賀六月庚子眉州獻寶鼎重七百斤無耳足有篆文數字時渝州刺史段懷本奏此鼎到陳州界之對溪驛雲霧暗合有白虹逼昴臣恐淪失不勝驚懼請至合州取陸路至京許之癸丑蓬州奏枯樹上生荔枝結實絳州奏龍興觀池同心蓮一莖八月癸亥沂

州產紫芝三莖是夜五更二籌後南方景上老人星見其色黃白太史奏曰臣謹按春秋文曜鉤云王者安靜則老人星臨其國主壽昌萬人安常以秋分節候之南郊今應期而見請付所司從之

二十二年五月河州慶雲見八月幽州奏千秋節日有慶雲見於夷軍又軒轅皇帝廟中古井湧浪泛溢又安次縣百姓家產連理樹及大麥一本一十八莖穗秀兩岐十月尚書左丞相蕭嵩率百寮奏曰伏見所司奏今年祥瑞祥風起日抱戴嘉禾秀芝草生甘露降醴泉湧木連理瓜同蒂竹再生李成實馴鳩玄

鶴慈烏鵲鳩寶鼎魚銘錢刀甄字等二十有一事臣聞惟德感神惟祥祚聖有欲之而莫致或不召而自彰蓋所謂天之輔人福之先見者也伏惟開元神武皇帝陛下狗齊敦敏欽明光宅三靈以泰百度惟貞故感應日聞珍符歲積蓋祥風者昭乎號令抱戴者表以納忠嘉禾主於同文芝草明於敬老甘露洒神靈之液醴泉發德澤之滋草木秀其地靈羽毛呈其天瑞其餘山川異氣器用殊姿舉而必然不可勝紀斯竝玄天幽贊黃靈合德非大聖不能降其祥非太平不能當其應請宣付史官傳于後代上手詔報曰

虔奉宗社昭事天地幸蒙垂祐降此禎祥豈自厥中以彰其外歸之于朕是用多慚宣付史官依卿所請二十三年二月丁未縣州白鹿見已酉安州慶雲見五月丁卯藍州有浪井出及醴泉滂湧癸未晉州慶雲見六月丙戌文州慶雲見壬子京兆富平縣瑞大麥生一莖五穗華州下邽縣瑞大麥生一莖三穗京畿採訪使御史中丞盧奐奏賀八月幽州長史張守珪奏榆關內有蚜蝗蟲食田稼蔓延入平州界俄頃有羣雀來食此蟲一日食盡平州稼穡無有傷者九月乙丑楚州慶雲見十月沂州芝草生一莖九寸十躍請宣付史館許之十月庚申宰臣李林甫牛仙客祭南北郊有瑞氣縈壇祥風拂地太史奏今日陛下虔報豐稔昭祭神祇臣謹候天地清謐星辰明朗初祭則樽俎適陳祥風拂地既奠之後瑞氣縈壇其風則暢和緩之候其氣乃蓄龍鳳之色臣謹按王者德至於天則祥風起又堯沈璧於河休氣四塞伏惟陛下德馭物而天祥薦祉盡皇王之靈貺躋蒼生於仁壽請宣付所司編入史冊許之十一月青州奏日光五色十二月泗州奏日抱戴

二十七年七月己卯蒲州刺史韓朝宗奏新置靈貞

觀有慶雲見連理樹生壬午河西隴右節度使蕭昭  
討吐蕃大破之有慶雲見於陣前白兔舞於營中請  
編史冊許之

二十八年陝州青州皆言慶雲見四月庚辰有慈烏  
巢于紫宸殿之拱侍中牛仙客中書令李林甫上表  
賀曰臣等伏因侍奉之際天恩令臣升殿觀此烏巢  
陛下孝弟之至通於神明仁慈所育豈獨黎庶故得  
上玄協應靈鳥呈瑞翱翔不離於廷際栖集必歸於  
軒檻或人俗所有但止於園林今聖感而來乃巢於  
殿拱依人無懼戀主愈馴博考圖籍未之有也臣等  
躍請宣付史館許之十月庚申宰臣李林甫牛仙客  
祭南北郊有瑞氣縈壇祥風拂地太史奏今日陛下  
虔報豐稔昭祭神祇臣謹候天地清謐星辰明朗初  
祭則樽俎適陳祥風拂地既奠之後瑞氣縈壇其風  
則暢和緩之候其氣乃蓄龍鳳之色臣謹按王者德  
至於天則祥風起又堯沈璧於河休氣四塞伏惟陛  
下一德馭物而天祥薦祉盡皇王之靈貺躋蒼生於  
仁壽請宣付所司編入史冊許之十一月青州奏日  
光五色十二月泗州奏日抱戴

二十七年七月己卯蒲州刺史韓朝宗奏新置靈貞

觀有慶雲見連理樹生壬午河西隴右節度使蕭燧討吐蕃大破之有慶雲見於陣前白兔舞於營中請編史冊許之

二十八年陝州青州皆言慶雲見四月庚辰有慈烏巢于紫宸殿之拱侍中牛仙客中書令李林甫上表賀曰臣等伏因侍奉之際天恩令臣升殿觀此烏巢陛下孝弟之至通於神明仁慈所育豈獨黎庶故得上玄協應靈烏呈瑞翱翔不離於廷際栖集必歸於軒檻或人俗所有但止於園林今聖感而來乃巢於殿拱依人無懼戀主愈馴博考圖籍未之有也臣等幸忝樞近親睹休祥望頒示中外以彰靈感乎詔報曰所聞不如所見故引卿等觀之頒示寰中俯依來請辛巳又有慈烏巢於宣政殿之拱仙客林甫又上表賀曰陛下孝友因心慈仁被物故得上帝儲祉靈烏發祥高棟重樞共瞻爰止前軒內殿皆觀來巢視之彌馴逼之不懼休祐重沓而交應徵求古今而未聞臣等何人屢觀嘉瑞望與前狀同宣中外克紀積符手詔報曰兩殿巢禽其義一也但有慙德深謝仁慈頒示四方隨卿所請

二十九年正月亳州刺史鄭愿奏玄元皇帝廟中之

井涌氣成雲五色相映三月甲申滑州刺史李邕獻  
馬一匹表云其馬肉鬃鱗臆嘶不類馬聲日三百里  
邕任淄青刺史日遇一老翁云聖主將得龍馬以應  
太平邕遂於青州馬會思家獲而獻之己丑亳州奏  
老君廟九井先涸自奉詔增修觀宇九泉皆湧及樹  
已枯復榮四月甲寅深州奏連理甘棠樹生于陸澤  
縣甲戌温州奏日抱戴揚光五色五月戊午有白雀  
白鳥見於原州之平原戊寅有慶雲見於亳州真源  
縣之玄元皇帝廟兼有白鵲翔于廟門樓六月其雲  
降於司農寺八月命有司於興唐觀設齋自內迺玄  
元皇帝真容于觀宰臣已下百官悉行香有慶雲見  
天寶元年正月戊申安西都護田仁畹於于闐東生  
河獲瑞玉龜一畫以獻癸丑太史上言今旦卯時相  
有紅碧黃氣數見及紫赤雲氣潤澤鮮明在日上謹  
按瑞應圖名曰慶雲太平之應請編入史册許之六  
月壬辰信都瑞麥生臨州郡人李嘉裔所居柱上芝  
草生形類尊容屢陳光彩太守張景佚拔柱獻之乙  
未隴右節度皇甫惟明奏龍支縣人庫狄孝義有馬  
生龍駒經九旬有九日身有鱗而不生毛臣就簡視  
時有慶雲五色遙覆馬上久而不散伏望宣付史官

以光實錄從之睢陽郡嘉麥生一莖八寸三穗八月  
乙酉老人星見

二年三月南郡奏所部紫極宮有慶雲見

三載三月癸酉興慶宮合鍊院芝草生一本六莖丙

子武威郡上言番禾縣之天寶山有醴泉湧出嶺石

化爲瑞麵遠近貧乏者取以給食五月京兆尹奏所

部芝草生

四載八月戊子有班鹿產白鹿于苑中獻之請宣付

史館上曰宮苑之內屢薦嘉祥今又縞質霜毛變林

虞之獸族殊姿馴性實雲駕之龍媒允謂休徵用爲

慰也所請者依癸巳京兆之新豐嘉禾生或九穗六

穗九月河南府登封縣嘉禾生一本十二穗

五載五月乙卯河東郡太守李知柔奏乘泉縣潘水

修功德處有白魚引舟五色雲起望宣付史館從之

丙戌鄱陽郡上言甘露降於所部紫極宮之松樹

郡上言姑射山修功德處有慶雲捧日七月汝陰郡

上言有嘉麥生一莖兩岐

七載三月有玉芝生於大同殿之柱礎一本兩莖神

光炤於殿上命文武百寮入觀之

八載六月大同殿又產芝一莖



九載二月甲戌獻陵昭陵乾陵定陵橋陵等五陵柏樹盡垂甘露壬寅華陰郡奏白鶴見於西嶽五福峯甘露降大羅峯之醮壇白鹿見于大羅東南峰駕鶴嶺衛叔卿之得仙處請付史館從之

七載七月有鹿產白麝于開廡之試馬殿八月癸丑黔中郡紫極宮慶雲見甲寅上雒陽慶雲見丁巳丹陽郡茅山鍊丹院生芝草一莖庚午蘄春郡之天長觀聖容玉石蓮花座上生紫芝一本七莖九月壬午夜太史奏壽星見於景上大明色黃十月乙丑御朝元閣有慶雲見上賦詩羣臣畢和癸酉丹陽郡茅山

慶雲見白鶴羣飛十一月長至太史奏北方有黑雲氣四方俱有薄黃雲佳氣濃厚又有黃氣扶日十二月餘杭郡慶雲見化樓閣勢兼有仙人形象乙卯彭城郡有慶雲見

十四載三月南道觀察使源涓奏江陵郡古紀城東有紫氣成雲中有一人衣白衣乘雲氣向上其時安南招討使康令謙及同行軍將等同見臣謹畫圖奉獻伏望宣示中外編諸史冊從之四月劔南道獲白兔一獻之八月癸巳老人星見巳亥中書省五色雲見庚子樂安郡上言嘉禾及獲白鶴白雀壬寅京兆

府奏嘉禾生而獻之癸卯東平太守嗣吳王祚奏所  
部壽張順昌兩縣鹹穀櫓生丙辰蜀郡奏慶雲九見  
十月廬江郡人王恭家有李樹連理結紫實癸酉幸  
華清宮有石產玉芝宰相楊國忠請宣付示朝廷編  
諸史冊從之

十五載六月玄宗幸蜀七月壬戌至益昌郡濟州於  
吉伯渡有雙白魚夾御舟而躍識者謂之兩隻飛龍  
焉

冊府元龜

冊府元龜

巡按福建監察御史臣李嗣京具訂正

新建縣舉人 臣戴國士參閱

知建陽縣事 臣黃國琦較釋

帝王部 二十五

符瑞第四

唐肅宗以天寶十五載七月卽位于靈武改元至德  
是年九月三日帝降誕之辰有慶雲屬天白鶴飛  
於上所居殿宇翔翔二十餘匝而去十一月辛未長  
安雲氣如衣冠備具太史奏天下和平之象

二年七月朔方節度郭子儀奏寧朔縣界荒地廣十五里有黑禾穀出遍地每日側近百姓掃盡經宿遂生前後可得五六千石其禾圓實味其美臣以爲天啓興王瑞先百穀故漢稱雨粟周頌來麩豈瑞禾自出家給人足蓋陛下富教安人務豐敦本光復社稷康濟黎元之應也臣不勝大慶八月乙未太史奏其日老人星見光潤明澤十二月癸亥帝受國璽太清宮晨有紫雲見從殿東南角稍至殿前

乾元元年四月甲寅帝親行享廟禮并祭昊天上帝禮畢有景雲見於日之南自卯及辰久而方散有頃

朔方告破賊已未懷州刺史王奇光奏河內縣玉泉清種麥數畝皆一莖三穗丁卯太廟殿院北門兩柱生芝草兩莖紫蓋七月庚寅朔方節度使郭子儀奏東京上陽西金華門外伏舍下見白鼠穴穿之得天子信寶一枚皆篆書背上雕刻青龍白虎朱雀玄武相盤以爲帝德廣運乾道降祥璿圖永昌坤維耀寶請宣示朝廷詔曰我國家卜代悠久歷數無疆明神降休靈貺斯格昌符兆發寶印呈祥皇帝之機號旣彰天子之鴻名又信斯寶累聖致感上玄垂裕豈朕薄德所敢當仁卿國之大臣獲斯嘉瑞光我盛禮何

慶如之

三年五月嵐州上言合河關黃河水四十里間清如井水經四日而變十一月景寅左金吾衛大將軍王晟奏明鳳門有慶雲自欄杆上起盤旋紛郁光彩明耀門官皆覩焉

上元二年七月甲辰延英殿御座生玉芝一莖三花御製玉靈芝詩三章八句八月戊辰夜老人星見其色黃明潤澤而大

元年建子月戊戌冬至有雲迎日日揚光司天監韓穎奏謹按春秋感精符南至有雲迎日年豐之象建

巳月壬子楚州刺史崔旆表獻定國寶玉十三枚一曰玄黃符如笏長八寸上圓下方近圓有孔黃玉也二曰玉鷄毛文悉備白玉也三曰穀壁白玉也徑可五六寸其文粟粒無雕鑄之迹四曰西王母白環二枚白玉也徑六七寸六曰如意寶珠形圓如鷄卵光如皎月七曰靺鞨大如巨粟赤如櫻桃八曰琅玕珠二枚長一寸六分十曰玉玦形如玉環四分缺一十一曰玉卮大如半手斜長理如鹿形陷入卮中以卮物則鹿形著焉十二曰皇后採桑鈎長五六寸細如筋屈其末似金又似銀十三曰雷公石斧長四寸滿

二寸無孔細緻如青玉十三寶置于日中皆白氣連天侁表云楚州寺尼真如者恍惚上昇見天帝授以十三寶白中國有災宜以第二寶鎮之中書門下表賀詔曰太寶禎符時膺昌運皇天不秘紫府降靈敷上帝之耿光悟神祇之有鑒荷斯戩穀弘濟艱難冀與兆人同登壽域股肱奉上宗廟福予豈唯朕躬致此嘉瑞卿咸有一德寅奉休徵將使發揮克諧輔弼所請宣示中外編入史冊者依乙丑詔元年宜改爲寶應元年其楚州刺史并出寶縣官及進寶官量與進改隨進寶官典儉等各量與一子官宣示中外宜知朕意

代宗寶應元年四月己巳卽位其日有慶雲見初帝至飛龍廡座前有紫雲見雲中有三白鶴徊翔又有喜鵲鳴及將卽位仗衛宿設夜分雲霧四合不辨咫尺旣曉朝呼萬歲天地清朗非煙滿空黃氣抱日咸以爲聖感甲戌潞州獲赤雀獻之五月商州上言慶雲見七月己卯京兆府萬年縣獲三足烏獻之九月戊辰陝州上言黃河清是夜老人星見黃明潤澤司天少監瞿曇謨奏曰臣謹按春秋元命苞云老人星明則人主壽昌國多賢士常以秋分候於南郊所見

合秋分之氣當天地之中伏望編諸史冊宣示朝廷  
從之甲午太州至陝州黃河清二百餘里澄澈見底  
戊戌太州嘉禾生異畝同穎獻之出示百寮  
廣德二年五月己酉河南府上言河陽縣界黃河清  
踰月不變十一月鎮南副都護竇齡先言合浦縣海  
內珠池自天寶元年以來官吏無政珠逃不見二十  
年間闕於進奉今年二月十五日珠還舊浦臣按南  
越志云國步清合浦珠生此實國家寶瑞其地元勅  
封禁臣請採進許之

永泰元年七月甲寅有三白鹿一白兔見于禁苑觀  
軍容使魚朝恩受命巡苑內屯田因獲之以獻朝恩  
上言請付史館編諸簡策手詔答曰白鹿白兔王者  
嘉瑞和平之應朕以寡德詎敢當焉卿及將士等務  
切軍儲克勤農畝上玄眷祐爰獲禎符所請付史館  
者依是月庚申京兆府上言鄂縣嘉禾生穗長二尺  
餘穗上粒生重叠如連珠八月戊子司天臺上言老  
人星見

二年六月丁未是夜月重輪八月己酉秋分老人星  
見於景上黃潤明大十一月乾陵赤兔見獲而獻之  
大曆二年三月丁巳河中府獲玄狐獻之出示百寮

八月庚子夜老人星見其色黃明而大十月己卯夜羽林軍獲白雀獻之乙酉有醴泉出於京兆府之林陽飲者多愈痼疾己亥潞州長子縣嘉禾生而莖同穗十一月己巳長至司天奏曰日色清明祥風四起請付所司從之

三年正月晉州獲白雀獻之四月乾陵上仙觀三基殿有兩雀銜柴及泥補葺殿之隙壞凡一十五處六月揚州上言和州歷陽縣有三鳥同巢七月汴州獲白雀獻之閬州新井縣連理瓜生九月宣州獲白鼠三獻之十月太原府上言五色雲見及嘉禾生四年正月乙亥大雪平地盈尺百寮於宣政殿拜舞稱慶前年冬少雪故也三月潤州上元縣產芝草一莖四葉高七寸六月慶雲見於西郊

五年四月癸巳廣州越州竝言慶雲見丁未台州言慶雲見五月己巳石州上言五色雲見

六年七月己丑華州言甘露降道州上言五色雲見八月戊辰楚州上言芝草產于淮陰縣是夜老人星見其色黃明而大丁丑白兔見于太極殿之內廊後之出示百寮九月丁酉沂州上言慶雲見十一月潭州上言長沙縣榮唐里樹下有瓜生同蒂連心

上言湘源縣芝草生同根三莖合成一蓋十二月

酉婺州上言嘉禾生一莖九穗一莖十二穗

七年五月甲申亳州獲白雀六月丁亥蔡州言慶

見是歲大稔

八年四月壬申潞州上言玄宗十九瑞閣有白鶴

翔五月丁丑鳳翔府上言天興縣嘉禾生一莖二穗

六月戊申梁州獲白雀二獻之庚辰廬州上言廬江

縣紫芝草生一根兩莖一丈五尺又合肥縣棠梨樹

上烏鵲同巢七月丙戌東都留守蔣渙上言太原府

柱生芝草二莖太原府上言清源縣人韓景輝養

蠶成繭詔給復終身甲午蔡州獲白鵲一獻之婺州

上言金華縣李樹連理乙未蓬萊池獲毛龜出示百

寮戊戌內侍省獲白鼠一出示百寮壬寅神策軍上

言金天門外水渠中獲綠毛元龜獻之八月壬戌太

原獲白鳥一白鵲一獻之庚寅亳州獲白鹿一白野

雞一獻之滑州言靈昌縣連理瓜生及瑞麥一莖三

穗九月丁丑京兆府上言梨樹及林檎樹並連理戊

寅桂州上言芝草生是夜老人星見辛巳華州上言

嘉禾生十月丁未襄州言芝草生庚戌揚州上言芝

草生丁卯鳳翔府獲白鼠獻之太原府上言嘉禾生



十一月鳳翔府上言天興縣禾生一莖三穗太原府  
上言壽陽縣嘉禾生兩莖同穗閏十一月丁未申州  
上言義陽縣芝草生乙丑衢州上言龍丘縣李樹上  
產芝草五莖成都府上言甘露降是月景子澤州上  
言嘉禾生是歲大有年

九年二月庚午鄭州上言李樹上生芝草一莖三月  
癸卯亳州上言芝草生京兆府獲白鵲一獻之四月  
庚戌汝州上言甘露降甲午隴州獲白鵲一獻之五  
月丁巳隴州獲白鵲獻之京兆府上言瑞麥生九莖  
同穎七月丁酉廬州獲白鼠二舒州獲白雀一並獻  
之九月戊申晉州上言神仙縣慶唐觀栢葉松身樹  
已枯再生十月巳巳申州上言芝草生辛卯鳳翔府  
上言嘉禾生一莖兩穗十一月癸亥福州獲白鷺二  
獻之十二月戊寅寧州上言嘉禾生衡州上言李樹  
上芝草生莖連樹根丁亥婺州上言慶雲見  
十年正月壬寅冀州上言嘉禾生五莖生合爲一莖  
乙巳處州上言李樹連理二月壬申江陵府上言芝  
草生壬午處州上言芝草生五月濠州上言芝草生  
鳳翔府獲白雀一獻之五月蜀州上言唐興縣李樹  
上芝草生三莖漢州上言李樹上芝草生一莖七月

癸酉絳州上言芝草生八月己酉夜老人星見九月  
乙卯太原府上言嘉禾生

十一年九月庚辰夜老人星見

十二年正月乙丑渭北行營所獲赤雀二獻之壬申  
嘗州上言甘露降潔白凝滋味同飴蜜五月甲子成  
都府人郭遠因樵爨獲瑞禾一莖有文曰天下太平  
四字獻之以示百寮宰臣等奏賀曰頃者賊臣亂後  
敢蔽聰明陛下以時發覺成就誅放與人更始在物  
維新浹辰之間果獲佳應至德之化光賁草木太平  
之時遂形文字伏望藏於秘閣宣付史館從之六月

癸未苑內獲白鼠一出示百寮九月戊午夜老人星  
見十月乙酉潭州上言慶雲見甲午陸州上言桐廬  
縣五色雲見十一月己酉蔡州上言汝陽縣芝草生  
紫莖黃蓋辛亥京兆府上言甘露降於城內靖恭坊  
之南街柳樹味如飴蜜十二月河中府上言臨晉縣  
嘉禾生四莖二穗

德宗建中四年五月滑州濮州黃河清

興元元年八月宋亳觀察使奏亳州貞元縣大空寺  
僧院李樹植來十四年長一丈八尺今春枝上忽聳  
高六尺周回似蓋九尺餘又先天觀玄元皇帝太后

陵槐樹上有靈泉湧出六月忽有靈氣五色見於泉上

貞元元年十一月京兆府奏有人於長興坊得玉璽文曰天子信璽中書門下表賀請付所司制曰可

三年閏五月陝虢觀察使李泌獻瑞麥一莖五穗七月京兆府獻嘉禾異本同穗八月淄青節度使李紘

獻毛龜詔示百寮十二月同州沙苑監上言白鹿見四年四月宗正寺獻毛龜七月右神策軍獻瑞瓜三

蔓合為一帶而生三瓜九月許州奏嘉禾芝草生五年五月宋州奏大麥一莖九岐者約一百餘本

六年正月防州言樞連理八月甲寅老人星見是月京兆府河南府並奏嘉禾異本同穎潮州上言芝草

生連理李樹七年四月壬寅廣州言甘露降乙卯汴州獻白鳥五月許州獻白鳥八月同州言祥雲見

九年五月辛卯左神策監州行營節度使胡堅右神策監州行營節度使張昌皆表奏初城監州鹵中獲

懷土又置烽堡水路迥遠即時有兩廢鹽井悉生鹽事符聖德可謂天贊請宣付史館制曰可是月甲午

鄆州言甘露降

十年五月連州言慶雲見

十一年二月同州獻五色鴈六月河陽華州並獻白  
鳥八月潞州獻白鶴九月成都言甘露降十一月潭  
州進赤鳥

十二年五月通州奏九樹甘露降六月京兆府進白  
鼠朗州進白鳥七月丁酉東都留守進芝草甲辰滑  
州進白雀九月徐州奏嘉禾生十二月甲子左神策  
軍進白鵲丁亥許州進白麋

十三年八月汴州進嘉禾九月癸亥懷州進嘉禾甲  
子幽州奏甘露降十月右神策軍進白雀十二月婺  
州奏廳前松樹甘露降

十四年正月蔡州進瑞麥四月婺州奏甘露降閏五  
月乙丑滑州奏黃河清戊辰汴州進白鳥九月丁未  
朔中書門下奏賀峨嵋獲白鷄丁卯中書門下奏賀  
苑中獲白鹿

十五年正月潞州進白鳥五月丁未延州進去兔庚  
寅韓潭進白鼠七月鳳翔府鷄足山慶雲見

十八年五月眉州上言醴泉出八月徐州獻嘉禾白  
兔

二十一年七月陝州獻紫芝成都府獻嘉禾辛卯

州獻白雀

憲宗以永貞元年八月乙巳即位是月庚戌荆南獻毛龜二

元和二年正月詔以湖南所獻古鼎付有司初永州百姓唐履昌于路側掘得古鼎重一百一十二斤異之故上獻八月戊辰老人星見

七年十一月東川觀察使潘孟陽上言龍州武安川畚田中嘉禾生有麟食之復生麟之來一鹿引之群鹿隨焉光華不可正視使畫工就圖之并嘉禾一函以獻

九年八月中書門下奏夏綏銀節度使今月八日因取土修城于西北角近倉掘得釜大小共計二百五十四並容六斛已下五斛以上俱無破損如新器物者伏以人天所資粒食為本錡釜之大火化是因今大軍方興此物自出則知何時藏瘞蓋神誘其衷今之彰呈豈天有所助聖作物感一何昭然望付史館從之

穆宗長慶元年正月帝饗太廟禮畢出朱雀門中路日抱珥五色宰相蕭俛等率兩省供奉官稱賀於馬前

三年四月同州言文宣王廟甘露降

文宗太和元年十一月河中觀察使薛平奏當管虞鄉縣王賢鄉有白虎入靈峯觀謹按孫氏瑞應圖白虎者義獸也名騶虞王者德至鳥獸澤洞幽冥則見謹畫圖進上勅付所司

三年十一月丁丑朔乙卯司天臺上言太陽當蝕不蝕宰臣率百官表賀

六年七月河陽東川並奏慶雲見八月廣州奏六月二日慶雲見

宣宗大中八年正月陝州黃河清

昭宗文德元年九月雲龍殿前穿井得甘泉以示百寮羣臣上表賀曰臣聞至德動天天乃垂甘露神功浹地地故出醴泉然猶兆自郊圻啓諸甸服未有因於改井得彼甘泉不離禁掖之中便是殿庭之側澄清若鏡汲引而固絕羸餅香美如飴濟利而終期勿藥况銀床萬所玉甃千門味不可以和太羹美不足以調甘食若非皇帝陛下幽通井德明契天宮則何以革故從新致斯玄覽移鹹變苦降此休禎臣等幸偶盛時叨塵寵祿恩與堯年野老鑿以興歌願同漢水丈人汲而成藥

哀帝天祐元年九月朱全忠進白兔一隻中書門下  
表賀曰今日東頭承旨常郁至奉聖旨者質素光而  
應候容潔朗以協時既昭耀於明庭實昭彰於聖德  
臣等覽晉中興書徵祥說曰白兔者月精也抱朴子  
云兔壽千歲滿五百歲則色白顧野王云王者恩加  
壽考則白兔見協太陰之瑞實表坤慈應千歲之祥  
雅符乾德伏以皇帝陛下膺圖纂嗣歷紐騰休紹祖  
宗之丕基示孝慈於衆彙敦禮耆老委任勲賢所以  
致八孔之効靈應三秋而發皓來從月窟疊霜義以  
蒙茸獻自梁庭粲氷毫而皎潔足以增輝瑞諫歸美  
皇猷聞天遠自於元勳拭目共觀於多士豈比魯傳  
趙郡獨歌如練之詞實同晉獲壽春又繼凝鈇之詠詔  
曰上天眷祐靈魏効珍道既協於坤慈祥乃彰於月  
窟雪霜是比較晶可觀全忠道貫神明功高鼎鼐果  
因嘉瑞歸善天庭俾頒示於有司冀流光於不朽再  
三嘉翫歎注良深

二年八月河南府奏雒苑谷水屯百姓馬會穀地內  
有嘉禾合穗謹隨表進者詔曰多稼如雲已稱大稔  
異畝同穎益表殊祥張全義尹正邦畿從容廊廟動  
必垂於惠化靜每著於燮調佐時之畧彌章阜俗之

風益顯爰昭玄貺可卜豐年訓農遐掩於衛文獻瑞  
迥同於唐叔載觀禎異尤切歎嘉仍付史館  
後唐莊宗同光元年十二月亳州太清宮道士奏聖  
祖玄宗皇帝殿前枯檜再生枝畫圖以進宣示百官  
其表云按瀨鄉記此樹枯來莫知年代自高祖神堯  
皇帝武德二年太上老君見於晉州羊角山語樵人  
吉善行云爲報唐天子吾是爾遠祖亳州曲仁里是  
吾降生之地有枯檜重榮唐祚永興高祖遂於羊角  
山置興唐觀其地改爲神仙縣封羊角山爲龍角旣  
至亳州果有枯檜樹復生枝蒼鬱後因安祿山僭號  
之時萎悴及祿山殄滅玄宗翠華歸奏枝葉復榮今  
年十月中又於其上再生一枝約長二尺聳身直上  
迥出凌虛葉密枝繁獨異衆木勅當聖祖舊殿生枝  
檜新枝應皇家再造之期顯大國中興之運同上林  
仆柳祥旣協於漢宣比南頓嘉禾瑞更超於光武宣  
標史冊以示寰瀛宜委本州太清宮副使嘗加備察  
兼令功德使差道士一人往彼告謝仍付史館編錄  
三年正月西都留守張筠奏昭應縣華清宮道士張  
冲虛狀四聖天尊院枯檜樹重生枝葉畫圖以進三  
月唐州奏淮瀆廣閏王廟前有兩樹東西相去七八



五寸其樹各出地亦七尺五寸兩樹相向連理五月  
許州進納兩岐麥一科其月汴州進兩岐麥兗州奏  
任城縣百姓大麥地內有兩岐三穗至四穗者八月  
丙子夜平明壽星見十一月青州符習奏萊州卽  
縣人鄉貢士李夢徵室內柱上生芝草兩岐畫圖而  
進勅符習累居藩翰屢顯政能靜以臨人寬而得衆  
撫裕已彰於惠愛輔時又致於休徵固得和氣潛蒸  
靈芝遽產同九莖而表瑞比三秀以呈祥載閱奏陳  
良深嘉歎

三年三月振武節度使維京內外蕃漢馬步使朱守  
殷奏臣脩維陽月波堤至立德坊南古岸得玉璽一  
面上進伏以皇帝陛下明德動天聖靈御宇遂使千  
年之瑞出於九地之間輝煥簡編光華帝道臣竊觀  
異瑞益表太平勅玉以呈祥印惟示信况坊名立德  
地近維陽當鳳曆之再新與龜書而叶瑞獲茲至寶  
得自忠臣所宜載在簡編垂爲盛美可送中書門下  
宣示百官宰相豆盧革等驗其篆文曰皇帝行寶四  
字圓方八寸厚二寸皆細交龍光瑩精妙莫知連墜  
之由也謹按自秦漢以來天子之璽六文曰皇帝之  
璽皇帝信璽皇帝行璽天子之璽天子信璽天子行

璽至玄宗時惡神器以璽爲名改名國寶漢末董卓遷獻帝於長安燔燒雒陽宮表術將孫堅攻卓收復京城營于城南軍士見甄官井上有五色氣入懼不敢汲堅令浚井得漢傳國璽文曰受命于天既壽永昌方圓四寸細交五龍一角小缺王莽逼奪之時投地稍損議者意張讓劫帝出奔掌璽者投之甄井也自六璽之外有傳國璽卽謂此受命璽也起於秦相李斯爲之傳於高皇帝卽漢末甄井所得卽乘輿六寶之一也自隋末迄今喪亂弘多湮墜者耻而不言好事者落然無記吁哉守殷又於積善坊役所得古文錢四百五十六一十六文得一元寶四百四十六文順大元寶守殷進納勅凡窺奇異盡繫休明所獲錢文式昭玄貺得一者佇歸於一統順天者式契于天心道煥一時事光千載殊休繼出信史必書宜付史館四月陝州柳溪樹連理五月陝州進白兔八月己卯司天奏老人星見十月癸亥司天奏老人星見其月密州諸城縣人徐霸送芝草兩莖嘉禾九穗刺史李紹岳畫圖以進

明宗天成元年十月巴州進嘉禾合穗并圖十一月密州獻芝草并圖宣示中書門下百寮稱賀

二年四月郢州進白鵲五月癸亥懷州進白雀乙丑  
滄州進白鵲六月巴州進兩岐麥其月兗州進三足  
烏華州上言鄭縣羅文鄉百姓李存家有兩岐麥畫  
圖進上八月丁酉青州進芝草其月壬寅平明前壽  
星見于丙上

三年九月閬州上言度支巡官陳知禮家生芝草兩  
本畫圖以進是月宰臣王建立進玉盃壹隻上有傳  
家國寶萬歲盃字水運都將段洪趙實於臨河縣下  
得之

四年七月遂州夏魯奇進嘉禾一莖九穗勅旨三秀  
靈芝標仙籍而罔資世務九莖嘉穀按地諫而實表  
豐年旣呈殊異之祥雅叶治平之運宜付史館編記  
八月戊戌司天奏老人星見其色黃明

長豐元年七月宿州進白兔以銀籠盛之八月丁未  
司天奏老人星見黃明潤大在井十一度時帝御便  
殿對宰臣因問曰司天奏老人星見卿等見否馮道  
曰老人壽星也每歲秋分見爲嘗其色黃明則表聖  
壽臣等雖不見星出則定矣

三年十月萊州卽墨縣人王友家生芝草一莖三枝  
其枝又分兩岐或三岐上漸闢成片而圓色紫其片

卽爲葉葉莖一色其表白高尺餘青州節度使進之  
并圖上又出宮中舊獻芝草四株其色莖葉皆同而  
枝葉多少爲異耳

末帝清泰三年六月洛州獻野蘭二十斤

晉高祖天福五年五月宋州貢瑞麥兩岐八月萊州  
芝草生

六年八月登州蓬萊縣民楊蔚家芝草生畫圖進之  
七年四月甲寅朔避正殿不視朝司天前奏日蝕故  
也是月百官守司太陽不虧上表稱賀

少帝天福八年有白鳥棲於作坊桐樹作坊使周務

勅上言令捕而進之

開武元年六月襄州獻白鵲

漢高天福十二年二月辛未卽位於晉陽乙酉陽曲  
縣令崔握遣主簿呂光鄴進白兔壹隻帝覽而嘉之  
識者曰殷有白狼周有白魚唐有白雀皆爲瑞况布  
以乙卯降生而有此兆得不爲大慶乎四月星官奏  
有氣黃紫多龍鳳之狀块莽盤旋不離城上識者曰  
天不能無雲而雨不能無氣而立今瑞氣如此劉氏  
其大昌盛乎

隱帝乾祐二年四月潁州獻紫兔白兔皆緘之於楮

册府元龜卷之二十一  
出 示羣臣六月潁州獻白鹿

三年五月澶州衛南縣民王綰田麥兩岐凡十二莖  
二十四穗曹州乘氏縣民王豐麥一莖三穗  
周太祖廣順二年四月徐州以兩岐麥二十本來獻  
八月靈武獻嘉禾二銀盤

世宗顯德元年正月朔日後景色昏晦日月多暈及  
帝卽位之日天氣晴朗中外肅然五月丁亥是夕月  
重輪是月辛卯世宗親征河東午後慶雲見於西南  
旣晡風雲雨雹起于東北

五年二月登州貢芝草三枝十月登州刺史劉福進  
牟平縣畫到芝草圖一面十二月丁丑朔朗州上言  
醴陵縣玉仙觀山門中舊有田二萬餘頃久爲山石  
閉塞昨於七月十七日夜有暴雷霹開其路復通詔  
褒之

六年正月唐州民於野田中得玉璽玉紐本部遣使  
來上

册府元龜

册府元龜

帝王部

卷之二十一

二十

册府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事臣黃國琦較釋

帝王部 二十六

感應 神助

感應

書曰惟德動天又曰至誠感神是知為善者降祥好謙者受福天人相與之際交感訢合如律之命呂雲之從龍未嘗斯須而不應也故古者賢聖之君莫不

通三統之要重萬靈之命思惟往古察極至治兢兢業業罔敢暇豫德之盛也合於天地誠之至也通於幽明神以知來聰以知遠善行無迹有開必先則感而應之乃自然之理也乃若商湯桑林之禱大雨斯降漢武竹宮之祀神光屢燭宣帝建祖廟而白鶴集玄宗封泰山而勁風止策書所紀其流實繁斯皆清衷玄感靈貺昭答高明聽卑若嚮之應也董仲舒有言曰王者修五嘗之道故受天之祐而享鬼神之靈德施於方外延及群生也豈不臧與

殷湯時大旱七年殷史卜曰當以人禱湯曰必以人禱吾請自當遂齋戒剪髮斷爪以已為牲禱於桑林之社果大雨

漢文帝十六年四月以郊見渭陽五帝廟燿火舉而祠若光輝然屬天焉

武帝元鼎四年親祀后土東幸汾陰男子公孫滂洋等見汾旁有光如絳帝遂立后土祠於汾陰睢上

五年十一月始郊拜太一祠上有光是夜有美光及晝黃氣上屬天太史令談祠官寬舒臣欽若等曰談司馬談也寬舒

姓等曰神靈之休祐福兆祥宜因此地光域立泰時壇以明應明著美光及黃氣之祥帝嘗以正月上辛用事甘泉

圓丘使童男女七十人俱歌昏祠至明夜嘗有神光

如流星止集於祠壇天子自竹宮而望拜以竹為宮天子居中

竹宮去壇三里百官侍祠者數百人皆肅然動心焉

元封元年正月親登崇高臣欽若等曰崇與嵩同御史乘屬在

廟旁吏卒咸聞呼萬歲者三四月癸卯登封泰山其

夜若有光晝有白雲起封中

二年夏有芝草生甘泉殿房中天子為塞河與通天

若有光云為塞河及造通天臺而神光之應

四年三月祠后土詔曰朕躬祭后土地祇見光集於

靈壇一夜三燭幸下都宮殿上見光其赦汾陰夏陽

中都死罪已下

六年三月幸河東后土詔曰朕體首山昆田出珍物

或化為黃金昆田者山之下田也武帝祠首山故神為出珍物化為金祭后土神

光三燭其赦汾陰殊死已下

太初二年三月幸河東祠后土詔曰朕用事介山祭

后土皆有光應介山在河東皮氏縣東南其山周大十里高三十里其赦汾陰

安邑殊死已下

太始三年二月幸琅邪禮日成山祭日於成山也登之采澤

大海山稱萬歲

四年四月幸不其不其山名其音基因以為縣在東萊祠神人于交門



宮神人蓬萊仙人之屬也聊若有鄉坐拜者如有人之景

且大且小鄉坐三拜鄉讀曰嚮

宣帝本始二年六月尊孝武廟為世宗告祠廟日有

白鶴集後庭以立世宗廟告祠孝昭寢有鴈五色集

殿前西阿築世宗廟神光興于殿旁有鳥如白鶴前

赤後青神光又興于房中如燭狀廣川國世宗廟殿

上有鐘音房戶大開夜有光殿上盡明迺下詔赦天

下

神爵元年正月帝始幸甘泉郊見泰畤數有美祥三

月幸河東祠后土有神爵集詔曰朕飭躬齊精祈為

百姓東濟大河天氣清淨神魚舞河幸萬歲宮神爵

翔集其改元神爵

四年二月詔曰脩興泰一五帝后土之祠祈為百姓

蒙祉福鸞鳳萬舉蜚覽翔翔集止于旁萬舉猶言舉以萬數也

覽言飛翔覽觀也齋戒之暮神光顯著薦鬯之夕神光交錯

鬯香酒所或降於天或登於地或從四方來集于壇

上帝嘉嚮海內承福其赦天下

五鳳三年三月行幸河東祠后土詔曰朕方躬齋戒

郊上帝祠后土神光竝見或興于谷燭耀齋宮十有

餘刻甘露降神爵集已詔有司告祠上帝宗廟

後漢明帝永平三年夏旱而大起北宮僕射鍾離意  
 詣闕免冠上疏曰伏見陛下以天時小旱憂念元元  
 降避正殿躬自克責而比日密雲遂無大潤豈政有  
 未得應天心者耶昔成湯遭旱以六事自責曰政不  
 節邪使人疾邪宮室崇邪女謁盛邪苞苴行邪讒夫  
 昌邪切見北宮大作人失農時此所謂宮室崇也自  
 古非苦宮室小狹但患人不安寧宜且罷止以應天  
 心臣意以匹夫之才無有所能久食重祿擢備近臣  
 比受厚賜喜懼相半不勝愚戇狂營罪當萬死帝策  
 報詔曰湯引六事咎在一人其冠履勿謝比天降旱

密雲數會朕戚然慙懼思獲嘉應故分布禱請闕候

風雲北祈明堂南設雩場今又勅大匠止作諸宮減

省不急庶消災譴詔因謝公卿百寮遂應時澍雨

以注萬物故曰澍雨

和帝永元六年七月京師旱幸雒陽寺寺官舍也錄囚徒

舉寃獄收雒陽令下獄抵罪司隸較尉河陽皆左降

未及還宮而澍雨皇太后紀云有囚實不殺人而被誣羸困與見鄧太后察視覽之即

收雒陽令下獄時帝幼太后臨朝

魏明帝太和元年初營文昭皇后宗廟掘地得玉璽  
 方一寸九分其文曰天子羨思慈親明帝為之改容

以太牢告廟又嘗夢見后於是差次舅氏親疎高下敘用各有差賞賜累鉅萬

後魏明元泰嘗四年八月帝嘗於白登廟將薦熟有神異焉太廟博士許鍾上言曰臣聞聖人能享帝孝子能饗親伏惟陛下孝誠之至通於神明近嘗於太祖廟有車騎聲從北門入殷殷輜輜震動門闕執事者無不肅慄斯乃國祚永隆之兆宜告天下使咸知聖德之深遠

太武太延元年三月不雨六月使有司遍請群神六月大雨是日有婦人持一玉印至路縣候孫家賣之孫家得印竒之求訪婦人莫知所在其文曰旱役平寇天師曰龍文紐書云此神中三字印也  
文成興安二年正月遣有司詣華嶽廟立碑數十人在山上聞虛中若有聲音聲中稱萬歲云  
和平五年四月帝以旱故減膳責躬是夜澍雨大降  
孝文泰和元年五月乙酉車駕祈雨於武州山俄而澍雨大洽

二年五月京師旱辰祈星天日月五星於北苑親自禮焉減膳避正殿祭之夕澍雨大洽

三年五月丁巳帝祈雨於苑開陽門是日澍雨大洽

二十年七月戊寅帝以久旱咸秩羣神自癸未不食  
至於乙酉是夜澍雨大洽帝以久旱不雨輟膳三日  
百寮詣闕引在中書省帝在崇虛樓遣舍人問曰朕  
知卿等至不獲相見卿何爲而來平南將軍王肅對  
曰伏惟陛下輟膳以經三旦羣臣焦怖不敢自寧臣  
聞堯水湯旱自然之數須聖人以濟世不繇聖人以  
致災是以國儲九年以禦九年之變臣又聞至於八  
月不雨然後君不舉膳昨四郊之外已蒙滂澍惟京  
城之內微爲少澤蒸民未闢一食陛下輟膳三日臣  
庶惶惶無復情地帝遣舍人答曰昔堯水湯旱賴聖  
人以濟民朕雖居羣黎之上道謝前王今日之旱無  
以救恤應待立秋尅躬自咎但此月十日已來炎熱  
焦酷人物同悴而連雲數日高風蕭條雖不食數朝  
猶自無感朕心未至所致也肅曰臣聞聖人與凡同  
者五嘗異者神明昔姑射之神不食五穀臣嘗謂矯  
今見陛下始知其驗且陛下自輟膳以來若天全無  
應臣亦謂上天無知陛下無感一昨之前外有滂澤  
此有密雲臣卽謂上天有知陛下有感矣帝遣舍人  
答曰昨内外貴戚咸云四郊有雨朕恐此輩皆勉爲  
之辭三復之慎必欲使信而有徵此當遣人往行若

果雨也便命大官欣然進膳豈可以近郊之內而  
慨要天乎若其無也朕之無感安用朕身以擾民庶  
朕志確然死而後已  
是夜澍雨大洽  
宣武景明四年旱命尚書鞠京師見囚務盡聽察帝  
又減膳撤懸俄而澍雨大洽

孝明帝神龜二年二月詔曰農要之月時澤弗應嘉  
穀未納三麥枯悴德之無感歎懼兼懷可勅內外依  
舊雩祈率從祀典察獄理冤掩骼埋胔冀瀛之境往  
罹寇暴野死者既多白骨橫道可遣專令收埋賑窮  
恤寡救疾存老准訪前式務令周備三月甲辰澍雨  
大洽

後周武帝保定三年五月甲子朔避正殿寢不受朝  
以旱故也甲戌乃雨

隋文帝開皇二年四月己酉早上親省囚徒其日大  
雨

唐高祖初爲唐王義寧二年三月不雨至四月乃命  
祈禱掩骼埋胔於是大雨

武德三年自夏不雨至於八月帝齋居稽顙四向拜  
遣治書侍御史孫伏伽告天地神曰某蒙聖明祐助  
得爲人主有何殃咎致使炕旱某若無罪使三日

雨某若有罪請殃其身無令兆民受茲饑饉應時

雨

四年三月帝以旱親錄囚徒俄而澍雨

太宗貞觀三年三月旱庚午大赦天下癸酉雨自是  
赦書所至甘雨便降兆庶以爲異焉

六月終南等數縣蝗帝至苑中見蝗掇數枚而視之  
曰民以穀爲命而汝食之是害於百姓有過在予一  
人爾其有靈但當食我無害百姓將吞之侍臣恐致  
生疾遽諫止太宗曰所冀移災朕躬何疾之避遂不  
之自是蝗不爲災

十二年正月帝朝於獻陵先是大雨雪及帝入陵院  
悲號哽咽百辟哀慟是時雪益甚寒風暴起有蒼雲  
出於山陵之上俄而流布天地晦冥至禮畢帝出自  
寢宮步過司馬北門泥行二百餘步於是風靜雪止  
雲氣歇滅天色開霽觀者竊議咸以爲孝感所致焉  
五月甲寅帝以旱避正殿自去冬不雨至是令文武  
官五品以上各上封事極言得失勿有所隱減膳罷  
役分遣使人賑恤寡乏理囚徒申寬屈司空長孫無  
忌以旱遜位不許自是澍雨應時歲大稔  
十七年六月大旱甲午避正殿減嘗膳丁未雨降百

寮奉賀請復嘗膳御正殿詔從之

二十三年三月自去冬亢旱至是始雨帝謂侍臣曰天生蒸民樹之人君以牧養而移時不雨自天亢旱粟麥不成春田未闢朕憂其窘罄無忘於懷將康濟之故不令乏絕耳是日雨降

高宗永徽元年自夏不雨至七月詔在京諸司見三年自去年九月不雨至於正月詔避正殿御東廡以聽政仍令尚食減膳至二月壬寅大雨雪乙巳御兩儀殿南面視事

麟德元年五月丙寅以久旱遣使命禱各山大册正殿御帳殿丹霄門外聽政凡三日而澍雨

乾封二年春正月丁丑以時旱避殿親錄囚徒令所司減膳其日雨降

玄宗先天二年三月甲戌帝以旱親往龍首池祈禱有赤蛇自池而出雲霧四布應時澍雨  
開元十三年十一月封禪帝登泰山至齋宮其夕陰雲慘冽勁風四起裂幕折柱寒氣切骨帝露立祈請仰天自誓曰某身有過請卽降罰萬人無福亦請某為當罪應時風止天地清晏日氣和煦及升壇休氣

四塞登高奏樂有祥風自南至絲竹之聲飄若天外  
及禪社首五色雲見日重輪  
十四年六月丁未以久旱分命公卿祭山川也卯河  
北道及太原澤潞等州皆雨祭地獄使李嵩上言曰  
臣至邢州雨降盈尺臣切問野老皆云往十二年春  
夏大旱六月下旬方始降雨其歲河朔大熟粟斗五  
錢今年得雨雖晚猶旱於前歲百姓欣然咸有秋望  
臣受命之日祈雨嘗山玉幣未陳明靈已應實陛下  
至誠玄感先天不違

十七年十一月十六日朝于昭陵掌事者彷彿遙視  
太宗立神殿前及玄宗入寢宮聞室中有聲咳又於  
寢宮門外設奠以祭陪陵功臣將相蕭瑀房玄齡等  
數十人如聞其舞蹈之聲

十九年四月己丑侍中裴光庭中書令蕭嵩奏曰頃  
以春季夏初微嘗時澤雖無溥潤尚末為災臣等親  
承德音憂勤萬姓虔誠雲漢自結壇場有孚斯感不  
疾而速則有鶴鳥和鳴油雲杳起未崇朝而四溟飛  
灑不終夕而萬里滂沱生靈以之相慶草樹繇而自  
樂臣等幸參近侍親奉殊祥蹈躍之誠實百常品望  
宣付史館從之因詔曰政教不修則陰陽隔併精誠



有感則風雨順時頃自暮春爰涉初夏其澤未降農務是憂所以親結壇場用伸祈禱豈神聰意達而應不逾時斯實上玄昭鑒之深亦是卿等燮理之効宜加勉勵以答靈心開府儀同三司尚書右丞相宋璟等奏曰近者日永南陸雲密西郊鬱彼炎氣暫愆時雨陛下順天布德憂人在念潔壇菲膳恤獄緩刑故得膏澤應期會旬而至夜良田望歲自公而及私觀其洒液九重雜梅香而共溢含涼入水將麥氣而俱清臣等預睹休和叨承霑沐手詔曰頃自春涉夏雨未流施勤恤之心切憂農務是用寬刑宥過減膳撤懸責已祈天躬親禱祠上玄垂鑒其澤應時嘉夏種之不愆佇秋成之有望爰與群公卿士同荷休徵各勉其誠敬承天德

五月壬申京師旱帝親禱興慶池是夜大雨乙亥侍中裴光庭等曰昨二十五日伏見高力士奉宣勅旨親於興慶池投龍祈雨伏以何言者天卑聽以平施惟微者聖玄感而降祥用能咸孚響臻幽贊昭應聖德美利其至矣哉頃西郊微愆南畝不害遠自河陝已聞沾洽近次咸秦頗未均被而聖情遷軫憂勞日旻降天步禱神池屑然膺饗若有從助俯祈萬福之

祐仰叩三靈之心言發而旋雲朝隣神通而其露降  
澍人欣華黍之盛物覩由庚之樂不疾之速書契所  
未聞至誠之感皇王所不載霑休之慶曲成羣物况  
在臣等切倍嘗情望宣付史館式彰昭感之美手詔  
報曰爰自今春時雨愆序切憂農務無忘寢興陝維  
兩郊已聞流霑而咸京近縣尙未霑霈憫禾黍以疾  
懷仰雲漢而翹首投龍致祭親禱靈池誓移咎於薄  
躬庶垂祐於黎獻神道昭著鑒此虔誠并澤應期嘉  
生遂性亦是卿等同心爨理勩力謀猷上下咸和致  
茲休應豐年可望慶慰良深麟鳳飛翔未爲瑞也

七月甲戌以久旱帝親禱於興慶池翼日大雨丙子  
少府監馮紹正奏曰自夏以來時稍微旱昨令臣等  
龍刻魚聖躬親用祈禱先天不違油雲鬱興并澤  
降百穀豐就萬物滋成臣忝有司實荷殊慶請宣付  
史館以闡皇猷手詔報曰黍稷垂成實滋并澤旣  
久旱懷憂匪寧思拯黎元靡神不禱靈心昭鑒降  
林徵覩垂穎之可觀佇大獲之爲慶編之青史良有  
愧焉

二十四年六月以久旱命河南尹李適之祭嶽瀆  
雨是日澍雨適之奏賀曰聖心纔啓靈貺潛通

竝霑罔不滂霈請宣付史館仍於濟源縣虔修賽會  
手詔報曰道貴以誠神無不應豈朕之先意亦卿之  
用心川嶽効靈甘霖竝洽請行賽禮深得事機宜宣  
付史館用依來請

二十八年劍南節度使章仇兼瓊奏曰吐蕃以五月  
十八日安戎城斷其水路至二十一日城東湧出  
泉將夜城南面又湧出一泉軍士飲之不竭侍中牛  
仙客中書令林甫上表賀曰此城往緣無備權屬  
蕃天威所臨復為我有而犬戎自送其死且或執送  
率彼兇徒輒敢違逼城中在昔惟水為虞雖佇之則

多而汲之路斷陛下每憂無物必期靈祐聖心  
神道玄通遂使析石流泉分巖瀉液動天地而昭  
與造化而同功三軍所資一朝皆足既使無竭之  
慮益勵忠勇之心剪滅寇戎從此非遠傍稽典策  
考禎休以欣以躍實倍嘗品請宣示百寮編諸冊  
帝手詔報曰城之還我乃復其初天意神心自嘗  
贊克濟軍旅湧出雙泉不假梅林有過疎勒編諸  
帛在卿意焉

天寶四載七月蜀郡上言道士劉紫虛投龍設醮于  
江潭有大蛇長一丈自潭遊出文彩五色有異嘗蛇

其上有慶雲紛郁望徧諸史冊從之  
十四載三月丙戌勅頃緣少雨遍於致祭旋降甘澤  
實荷靈祇其先令中使祭者別有昭報京兆府比來  
應有所請處并畿內名山靈跡竝令府縣長官各申  
賽祭

肅宗乾元二年正月籍田禮畢還大明宮自前年  
冬又無雪禮畢降雪盈尺

代宗廣德二年二月丁亥親拜南郊初上將饗太廟  
齊之夕歲星爲太白同躔辟而不犯司天臺夏官正  
徐承嗣上言曰木處仁君恩於養也金全義德體其

政也今月四日臣伺候屬輕濛隱映光跡暫明位指  
東西不盈南北勢凌密近切慮相干陛下展禮齋宮  
陰騰又蔽星擬土錯不露其瑕及廟宿精誠天容若  
鏡今太白避歲之審二尺有餘昔熒惑守心之明三  
退無謬加以禮祀五帝敬告百神是憑法象呈休蒼  
生致福偃兵歸馬不遠來期孝理行歌起于茲景事  
殊古典應美前書望付史館兼示中外許之

永泰元年七月庚子以旱故禱諸神祠是日雨降盈  
尺時京師米價騰貴斛至萬餘錢至是霑澤人心稍  
安

德宗興元元年六月戊午帝發興元是日大雨將入斜谷路嶮峭多在巖石之間議者以爲行至谷中若遇向之甚雨閣道壞絕進退何從咸切憂焉及入谷之後天象霽朗曾無纖雲以至京師無風雨之虞衆情欣欣皆謂聖德感通自天祐也

貞元六年四月以旱下詔免減稅戊午澍雨踰旬遠近霑足

十三年四月自春以來時雨未降正陽之月可行零祀遂幸興慶宮龍潭爲兆庶祈禱焉忽有白鷗驚沈浮水際羣類翼從其後左右侍衛者咸驚異之俄然莫知所往方悟龍神之變化遂相率蹈舞稱慶至乙丑果大雨遠近滂沱

憲宗以永貞元年八月乙巳卽位於宣政殿受冊先是順宗寢疾不能言王伾王叔文爲學士居翰林通於內官李忠言宣下詔令韋執誼爲宰相奉而行之天下危懼連月陰雨及定策雨遂止卽位之日天氣清明臣下繇是知天命之有歸矣

元和二年正月辛卯有事於南郊將及大禮陰氣凝閉決旬不開羣有司慮降雨雪以不克展禮爲懼宰臣議請改日帝曰郊廟重事吾齋戒有日豈以將有

雨雪而廢乎泊三大禮方享獻之際皆景物澄霽及  
鑿與就次則降微雪大駕將動則又止焉翼日御樓  
宣赦纔畢陰雲復結瑞雪盈尺衆情懽悅咸以爲聖  
心昭感所致

八年二月辛未帝以久旱親祈雨於禁中是夜降霽  
霑足

十年正月下制討吳元濟自去年無雨雪至是討元  
濟詔下乃雨雪

文宗開成元年二月庚申帝幸龍首池觀內人寒雨  
自春少雨帝孜孜憂勤徧禮羣望至是其澤屢降中  
外咸悅帝賦暮春喜雨詩百官咸有屬和

三年正月癸未以旱下詔放逋租及寬刑獄其日大  
雨

四年六月戊辰以久旱分命群官徧祠祈禱帝自卽  
位每歲有微旱卽虔誠祈禱至是久旱帝於紫宸殿  
對宰臣憂形於色宰臣以星官所奏天時當爾乞無  
過勞聖慮帝慄然改容曰朕爲天下主無德及人致  
此災旱今又謫見于上若三日不雨當退歸南內更  
選賢明以主天下宰臣嗚咽流涕各請罪乞免相位  
是夜澍雨大洽

後唐莊宗同光元年四月卽位於魏州時正月不雨  
至是人心憂恐洎宣赦之夕降雨彌溥耒耜滿野土  
下歡康稿苗復茂麥熟倍嘗

明宗初仕莊宗天祐十四年契丹圍周德威於幽州  
帝與李存審帥師同討自易州北山而行詰旦徵  
諸將懼雨淋漓帝祝曰彼蒼垂祐國難終平敢希  
旬早得晴朗俄而開霽衆心咸悅

天成四年二月甲子車駕歸京宿於中牟縣百官請  
行宮起居各賜酒食上謂侍臣曰麥田稍旱朕以時  
禱祈乙丑屆鄭州雨三日百辟稱賀

長興元年二月甲寅赴南郊壇之齋宮是夜陰雲  
密至二鼓微雨帝詔問司天官擇日奏曰聖德動天  
百靈斯會卽應便止至三鼓雨止星象精明瞻視  
晝成以爲盛德感也

末帝清泰元年七月詔曰昨以稍愆時雨慮損嘉禾  
朕親赴龍門遍申祈禱其澤尋降豐稔可期宜令元  
差禱雨官各赴祠宇昭賽

漢高祖天福六年初爲太原節度使赴任晉陽大旱  
帝入境謂賓從及左右曰吾始衣繡還鄉甚有德色  
今一境大旱五稼將枯豈非薄德寡祐而致是邪

乃際地設脯醴望山川而禱曰某本生此地濫鎮北方朝廷差來不敢違旨在上者無德而祿其速身歿在下者以食爲天難加衆咎願興雲雨以救焦勞漉泣致拜其日大雨帝旣下車入謁興安王昌寧公廟每致祈禱繇是境內大稔蓋精誠之所感也是歲天下飛蝗東距於海西至隴右南極湖湘北越燕薊川井廬舍無不填滿唯入太原山谷中者皆抱草木而死時天下蝗亦相繼而死焉但五稼已傷而太原獨豐人甚異焉

隱帝乾祐元年五月丙辰以久旱幸道宮佛寺禱雨是日大澍

二年內出宋州所送蝗抱草死者以示羣臣乃命止捕焉差官祭之

周太祖以乾祐二年討李守真太祖決欲進攻十七日於西砦抽郭崇業仁魯及手下兵士與東砦軍進攻梯衝破弩百道齊發俄而西北黑風揚沙晦暝梯衝搖蕩人不能開目太祖令禱河伯祠曰吾奉辭伐罪以救黎元兇醜拒張勞兵攻伐神道禍淫合仲冥助風師無狀不祐王師明靈感通速宜止絕如無顯効祠其危乎莫訖而風止



世宗初節制澶淵凡三載或水旱不時有禱于神祠未嘗不應時而驗顯德四年親征淮南降下壽州還京四月戊午到穎上縣是日大雨先時帝在下蔡日宰臣以時雨稍憊上奏帝曰賊壘已平班師在近雨當不日矣至是果如聖語

神助

夫大人斯興神明鑒德至誠多感惠迪多助盼蠻貊贊顛沛靡失斯自天之孚祐也故有宅心清明發秀岐嶷越在側微之際已彰保定之徵及乎扶義臨戎勞神焦思顧誕靈命率籲眾謀將拯橫流以遏亂界繇是猛鷲効用靈祇告猶冒矢石而如夷視水火而可蹈寒暑為之易節風雷為之借勢休應震動蠢類薦祉况乃吉夢先啓聖知獨悟懇激之切至人事之符令者哉

黃帝有聖德初百神朝而使之應龍攻蚩尤戰虎豹

熊羆四獸之力以女媧止淫雨

史記云皇帝教熊羆

戰於阪泉之野

虞舜初居於媯汭其父瞽瞍嘗欲殺之使舜上塗廩瞽瞍從下縱火焚廩舜乃以兩笠自扞而下去得不死後瞽瞍又使舜穿井為匿空旁出舜既入深瞽瞍

與象共下土實井舜從匿空旁出去舜以權謀自免亦大聖有神人之助也

夏禹初為司空觀於河有長人白面魚身出口吾河精也呼禹曰文命治淫授禹河圖言治水之事乃退入于淵

漢高祖初為漢王二年四月與項羽大戰于彭城靈壁東圍漢王三匝大風從西北起折木發屋揚沙石

晝晦晦暗也楚軍大亂而漢王得與數十騎趣去八年冬帝東擊韓王信餘寇於東垣真定也還過趙趙

相貫高等陰謀欲殺帝帝欲宿心動問縣名何曰柏人帝曰柏人者迫於人也去弗宿

宣帝初生數月遭巫蠱事收繫郡邸獄郡邸獄治天計者巫蠱獄繫收繫者衆故寄此獄連歲不決後元二年望氣者言長

安獄中有天子氣武帝遣使者分條中都官獄中都官京師諸官府也繫者輕重皆殺之內謁者令郭穰夜至郡邸

獄廷尉監酈吉拒閉使者不納曰皇曾孫在他人亡辜死者猶不可况親曾孫乎相守至天明不得入穰

還以聞因劾奏吉武帝亦悟曰天使之也因赦天下郡邸獄繫者獨賴吉得生

後漢光武初為更始大司馬徇河北時王郎移檄購

光武光武趣駕南軒至饒陽晨夜兼行蒙犯霜雪天  
時寒面皆破裂至虜沱河候吏還曰河水流漸無船  
不可濟官屬大懼光武令王霸往視之霸恐驚衆欲  
且前阻水還即詭曰水堅可渡官屬皆喜光武笑曰  
候吏果妄語也遂前北至河河水亦合乃令霸護渡  
堅護度也未畢數騎而水解光武謂霸曰安吾衆得濟免  
者卿之力也霸謝曰此明公至德神靈之祐雖武王  
白魚之應無以加此 今文尚書曰武王度孟津白魚躍入王舟光武謂官  
屬曰王霸權以濟事殆天瑞也進至博城下乃惶惑  
不知所之有白衣老父在道旁指曰努力信都郡為

長安守去此八十里 信都郡今冀州也光武即馳赴之信都

太守任光開門出迎

魏太祖之討張魯魯遣五官掾降帝衛橫山築陽平  
城以拒王師不得進魯走巴中軍糧盡太祖將還西  
曹掾東郡郭誡曰不可魯已降留使既未及衛雖不  
同攜可攻縣軍深入以進必克退必不免太祖疑之  
夜有野麋數千突壞衛營軍大驚夜高祚等誤與衛  
衆遇祚等多鳴鼓角會衆衛懼以為大軍見掩遂降  
晉宣帝為魏太傅勒兵從闕下趣武庫當曹爽門人  
逼車住爽妻劉怖出至聽事謂帳下守督曰公在外

今起兵如何督曰夫人勿憂乃上門樓引弩注箭欲發將孫謙在後牽止之日天下事未可知如此者三帝遂得過去

文帝爲魏相國諸葛誕據壽春叛命築壘圍之初壽春每歲雨潦淮水溢嘗掩城邑故帝之築圍也誕笑曰是故不攻而自敗也及大軍之攻亢旱踰年城既陷是日大雨壘皆毀

元帝爲左將軍從討成都王穎蕩陰之敗也叔父東安王繇以穎所害帝懼禍及將出奔其夜月正明而禁衛嚴警帝無繇得去甚窘迫有頃雲霧晦暝雷雨暴至微者皆弛因得潛出穎先令諸關無得出貴人帝旣至河陽爲津吏所止從者宋典後來以鞭策馬而笑曰舍長官禁貴人汝亦被拘邪吏乃聽過至維陽迎太妃俱歸國

後魏孝文五歲受禪文明馮太后以帝聰聖後或不  
利於馮氏將謀廢帝乃於寒月單衣閉室絕食三日  
帝亦無恙

唐高祖初爲唐公大業十三年起義師於太原七月  
師次霍邑隋武牙郎將朱老生陳兵拒險義師不進  
屯兵於賈胡堡會霖雨積旬饋運不給高祖患之忽

有白衣老父詣軍門請見曰予霍山神遣語大唐皇帝若向霍邑當東南傍山取路八月雨止我當助爾破之高祖初晒之遣人東南視地果有微道高祖笑曰此神不欺趙襄子豈當負吾邪八月己卯雨果霽高祖大悅以太牢祭霍山

太宗初討宋金剛賊徒日感嘗欲覘敵潛軍遠抄騎皆四散太宗與一甲士登丘而睡俄然賊兵四面雲合不知覺也會有蛇逐鼠觸甲士之面甲士驚起因見賊至遽白太宗而俱上馬馳百餘步爲賊所及發大羽箭射之殪其驍將賊騎乃退當時以爲異焉

貞觀十九年征遼五月丙子師次臨遼頓其夕遼水減二尺三軍慶悅咸以爲得天之助

玄宗始三歲封楚王時則天因御高樓抱之眺望誤墜於地左右失聲奔下扶擁帝怡然無虧損之狀則天甚奇之

肅宗母楊太后方娠時玄宗爲太平公主所忌密謂侍讀張悅日用事者不欲吾多息嗣恐禍及此婦人其如之何密令悅懷去胎藥而入太子於曲室躬自煮藥醺然似寢寢神人覆鼎旣寤如是者三太子異之告悅悅曰天命也無宜他慮及爲皇太子天寶十

四年安祿山反玄宗幸蜀留太子在後宣慰百姓賊師追至渭便橋已斷渭水初漲又無舟楫太子於水濱號令百姓願從者三千餘人因而涉渡而南遇潼關散卒誤以爲賊與之戰士多傷敗收其餘復濟渭而北太子過渭之後渭水之漲隨馬跡而高丈餘追者盡溺衆心大喜以爲聖感帝行至豐寧南見大河天塹之固欲整軍北渡將詣豐寧忽大風飛沙礫數步之間不辨人馬繇是迴軍東趣靈武風沙頓止天地廓清

乾元三年正月甲申元帥奏於河陽陝東大破賊文武百官奉表稱賀曰伏見元帥行營露布伏承官軍大破逆賊二千餘衆兼燒浮橋柵壘等悉皆蕩盡陝東大破兇徒斬及生擒甚衆又見中書門下稱河陽橋頃因河陵衝突連艦偏斜昨一軍吏夜間橋下聞見有神人云我是毗沙門天王爲國家正此橋柱及平明橋忽正又勝州已北百姓數千人忽見兵馬極衆喚百姓索食其中有人云我是張韓公及王忠嗣領此兵馬爲國討賊不日當太平百姓陳祭訖須臾不見此皆聖德所感人神合符靈應昭然今古未有者臣聞聖人者與天地合德日月齊明神祇告休山

川翰貺雖五兵暫阻而七德肇脩伏維乾元大聖先天文武孝感皇帝陛下眷德昭融文思光被道冲玄漠德同淵明三靈貢珍百神効職頃者兇徒未殄侵軼京師東郊不開尚稽大討幽明增憤動植未康固得天祇護梁神兵啟陣喧聲夜發狀若構於龜鼉靈契昭然威德清於蚊蚋三軍盡覩百姓咸觀此實止戈之先兆也及師出交懷一戈而羣兇塗地兵臨分陝再戰而餘孽殄殲擒元惡而詰彼兇殘焚賊橋而斷其歸路莫不覩兵勢以懾竄聞軍聲而畏威撲滅之期於斯見矣此則天時人事斷在目前睿筭神功致之度內皆經籍未載古今茂聞者也詔曰朕爲人父母時屬艱虞東夏不康近郊多壘除妖撲燎戎馬交馳父出夫行征徭未息蓬頭汗甲今已累年憂我人斯寢興誠切達精誠於天地委長策於廟堂宗社假靈王師克勝殘逆窮搏聚而相持造舟橫河樹柵憑岸一鼓齊進應時殲蕩陝東連捷吉語驟來平賊安人指期可待自古王者得神以興城梁不假於人功士馬或稱於幽贊休徵斯在靈應不違凡百具寮相同慶慰

敬宗寶曆元年正月乙卯命中使張宗肇持緋衣賜

長安縣至簿鄭翦翦時至後太清宮御院忽於院  
西序見一白衣老人云此下有井正直皇帝過路汝  
速實之不然罪在不測翦隍遽領役人視之其處已  
陷數尺發之則一古井宛然驚顧之際也宋老人所  
在翦遂告功德使以聞帝歸至宮宰臣及供奉官於  
馬舞蹈稱賀時有詔命翰林學士韋處厚紀述以表  
其異

後唐武皇初爲河東節度使追黃巢至于曹州並師  
過汴汴帥朱溫迎勞於封禪寺請帝休於府第乃以  
從官三百人及監軍使陳景思館於上原驛是夜張  
樂陳宴席汴帥自佐饗出珍幣侑勸帝酒酣戲諸伶  
妓與汴帥握手叙破賊事以爲樂汴帥素忌帝乃與  
其將楊彥洪密謀竊發彥洪於巷陌連車樹柵以扼  
奔竄之路時從官者皆醉俄而伏兵竊發來攻傳令  
武皇方大醉噪聲動地從官十餘人捍賊侍人郭景  
銖滅燭扶帝以茵幕裹之匿於床下以水洒面徐日  
汴帥謀害司空帝方張目而起引弓抗賊有頃煙火  
四合復大雨震電帝得從者薛鐵山賀回鶻等數人  
而去雨大如不辨人物隨電光登尉氏門絕城而  
得還本營



明宗初爲邢州節度使從莊宗南伐次胡柳陂前軍周德威爲輜重所撓一軍不利莊宗以中軍戰勝而軍勝負相半而左馳右趣皆無部伍或號曰晉王渡河而北矣日晡晚帝與末帝相失軍無所止河未初解以無舟楫帝泣曰吾兒安在吾王安歸身世盡于斯矣是夜大寒雪深盈尺兵士凍死者衆河水有復合處帝試踐行可渡不旋踵而水解繼行者陷矣是夜帝得渡宿先鋒砦翼日莊宗遣內官訪帝時已獲土山之捷矣軍聲復震

晉高祖後唐應順末自河東改鎮嘗山承詔詣關會

少帝失位與數百騎欲奔鄴夜與少帝相遇護嘉東

遂俱入衛郡泊郵舍中時劉諱

郎漢高祖也

從行是夜偵

知少帝伏甲欲與從臣謀害晉高祖詐屏人對語方

坐於亭廡劉諱密遣御史石敢袖鎚立於後伏甲者

俄起左右驚擾敢素有勇力擁晉高祖入一室以巨

木塞門敢力當其鋒尋死焉劉諱乃解所佩刀隔窓

授晉高祖旣出有數卒逐劉諱劉諱時無佩刀遇夜

晦以在地葦炬未燃者奮而擊之人謂其短兵也遂

敗走帝乃匿身長垣下隔垣聞人相告云石太尉已

死矣

即晉高祖也

劉諱審其語則帝所親驍將李洪信也

劉諱因諤而召之曰石太尉無恙繇是坎垣求出其垣劃然頽落有神助焉劉諱乃與洪信合衆護晉高祖殺建謀者以少主授刺史王引贊晉高祖乃能脫難赴關

漢高祖卽位初自晉赴雒次絳郡有司奏置頓厄口鎮帝曰地名稍惡安可宿之朕記此別有好路乃遣人導之果坦夷而至于聞喜縣有從騎橐駝蹂厄口者多爭路墮於絕壑從臣嘆曰昔高皇帝避柏人之名其智若神我帝惡厄口而入聞喜何千載之暗合

邪

周太祖初爲漢侍衛馬步軍都指揮使乾祐中圍李守貞于河中府攻城日大風帝祝於河神而風止及守貞將敗帝夢河神告曰勿攻擊七月下旬上帝滅其族果如其言及北征至澶州驛亂軍逼卽登城樓令王峻慰諭之曰河水已解浮橋難立如何南濟衆亦憂之其夜西北風裂凝凍比昧旦津吏報水堅可渡步騎踐水而行堅如鐵石未午軍人渡絕衆謂之凌橋其日將夕津吏報曰水橋泮矣

廣順二年五月親征慕容彥超于兗州是月十三日至城下賊尙拒守十七日晝寐夢內養德兒引道士

一人進書卷首云車駕來月二日還京其下文字絕多不能盡記既寤以夢示宰臣又四日而城拔六月二日離兗州是日大雨城下行營水深數尺其日晚至中都縣太祖笑謂侍臣曰今日若不離城下則當爲水潦所溺矣

世宗顯德元年三月親征河東大敗賊軍初兩軍之未整也風自東北起不便於王師及與賊軍相遇風勢斗迴人情相悅

### 冊府元龜

### 冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

### 帝王部 二十七

### 孝德

夫德教加于百姓刑于四海者天子之孝也若乃總制區宇尊居宸極至性內發玄化潛運率土之濱民德歸厚矣其或在田處晦祇載之德已隆膺期撫運奉養之誠彌竭至於逮事靡及追懷罔極因心創舉

時思永感哀動左右風化天下傳曰君子篤於親則民興於仁蓋聖人之教不肅而成不嚴而治繇茲道也

帝舜側微堯聞其聰明將使嗣位乃曰咨四岳朕在位七十載汝能庸命與朕位岳曰否德忝帝位曰明明揚側陋師錫帝曰有鰥在下曰虞舜帝曰俞予聞如何岳曰瞽子父頑母嚚象傲克諧以孝蒸蒸乂不格姦帝曰我其試哉女于時觀厥刑于二女釐降二女于媯汭嬪于虞帝曰欽哉其後益贊于禹曰帝初于歷山往于田日號泣于昊天于父母負罪引慝祇

載見瞽瞍夔夔齋慄瞽瞍亦允若

慝惡載事也夔夔慄懼之貌言舜負

罪引慝敬以事見于父棟懼齊莊父亦信順之言能以至誠感頑父又按史記曰舜母死父瞽瞍更娶妻而生象瞽瞍頑母嚚弟象傲嘗欲殺舜舜避逃及有小過則受罪順事父及後母與弟象日以篤謹匪有懈順適不失子道兄弟孝慈欲殺不可得年二十而於堯聞三十一而帝堯問可用者四嶽咸薦虞舜曰可於是堯乃以二女妻舜以觀其內九男與處以觀其外居媯汭內行稱謹堯二女不敢以貴驕事舜親戚甚有婦之道堯九男皆益篤堯乃錫舜絺衣與琴為築倉廩予牛羊瞽瞍尚復欲殺之使舜上塗廩瞽瞍從下縱火焚廩舜乃以兩笠自扞而下得不死後瞽瞍又使舜穿井為匿空旁出舜既入深瞽瞍與象共下土實井舜從匿空旁出去瞽瞍象喜以舜為必死象曰本謀者象象與父母分於是日舜妻堯二女與琴象取之牛羊倉廩予父母象乃止舜官居鼓其琴舜往見之象懼不懌曰我思君正鬱陶舜曰然爾其庶矣舜復事瞽瞍與象彌謹年五十攝行天子事六十一代堯踐帝位載天子旗往朝父瞽瞍夔夔唯謹

如子道封弟象為諸侯又按孟子曰人少則慕父母  
 知好色則慕少艾有妻子則慕妻子仕則慕君不得  
 於君則熱中大孝終身慕父母五十而慕者予於大  
 舜見之矣熱中謂心熱恐懼又中庸篇載舜其大孝  
 也與德為聖人尊為天子富有四海之內宗廟饗之  
 子孫保之劉向新字載昔者舜自耕稼陶漁而躬孝  
 友父瞽瞍頑母嚚及弟象傲皆下愚不移舜盡孝道  
 以供養瞽瞍與象為浚井塗廩之謀欲殺舜舜孝益  
 篤出田則號泣年五十猶嬰兒慕可謂至孝矣故耕  
 於歷山歷山之耕者讓畔陶于河濱而陶者器不苦  
 窳漁於雷澤雷澤之漁者均分及立為天子化蠻夷  
 率服北發渠搜南撫交趾莫不慕義麟鳳在郊故孔  
 子曰孝悌之至道通于神明光于四海舜之謂也

商高宗宅憂亮陰三祀

陰默也居憂信默三年不言  
 又按論語曰高宗諒陰三年

不言

周文王之為世子朝於王季日三

三皆日朝以其禮同  
 鷄初鳴

而衣服至於寢門外問內豎之御者曰今日安否何

如內豎小臣之屬掌內外之通

內豎曰安文王乃喜

孝子當

及日中又至亦如之及莫夜又至亦如之

莫

其有不安節則內豎以告文王文王色憂行不能

正履

節謂居處故  
 事履蹈地也

王季復膳

飲食安也

然後亦復初

解食

上必在視寒煖之節

在察也

食下問所膳

問所食者

命膳宰

曰未有原應曰諾然後退

未猶無也原再也勿有所  
 再進為其失任臭味惡也

退反其寢

武王初為太子文王有疾武王不脫冠帶而養

言嘗在側

文王一飯亦一飯文王再飯亦再

欲知氣力  
 箴藥所勝旬有二

口乃間問乃瘳也禮記中庸篇曰子曰武王周公其達孝矣乎夫孝者善繼人之志善述人之事

也者

漢高祖居長安太上皇思欲歸豐高祖乃更築城寺市里如豐縣號曰新豐乃徙民以充實之

文帝居代時薄太后嘗病三年帝不交睫解衣湯藥非口所嘗弗進

後漢明帝永平七年皇太后陰氏喪帝性孝愛追慕無已十七年正月當謁原陵夜夢先帝太后如平生歡既寤悲不能寐即案曆明日吉遂率百官及故客上陵其日降甘露於陵樹帝令百官采取以薦會畢帝從席前伏御牀視太后鏡奩中物感動悲涕令易脂澤裝具左右皆泣莫能仰視焉

章帝母賈貴人明帝爲太子以選入官生帝而明德馬太后無子明帝命太后養之謂曰人未必當生子但患愛養不至耳后於是盡心撫育勞悴過於所生章帝亦孝性淳篤恩性天至母子慈愛始終無纖芥之閒建初三年帝饗士于南宮因從太后周行掖庭池閣乃閔陰太后舊時器服愴然動容乃命留五時衣各一襲及帝所御衣合五十篋餘悉分布諸王主及子孫在京師者各有差特賜東平王蒼及瑯琊王

京書曰中大夫奉使親聞動靜喜之何已歲月驚過山陵寢遠孤心悽愴如何如何問饗衛士於南宮因闕視舊時衣物聞於師曰其物存其人亡不言哀而哀自至信矣惟王孝友之德亦豈不然今送光烈皇后假紵帛巾各一級衣一篋可時奉瞻以慰凱風寒泉之思又欲令後生子孫得見先后衣服之製今魯國孔氏尚有仲尼車輿冠履明德盛者光靈遠也其光武皇帝噐服中元二年已賦諸國不敢復送

魏明帝追尊母文昭甄后初營宗廟掘地得玉璽方一寸九分其文曰天子羨思慈親明帝爲之改容以太牢告廟又嘗夢見后於是差次舅氏親疎高下叙用各有差

晉景帝居母宣穆張皇后喪以孝聞

武帝泰始二年八月詔曰此上旬先帝棄天下日也便已周年吾煢煢當復何時一得敘人子之情邪思慕煩毒欲詣陵瞻視以盡哀憤主者俱行備太牢安平王孚尚書令裴秀尚書僕射武陔等奏陛下至孝蒸蒸哀思罔極衰麻雖除哀毀蔬食有損神和秋節尚有餘暑謁建山陵悲感摧傷群下竊用疎息以爲宜降抑聖情以慰萬國詔曰孤煢忽爾日月已周痛

慕摧感永無逮及欲奉瞻山陵以敘哀憤體氣自佳耳又已涼便當行不得如所奏也主者便具行備又詔曰漢文不使天下盡哀亦帝王至謙之志當見山陵何心而無服其禮以衰經行秀等重奏曰臣聞上古喪期無數後世乃有年月之漸漢文帝隨時之美制爲短喪傳之於後陛下社稷宗廟之重萬方億兆之故旣從權制除衰麻羣臣百姓吉服今者謁陵以敘哀慕若加衰經進退無當不敢奉詔詔曰亦知不在此麻布耳然人子情思爲欲令哀喪之物在身蓋近情也羣臣自當按舊制秀等又奏曰臣聞聖人制

作必從時宜故五帝殊樂三王異禮此古今所以不同質文所以迭用也陛下隨時之宜旣降心克已俯就權制已除衰麻而行心喪之禮今復制服義無所依若君服而臣不服亦未之敢安也叅議宜如前奏詔曰患情不能跂及耳衣服何在諸君勤勤之至豈苟相達四年帝母文明王皇后喪合葬崇陽陵將遷祔帝手疏后德行命史官爲哀策初居文帝喪帝雖從漢魏之制旣葬除服而深衣素冠陰席撤膳哀敬如喪者有司奏改服進膳不許遂禮終而後復吉

皇太

后喪有司奏前代故事倚廬中施白縑帳蓐素牀布裹巾句草鞋葦板輿細犢車皆施縑衰詔不聽但令



以布車而已其餘居喪之制亦如禮文有司又奏大  
 行皇太后當以四月二十五日安厝故事虞著哀服  
 既虞而除其內外官寮皆就朝脯臨位御除服訖各  
 還所次除哀服詔曰夫三年之喪天下之達禮也受  
 終身之愛而數年之服奈何葬而便即吉情所不忍  
 也有司又奏世有險易道有汗隆所遇之時誠有繇  
 然非禮也方今戎馬未散王事至殷更須聽斷以熙  
 庶績昔周康王始登翊室猶戴冕臨朝降于漢魏既  
 除葬釋諒闇之禮曰遠代而廢矣惟陛下割高宗之  
 制從當時之宜敢固以請詔曰攬省奏事益增感刺  
 夫三年之喪所以盡情致禮葬已便除情所不堪豈  
 當然耳且今思存草土卒嘗以吉奪之乃所以重傷  
 至心非見念也每代禮典質文皆不同此身何為限  
 以近制使達喪闕然乎羣臣又固請帝流涕久之乃  
 許文帝崇陽陵先開一日遣侍絳宮又遣將軍校尉  
 嘗直尉中監各一人將殿中將軍以下及帝時左右  
 嘗給使詣  
 陵宿衛

明帝性至孝太寧元年二月葬元帝於建平陵帝徒

跣至陵所

康帝即位咸康八年七月丙辰葬成帝於興平陵帝  
 親奉奠於西陛既發引徒行至閭闔門外素輿至于  
 陵所

建元元年四月有司奏成帝山陵已一周請改素服  
 御進膳如舊壬寅詔曰禮之隆殺因時而寢興誠無  
 嘗矣至於君親相準名教之重莫之改也權制之作  
 蓋出近代雖曰適事實弊薄之始先王崇之後世猶  
 怠而况因循又從輕降義弗可矣

簡文帝為琅琊王年七歲鄭夫人薨帝號慕泣血固

請服重元帝哀而許之

孝武帝將以散騎嘗侍領著作郎吳隱之爲黃門郎以隱之貌類簡文帝乃止

後魏明元道武長子也初封齊王帝母劉貴人賜死道武告帝曰吾遠同漢武爲長久之計帝素純孝哀泣不能自勝道武怒之帝還宮哀亦不自止日夜號泣道武知而又召之帝欲入左右曰孝子事父小杖則受大杖避之今陛下怒盛入或不測陷帝於不義不如且出待怒解而進不晚也帝懼從之

大武明元長子帝生不逮母密太后及有識言則悲

慟哀感傍人明元聞而喜及明元不豫衣不解帶

孝文幼有至性年四歲獻文曾患癰帝親吮膿五歲

受禪悲泣不能自勝獻文問之帝曰代親之感內切

於心獻文甚嘆異之及居祖母文明太皇太后喪勺

飲不入口五日毀墓過禮五日不食中郤曹楊椿進

諫曰陛下至性孝過有虞居哀五朝水漿不御羣下

惶灼莫知所言陛下荷祖宗之業臨萬國之重豈可

同匹夫之至節以取僵仆且聖人之禮毀不滅性縱

陛下欲自賢於萬代其若宗廟何帝感其言乃進粥

已過朞月毀瘠猶甚司空穆亮表曰王者居極至尊

請服重元帝哀而許之

孝武帝將以散騎常侍領著作郎吳隱之爲黃門郎以隱之貌類簡文帝乃止

後魏明元道武長子也初封齊王帝母劉貴人賜死道武告帝曰吾遠同漢武爲長久之計帝素純孝哀泣不能自勝道武怒之帝還宮哀亦不自止日夜號泣道武知而又召之帝欲入左右曰孝子事父小杖則受大杖避之今陛下怒盛入或不測陷帝於不義不如且出待怒解而進不晚也帝懼從之

大武明元長子帝生不逮母密太后及有識言則悲慟哀感傍人明元聞而喜及明元不豫衣不解帶

孝文幼有至性年四歲獻文曾患癰帝親吮膿五歲受禪悲泣不能自勝獻文問之帝曰代親之感內切於心獻文甚嘆異之及居祖母文明太皇太后喪勺飲不入口五日毀慕過禮五日不食中郤曹楊椿進諫曰陛下至性孝過有虞居哀五朝水漿不御羣下惶灼莫知所言陛下荷祖宗之業臨萬國之重豈可同匹夫之至節以取僵仆且聖人之禮毀不滅性縱陛下欲自賢於萬代其若宗廟何帝感其言乃進粥已過朞月毀瘠猶甚司空穆亮表曰王者居極至尊

至重父天母地懷柔百靈是以古先哲王制禮成務  
施政立治必順天而後動宣憲垂範必依典而後行  
用能四時不忒陰陽和暢若有過舉咎徵必集故大  
舜至慕事在納麓之前孔子至聖喪無過瘠之紀堯  
書稽古之美不錄在服之痛禮備諸侯之喪而無天  
子之式雖有上達之言未見居喪之典然則位重者  
爲世以屈已居聖者達命以忘情伏惟陛下至德參  
二儀惠澤覃河海宣禮明刑動遵古式以至孝之痛  
服期年之喪練事既闋號慕如始統皇極之尊同衆  
庶之制廢越紼之大敬闡宗紀之舊軌誠繇文明太

皇太后聖畧超古惠訓深至欲報之德昊天罔極比  
之前代戚爲過甚豈所謂順帝之則約躬隨衆者也  
陛下旣爲天地所子又爲萬民父母子過哀父則爲  
慘悴父過戚子則爲憂傷近蒙接見咫尺旋冕聖容  
哀毀駭感群心書稱一人有慶兆民賴之一人過哀  
黎元焉繫群官所以顛殞震懼率土所以危懼悚慄  
百姓何仰而不憂嘉禾何由而播植願陛下上承金  
冊遺訓下稱億兆之心時襲輕服數御嘗膳脩崇郊  
祠垂惠咸秩輿駕時動以釋憂煩博採廣諮以尊性  
氣息無益之戀行利見之德則休徵可致嘉應必臻

禮教必宣孝慈兼備普天蒙賴含生幸甚詔曰苟孝  
悌之至無所不通今飄風亢旱時雨不降寔驟誠慕  
未濃幽顯無感也所言過哀之咎諒爲未衷省啓以  
增悲愧及再周忌日哭於陵前絕膳二日哭不輟聲  
先是太后葬於永固陵中反虞於鑿玄殿詔曰遵旨  
從儉不申罔極之痛稱情允禮又損儉訓之德進退  
思惟信用摧感又山陵之節亦有成命內則方丈外  
裁掩坎脫於孝子之心有所不盡者室中可二丈墳  
不得過三十餘步今以山陵萬世所仰復廣爲六十  
步孤負遺旨益以痛絕其幽房大小棺槨質約不設  
盟器至于素帳幔茵瓷瓦之物亦皆不置此則遵先  
志從冊令奉遺事而有從有違未達者或以致怪梓  
宮之裏玄堂之內聖靈所止是以一一奉遵仰昭儉  
德其餘外事有所不從以盡痛慕之情其宣示遠近  
著告羣司上明儉誨之德下彰違命之失及卒哭孝  
文服緣近臣從服三品以下外臣衰服者變服就練  
七品以下盡除卽吉設祔祭於太后殿公卿以下始  
親公事帝毀瘠絕酒肉不御者三年初帝孝於太后  
乃於永固陵東北里餘營壽宮遂有終焉瞻望之志  
及遷雒陽乃自表瀍西以爲山園之所而方山虛宮

號曰萬年堂云

太和十六年九月辛未帝哭文明太后於陵左終日不絕聲幕越席爲次

侍臣侍哭壬申帝以忌日哭於陵左哀至則哭侍哭如昨帝二日不御膳癸酉朝中夕三時哭拜於陵前夜宿鑿玄殿是夜撤次甲戌帝拜哭辭陵還永樂宮

前廢帝諱恭字脩業廣陵惠王羽之子少端謹有志度事祖母嫡母以孝聞

後周武帝建德三年三月帝居皇太后叱奴氏喪處倚廬朝夕共一溢米羣臣表請累旬乃止詔皇太子贊總釐庶政五月庚申葬文宣皇后於永固陵帝祖跣至陵所辛酉詔曰齊斬之情經籍彛訓近代沿革遂亡斯禮伏奉遺令既葬便除攀慕几筵情實未忍

三年之喪達於天子古今無易之道王者之所嘗行但時有未諧不得全制軍國務重須自聽朝縗麻之節苦廬之禮率遵前典以申罔極百寮以下宜依遺令公卿上表固請俯就權制過葬卽吉帝不許引古禮答之群臣乃止於是遂申三年之制五服內亦令依禮

隋高祖初仕後周爲大將軍遇皇妣寢疾三年晝夜不離左右代稱純孝開皇十七年九月謂侍臣曰禮主於敬皆當盡心黍稷非馨貴在祇肅廟廷設樂本以迎神齋祭之日觸目多感當此之際何可爲心在

路奏樂禮未爲允群公卿士宜更詳之遂下詔自今已後享廟日不須備鼓吹殿廷勿設樂懸仁壽二年詔曰哀哀父母生我劬勞欲報之德昊天罔極但風樹不靜嚴敬莫追霜露旣降感思空切六月十三日是朕生日宜令海內爲武元皇帝元明皇后斷屠唐高祖武德八年七月群臣食於御前果有蒲桃侍中陳叔達執而不食帝問其故對曰臣母患口乾不能治欲歸以遺母帝曰卿有母可遺乎遂流涕嗚咽久之乃止賜物百段帝性至孝初葬元貞太后時遇初寒跣行二十餘里足皆流血毀頓之極哀感行路言及二親未嘗不流涕有得時珍及諸方異膳必先薦享而已方食

太宗貞觀二年八月帝以軍國無事每日視膳於西宮三年正月戊午帝有事於太廟至太穆皇后神主悲慟嗚咽伏地不能興侍衛者莫不獻欵先是帝在髻亂穆后於諸子之中獨所鍾愛自穆后寢疾朝夕侍側不解衣冠所進湯藥必先嘗之及丁穆皇后憂毀瘠三年杖而能起卽位後幸隴州經慶善宮獻欵謂侍臣曰此朕生處朕之胞見在宮裏慈顏猶邈無可復追生育之恩不知何以上報因舉聲號慟悲不

自勝在位者莫不嗚咽及還至宮享后於正寢後數歲下詔爲后建福佛寺於京師初起作之夜帝夢見后侍奉若平生旣寤悲感流涕達旦因下詔爲后於寺盡京城僧尼設齋追福焉

四年六月高祖不豫帝廢朝視藥膳於大安宮如家人之禮辛卯有瘳百寮稱慶詔曰書不云乎一人有慶兆民賴之朕虔奉大安愛敬崇極日嚴之養祇慄斯在近日聖躬違豫寢膳有虧憂懼有懷不遑寧處博求醫術備盡蠲療祈告明靈具陳懇篤上玄降福遂蒙昭祐應於康愈萬福咸宜慶幸之隆實兼家國

思班愷樂洽于卿士然而尚齒興孝德教所先饗饋是加義超嘗等諸州都督刺史及文武官老人八十以上并孝旌表門閭者並宜節級賜物以申饗宴庶使萬國之內同此歡心施於四海皆知朕意八年三月高祖讌於兩儀殿顧長孫無忌曰當今蠻夷率服古未嘗有無忌對曰陛下以神武定天下什屬得人萬國乂安四夷賓服臣實不勝幸甚謹上千秋萬歲壽高祖大悅以酒賜帝帝奉觴上壽流涕而言曰百姓獲安四夷咸服皆奉遵聖旨豈臣之力也於是帝與文德皇后互進御膳并上服御衣物皆珍寶奇異



又上珍寶巾予皇后執櫛理鬢手自冠焉因言至尊  
年高髮白都盡帝與皇后皆流涕蒸蒸就養一同家  
人常禮高祖亦喜形於色群臣瞻奉莫不內懷感悅  
十三年正月帝朝於獻陵至小次降輿號哭入闕門  
西面再拜慟絕不能興禮畢改服入于寢躬親執饌  
閱高祖及先后服御之物匍匐牀前悲慟左右侍御  
者莫不獻欵 會要又載初甲辰之夜大雨雪及帝入  
陵之上俄而流布天地晦冥禮畢帝出自寢宮步過  
司馬門泥行二百餘步於是風靜雪止天色開霽咸  
以為孝感之所致焉  
十四年五月丁酉帝追感高祖先后同忌此月不御

酒肉

十六年十二月令左監門中郎將齊士員將兵衛獻  
陵帝召士員至望見而降殿自悲咽不已謂從官曰  
頃屬歲陰道暮情深罔極所備新衣珍饌欲以正旦  
奉薦園陵朕若親行便勞扈從三元告始家有吉凶  
慶慰之禮咸重茲日朕不欲勞人乃自抑止因命江  
夏王道宗代行所獻之物帝並跪授道宗焉  
十七年七月癸巳司空房玄齡給事中許敬宗著作  
佐郎敬播上所撰高祖并當朝實錄各二十卷帝遣  
諫議大夫褚遂良讀之於前始讀至帝初生祥瑞遂

感動流涕曰朕於今日富有四海追思膝下不可復  
休因悲不息命令收卷

二十年十二月癸未帝謂司徒長孫無忌等曰今日  
吾之生日俗云生日可嘉樂於吾之情翻成感思君  
臨天下富有四海而追求侍養永不可得仲由懷負  
米之恨則吾情也因泣下數行群臣並皆掩淚

高宗爲晉王始年九歲居長孫皇后喪哀慕不能自  
勝太宗嘗加慰撫繇是特深寵異貞觀十六年立爲  
皇太子十九年太宗親征遼左命太子於定州監國  
將發太子悲啼數日因奏請飛驛通表起居又請通

勅垂報並許之飛表奏事自茲始也每聞太宗親臨  
賊城不踰百步中宵不寐達旦銜涕因上表曰願收  
雷霆之威駐矢石之外惴惴愚誠敢以死請及師旋  
太子從至并州時太宗患癰太子親吮之扶輦步從  
者數日旣至京師太宗氣疾發動乃於北闕餌藥令  
太子總攝機務每日聽政於東宮罷朝復謁寢門視  
膳不離左右

二十三年從幸翠微宮太宗苦痢增劇太子侍疾旬  
日之間髮有變白者太宗泣曰吾聞古之孝者不過  
文王汝今數日不食晝夜不離吾側口嘗湯藥盛年

鬢則變白汝之孝敬過文王矣吾雖殞沒亦無所恨及太宗靈駕將引帝號叫自投於地板輶車哽慟摧裂大軍悲哭不能自勝

永徽二年四月己丑以將忌月令有司進素食太嘗停教終于五月自三年喪畢朔望未御正殿百寮上表請乞九月辛卯始御太極殿自此每五日一度太極殿視事十一月辛酉親祀南郊黃門侍郎宇文節奏言依儀明日朝群臣陳樂懸請奏九部樂帝日被甲而舞者情不忍觀所司更不宜設言畢慘愴久之初太宗在藩樂工爲秦王破陣樂舞以歌用兵之妙貞觀初以爲武舞每讌享奏樂必陳之至是停於殿廷所作而所司依前習之三年正月丙子親祠太廟及布幣裸獻至太宗神座俯伏感慟悲不自勝侍衛者皆獻歛莫能仰視

六年春正月壬申朔親謁昭陵文武百寮及宗室子孫並陪位帝降輦易服行哭就位再拜擗躄禮畢又改服奉謁寢宮其崇聖宮妃嬪太長公主以下及趙二國太妃等先於神位左右侍列如平生帝入寢哭踴絕於地進至東階西面再拜號慟久之乃進太牢之饌加珍饈具品引太尉無忌司空勣越王福曹

王明左屯衛大將軍陳知節並入執爵進俎帝至神座前拜哭奠饌闕先帝先后衣服拜辭訖行哭出寢北門乃御小輦還行宮

中宗爲皇太子大定元年從則天幸京師時屬凝寒親捧天后足步從一里餘天后大悅下制褒美宣付史官二年正月欲躬侍則天皇后靈駕以赴山陵百官固諫乃止有司以則天皇后服滿三十六日請帝及百寮並從權制改服慘服帝不許竟服衰麻唯公卿以下聽服慘服帝自居諒闇令所司唯進倉米薄粥豆盧欽望以帝素有氣疾請少加一薑桂上表曰

臣聞孝子居喪朝一溢米暮一溢米食之無筭或粥或飯不能食粥者飯羹以菜可也又曰五十不致毀又曰喪有疾食肉飲酒加以薑桂又曰若不勝喪乃比於不慈不孝孝經曰毀不滅性此聖人之教也竊以兩溢之米欲滿大升或爲飯粥隨性所嗜羹以助食年至五十不合致毀素有疾又加酒肉食味不美調以薑桂此乃聖人制禮原父母之情不欲令孝子病毀不勝哀痛也自古聖人制禮如此殷勤大行則天遺制如此聖至今陛下三日視事聽覽萬機群臣性命仰陛下存活三聖基業待陛下興隆伏惟聖年

已登五十陛下緣在房州先患脚氣今在衰苦舊患更發又自今月二日已來唯令進倉米薄粥臣下驚恐不勝惶懼但倉米陳臭天下共知食卽動氣奈何陛下以五十之年抱積久之患奉累聖之緒承遺制之托上事宗廟社稷下養赤子蒼生故食動病之倉米不遵遺令之教訓陛下縱自輕性命其奈七廟何其奈萬姓何臣等痛切之至謹述先聖制禮大行遺制伏乞少進美膳加以薑桂卽望聖體稍和舊患漸損制不許

玄宗開元五年十二月己丑勅令在遐密又逼忌辰起今日後至來年正月上旬以來竝進蔬食所司准式此限內仍令都城禁屠殺

十七年十一月謁橋陵帝望陵涕泣哀感左右升奉先縣爲赤縣以所管萬三百戶供奉陵寢

肅宗至德二年十二月丙午玄宗自蜀至帝至望玄宮奉迎玄宗御宮南樓以俟之帝望樓辟易下馬趨進樓前再拜蹈舞稱賀玄宗下樓帝匍匐捧玄宗足涕泗嗚咽不能自勝扶玄宗升殿尙食每進一味帝皆嘗膳然後進飛龍御馬帝親選試然後進御玄宗上馬乘轡帝攏馬行數步玄宗止之而後退玄宗謂

左右曰吾享國以來未知貴也今見吾子爲天子乃知貴也左右皆呼萬歲帝嘗避馳道執鞭弭導引玄宗自開遠門至丹鳳門連棚夾道兵馬旗幟昭曜都邑者老繙黃垂泣蹈舞皆曰不圖今日天下再安復覩二聖都人士女觀者萬億計繇丹鳳門入大明宮内外文武百寮先俟於含元殿前以班序立玄宗御殿扇開左相苗晉卿右僕射裴冕等奉賀蹈舞呼萬歲玄宗親慰百寮皆感咽帝累奏請辭位居東宮玄宗固不許又使高力士再三諭旨乃奉誥焉乾元元年四月戊辰帝進太上皇燒丹竈誥曰孝感之極通於神明傳於前史跡罕彰灼今日之事不其效歟吾比年服藥物比爲金竈煮煉石英自經寇戎失其器用前日晚際思欲脩營一昨早朝遽聞進奉有同符契若合神明此乃汝之因心溯吾之本意豈惟此度前後非一則知惟睿作聖惟德動天再闢寰區重會父子付托之際古今未聞色養之勤書冊不載寤寐嘉歎深慰于懷宜頒示天下宣付史館帝上表謝曰臣伏奉恩命以臣所進藥器深合天心伏蒙特垂褒美令頒示天下臣幸以非才叨膺寶曆聖慈曲眷每事憂兢至於孝養之宜臣子嘗禮先意承旨務達微誠

不期進奉之時偶合聖旨寧謂至誠能感事近前知以臣孝既繇衷物自冥應特加獎飾許載縑緗在臣下情彌增愧悚誥曰王者域中之尊孝者天下之本兼而成務厚莫重焉而應物以和奉親以愛繇衷而舉有感必通若不動於神明豈能比於符契且匹夫之績尚銘於鼎鬲况天子之孝不列於縑緗故欲昭宣示於中外垂芳於來葉光我國典也十一月玄宗幸華清宮還帝至灞上迎候下馬趨進百餘步再拜舞蹈前抱玄宗足玄宗撫帝背帝又控轡行數十步有命乃止

上元元年七月殿中監李輔國矯詔自興慶宮移太上皇於大內帝更選擇後宮及上皇素所愛幸并妓樂百餘人令於西宮備灑掃又有詔令萬安咸宜二長主侍養上皇至於服御饌食窮以珍奇視膳問安加於嘗日異方進獻先到西宮國之大事咨之可否然帝從此怏怏成病嘗涕泣不樂每西宮朝見嗚咽不能自勝侍臣感動天下稱孝繇此嘗欲誅輔國會疾甚竟不行

憲宗元和二年春正月庚寅朝享於太廟初次諸室帝皆盡于誠敬至德宗順宗室流涕嗚咽若不自勝

侍臣及舉冊官皆相顧感泣

穆宗長慶元年正月庚子享太廟至順宗憲宗二室

獻欷流涕侍臣從官皆感動

文宗孝義天然太和中太皇太后居興慶宮寶曆太

后居義安殿皇太后居大內太后憲宗懿安郭后也寶曆太后穆宗恭禧王

后皇太后穆宗真獻蕭后也王后生敬宗蕭后生文宗時號三宮三太后帝五

日參拜四節獻賀皆繇複道至南內開成中正月望

夜帝於咸泰殿陳銀燭奏仙韶樂三宮太后俱集奉

觴獻壽如家人禮諸親王公主附馬戚屬皆侍宴片

膳饗珍果蠻夷奇貢獻郊廟之後奉三宮而後進御

帝嘗以宗廟祭器朽故不修丁寧言於宰臣因令郡

縣有為漆器處精造以進既而江南諸道有以新祭

器奏到有司遽將呈貢上斂容令陳於別殿具冠而

閱之有頃獻欷而退

後唐莊宗初嗣晉王居喪過制毀瘠不自勝將吏不

得謂見監軍使張承業排闥至廬所言曰大孝在不

墜家業不同匹夫之孝且君父賦世嗣主未立竊慮

兇猾不逞之徒有懷覬望又汴寇壓境利我凶哀苟

或搖動則倍張賊勢訛言不息懼有變生請依顧命

墨縑聽政然後經畧南征保家安親此為大孝勿拘



嘗制以收遠圖於是聽斷大事乃平定趙魏雖萬里之殷在鄴城每一歲之內馳駕歸寧太后者數四士民服其仁孝同光二年正月甲寅帝在維京太嘗奉定皇太后到闕儀皇帝合於銀臺門內奉迎勅與以未平國耻須運戎機十年親統於驍雄千里久違於定省寧辭櫛沐嘗切晨昏今已翦蕩元兇宅居中土仰稟庭闈之訓獲寧宇宙之心恨不得躬詣汾川榮迎法駕况皇太后遠涉山阻將及近畿朕何以端坐闕庭爲拘管禮進云舊制未叶斯懷朕今親至懷州奉迎丙辰中書奏緣自二十三日後在散齋老內不合遠出勅旨到河陽奉迎庚申幸河陽奉迎皇太后悲泣久之太后素與劉太妃善分決之後思心鬱陶雖娛玩充庭常悒然不樂俄聞太妃違豫日命尚醫中使問訊結轍使言有瘳卽喜言加則不御飲膳自是終始無敢言加者旣而謂帝曰吾與太妃恩如伯仲彼經年抱病但見吾面差足慰心吾驟歸晉陽旬朔與太妃復來帝曰時方暑毒山路崎嶇無煩徃復且可令存渥輦迎侍太妃譬諫久之方止及凶問至太后慟哭累旬自是漸不豫帝朝夕嘗藥視膳后妃衣不解帶請禱山川竟不效帝居喪哀毀殆至滅性

皇族伏苦諫譬五日方食  
 閔帝卽位初御中興殿群臣列位馮道升階進酒帝  
 曰比於此物無愛除賓友之會不近樽竿况在沉痛  
 之中安事飲醴命徹之

周世宗初鎮鄆州太祖親征慕容彥超六月堯州平  
 帝遣使奉表請車駕繇鄆濮路還京庶得一觀天顏  
 太祖從之及太祖過澶淵帝迎謁於馬前悲咽流涕  
 顯德元年帝親征河東迎故淑妃喪還太祖一后三  
 妃及嵩陵就掩皆議陪祔帝以妃喪在賊境未及遷  
 窆乃詔有司於嵩陵之側預營一塚以虛之俟賊平

卽議襄事至是帝幸晉郊果成素志蓋孝感之所致  
 也

冊府元龜